

繡像東漢演義

已亥
遊墨書

5757/513C
v.5

繡像東漢

演義

李遜齋

書眉

光緒己亥季春

上海書局石印

二二五

繡像東漢演義目錄

卷一

第一回	奸計圖王侵寶位	第二回	忠言罵賊死金鑾
第三回	仗劍金階扶寇主	第四回	提兵入禁斬嬌娥
第五回	假帝治民圖社稷	第六回	全忠硬節老風塵
第七回	乘威據賊侵英主	第八回	假制施仁斂小民
第九回	三諫不從應至敗	第十回	千金和議可為痴
第十一回	肆凶王莽人民怨	第十二回	叛國蘇成將卒驚
第十三回	鄧辰荐傑扶新主	第十四回	光武求賢會故人
第十五回	嚴光卦卜知真主	第十六回	王莽科場選俊英
第十七回	王莽選材噴武醜	第十八回	崔亭揭榜報蘇獻
第十九回	蘇獻百端讒烈士	第二十回	竇融屢奏極明君
第二十一回	古廟潛逢擊國柱	第二十二回	平坡暫別棟梁材
第二十三回	別逢共叙情難已	第二十四回	配合應知分所為
第二十五回	少翁預卜聖君臨	第二十六回	訪推命運何時泰
第二十七回	故假威名即日興		

卷二

第二十八回	光武中興恢漢業	第二十九回	堅譚一戰復劉基
-------	---------	-------	---------

第三十回	聚兵白水屯營寨	第三十一回	遇將長安脫困籠
第三十二回	勢危馬死罹兵困	第三十三回	運秦牛生出敵圍
第三十四回	歌聲未已明君至	第三十五回	話國纔終義母亡
第三十六回	車軍陣上擒王將	第三十七回	韓宰城中却漢兵
第三十八回	無計脫奸全叔命	第三十九回	施謀殺賊解君愁
第四十回	新野兩軍開仆偃	第四十一回	棘陽二將顯威名
第四十二回	岑彭設計偷營寨	第四十三回	鄧禹圖謀進棘陽
第四十四回	軍排鉅鹿戰蛟龍	第四十五回	為國舍生全大義
第四十六回	興邦求士復深仇	第四十七回	碎胆奸雄歸馬武
第四十八回	畏名賊子立劉玄	第四十九回	名臣重會圖謀策
卷三			
第五十回	紫微躍奔求名將	第五十一回	列宿紛臨助聖君
第五十二回	拖腸屢戰心無懼	第五十三回	斬首堆橫氣愈雄
第五十四回	佞賊空謀囚漢將	第五十五回	英雄勢逼反王君
第五十六回	爭名奪利空呈表	第五十七回	創業興王遍事賢
第五十八回	明良一舉妖人破	第五十九回	勇將齊迎敵寇亡
第六十回	敵破也知居士好	第六十一回	成功猶有故人思
第六十二回	智士規宏終大器	第六十三回	小人狹隘豈成材

卷四

第六十四回	聞風競獻歸仁里	第六十五回	雪耻爭迎掃賊奸
-------	---------	-------	---------

卷五

第六十六回	操謀蔽主心過望	第六十七回	杖策追君意遠圖
第六十八回	惑拜王即欺正業	第六十九回	傾扶漢主滅奸邪
第七十回	民感仁威歸聖主	第七十一回	天憐弱寡退邪兵
第七十二回	王霸合冰援帝難	第七十三回	仲華熱火燎君裳
第七十四回	大啟雄兵經日會	第七十五回	月明妖婦駕雲來
第七十六回	奸計誣良誅佞賊	第七十七回	忠言服眾鄧英賢
第七十八回	平除賊詔蕭王職	第七十九回	荐舉能封太守權
第八十回	五夜禁寒扶帝主		

卷六

第八十一回	赤眉鄭北扶盆子	第八十二回	帝勅關西拜鄧臣
第八十三回	王匡結賊侵更始	第八十四回	盆子哀臣避赤眉
第八十五回	朱破赤眉重拜將	第八十六回	復攻反賊再興師
第八十七回	勒馬討凶安社稷	第八十八回	請兵伐暴拯時危
第八十九回	馬援說奸專智主	第九十回	劉君遣將伐驍雄
第九十一回	大將平齊賓仰伏	第九十二回	元臣述疏論興亡

第九十三回 忠臣一示難存體 第九十四回 賢士三徵不屈名
第九十五回 為國運籌善數讓 第九十六回 拯危決策將俱降
第九十七回 賊思君義誠傾服 第九十八回 帝泣忠臣厚歛封
第九十九回 馮異兵臨天水破 第一百回 岑彭師震蜀川驚
第一百一回 吳軍克戰平巴蜀 第一百二回 漢帝追勳權廟廊
第一百三回 偃武脩文圖致治

卷七

第一百四回 曩田詔尹民遭害 第一百五回 廢郭封陰子受榮
第一百六回 伏波標柱平交趾 第一百七回 郡守陳章奪虜權
第一百八回 表請詔辭仁智見

卷八

第一百九回 告廟饗天明制度 第一百十回 圖形畫像著功多
第一百一十一回 賢臣避世勤耕織 第一百十二回 烈女承恩繼史書
第一百一十三回 鄧薦託親辭避辱 第一百十四回 班昭誠女欲全倫


卷九

第一百五回 詔出朝歌民政治 第一百十六回 閻臨攝職國臣荒
第一百七回 強乘入朝辭懦主 第一百十八回 埋輪當道劾奸臣
第一百十九回 埋金貴德傾京市 第一百二十回 切齒忠言喪佞臣

卷十

第一百廿一回 忠言觸佞含冤獄 第一百廿二回 德政清羣致治平
第一百廿三回 貴戚一門貪愈恣 第一百廿四回 張奐風威寒虜胆
第一百廿五回 李膺嚴肅振朝綱 第一百廿六回 誣忠擊黨寃埋獄

光武帝



王莽



嚴子陵



鄧禹



巨無霸



吳漢



馬成



新修夏漢書
卷之四
馬成

吳漢

四

姚期



王梁



馬武



繡像東漢演義卷一

按鑑平帝大臣姓王名莽字巨君大名元城人王曼之子也曼兄弟八人俱在公侯之位惟曼早死未封莽自幼孤伯叔王鳳王崇等撫養及長莽恭儉勤身經書博覽童好整飾衣冠人謂曰儒生也外交英後內事諸父曲有禮意因元帝選其姑入宮得寵立為孝元太后封莽為新都侯爵位益尊節操愈謙盛名隆治勝厭諸父至平帝即位莽生一女姿容絕色貌實超羣進與平帝為妃遂加莽為皇丈太師安漢公兼領樞密院事端達于龍尊前太威兼以哀平短由是莽得專寵威勢日震國政朝綱悉握其內時王莽形類古怪氣象嶮巖為人心奸性燥疾如賢能長有窺圖漢室之心後帝再加以九錫之封兇狂愈肆則平帝竟遭其弑而篡奪位焉後詩言王莽虛譽周公恐懼流言日王莽謙恭下士時假使當年身便死一生真偽有誰知

第一回 奸計圖王侵寶位

乙丑元始五年臘月八日平帝壽旦文武百官各整朝衣象笏肅候午門之外待駕臨賀是日平帝登殿羣臣班列拜舞揚塵俯伏金階之下慶賀萬壽山呼禮畢左班修有一臣紫袍金帶象簡為靴手捧金盃趨上金鑾跪於帝前啟曰我王萬壽臣無稱觴之舉特具椒酌一盃以表君臣之義願我王鑒臣微意帝聞奏視之乃皇丈王莽也帝思此人昔有不平之意恐生毒害乃佯狂顛倒推醉不受莽見帝辭躡身奮起扯住龍袍以酒灌入其口怪半傾於身帝不得已而飲之頃刻間御身倒下龍床七孔皆流鮮血殿上百官各各驚駭悉在勢下畏不敢言嗚呼平王之命不幸隨於奸佞之手良可痛哉

總評 王莽不足論獨怪殿上百官竟束手以視亦可恨亦可憐

第二回 忠言罵賊死金鑾

却說殿上百官見王莽將毒酒灌死平帝無一人敢言但吁惜不已忽御屏風後閃出一人身長八尺面
顏紫色相貌堂堂身穿盤龍袍腰繫白玉帶手持金簡足履烏靴乃皇叔劉登見王莽將鴆酒灌死平帝
大罵奸賊漢家有何負汝安敢逆天行事殺戮吾君莽曰爾上祖奪取秦朝天下享此數年之榮又且凌
辱大臣無端極甚今天歸於我汝何言哉劉登罵曰欺天反賊不思漢王以汝官高爵極富貴難言今日
忘其大恩弑身奪位天理不容言訖手持金簡怒若雷霆向王莽使打忽傍邊閃出一將仗劍趕來大罵
無知賊子敢欺君越法若不斬首為示恐難服眾遂拔劍一砍登死於地說得眾將俱不敢言吟窗下
詩讚劉登 踴出金鑾勢莫當昂昂志氣壓羣芳雖被奸雄挫罵賊聲名萬古揚

總評 此君大不可少

第三回 仗劍金塔扶寇主

却說斬死皇叔劉登者乃殿前大將軍蘇獻也王莽喜曰大將軍與我同心恢復天下官居極品與國同
休而不敢忘今日之盛德也獻聽之其喜不勝遂按劍立塔而言曰從今日之令如有不服者夷族滅身
竭力匡扶者封侯拜爵眾官聽罷一齊應聲願同佐護劉王莽曰傳國玉璽不知今在何處蘇獻曰孝元
太后收藏王莽即令蘇獻與弟王尋去取太后正在後宮不知弑君之事有宮女急入報曰今王莽將鴆
酒灌死帝王蘇獻殺死皇叔娘娘尚不知故太后聞言大驚登時魂飛氣絕悶死於地宮娥急救多時方
醒放聲大哭幾甦幾絕乃大罵賊臣我漢與汝素無冤仇何故反君奪位言罷復思此賊既殺吾君必來
取印遂抱往投澆花井投死高將至井蘇獻王尋二人趕至截住叫太后將印何往太后曰往前殿投獻
王莽爾等何故攔當蘇獻知太后詐言向前欲奪太后見其來奪思將王印打死此賊以報殺帝之冤遂
輪起王印望蘇獻便打被蘇獻躲開一聲响處中於太湖石上獻欲近斬首太后思被其辱急投井而死

按蘇獻字萬高宋州下邑人平帝初王莽保為殿前大將軍

第四回 提兵入禁斬嬌娥

却說蘇獻見太后自投井死即捧王印於手見損壞一角以金鑲之獻與王莽具說前事王莽聽罷大怒
令弟王欽領三千羽林軍搜入宮中將平帝家屬並八百嬌娥美女盡行誅戮有詩為証 有如春暮起
狂風花落殘英遍地紅殺氣衝開金鳳闕昏雲閉盡廣寒宮

總評 閱至此王莽即粉骨碎身不足償美女之冤也

第五回 假帝沽名圖社稷

却說王莽傳令俱絕漢朝之室女盡滅劉氏之宗支宮中老幼皇親國戚悉皆殺盡王莽親自仗劍往於
前殿忽見一小兒走出視之美貌端然丰姿俊偉隱隱君王之像乃欣然抱之於懷呼眾文武俱往前殿
拜立為君

按鑑小兒乃漢宣帝元孫廣戚侯勳之子年三歲名曰孺子嬰也平帝崩無嗣王莽見其年幼乃迎而
立之在位三年莽篡位廢為安定公

丙寅三月王莽親抱子嬰坐於龍榻之上眾百官文武拜伏金塔山呼禮畢蘇獻出班言曰今漢朝已罷
天下盡屬吾王又將子嬰為帝為何如耶莽曰汝不知故劉氏宗枝未能悉滅奸雄心事關外尚王者甚
多今假立為標使劉氏來朝如到者即殺之不赴朝者以兵伐之學取周公旦攝朝之規使不知吾反漢
之策除却劉氏禍根免生後患眾皆然之遂立為帝改年號居攝元年五月詔莽稱假皇帝丁卯二年莽
依周書作大誥令人遍諭天下言平帝昏庸不堪重責今已遜位於孺子嬰也由是吏士攻義破之戊辰
三年王莽自謂威德日盛大獲天人之助遂名蘇獻等入坐後殿共議即真之事莽曰漢室已傾吾假子

嬰為帝今枉受一虛名將何如耶獻曰我主威鳴海外聲震京都天下吏民悉皆畏服且子嬰乃漢朝枝葉不可久立為君倘後養成威銳我王空費前心莫若乘此滅之自取天下豈不全乎王莽久有此意但未可自專今見蘇獻所發乃欣然答曰將軍所言甚當時十一月以居攝三年改為新始元年莽即真天子之位定天下之號曰新加陞蘇獻為大司馬兼領行省事御弟王尋為大司徒兼領樞密院事王欽王邑為左右大將軍王豐為司天大監文武百官悉封贈訖各各謝恩而退

按鑑子嬰在位詔莽稱假皇帝至是始即真天子之位故曰假帝三年

總評 玩假之一字亦是王莽真心發見處惜其不終耳雖然即此空名亦不可少

第六回 全忠硬節老風塵

是日王莽親迎漢臣龔勝至殿謂曰久聞太師負經緯之才故請為太子師友可為小心誨道開塞茅茨倘能立志於朝則景下亦難忘矣龔勝淚下而言曰吾受漢皇重爵不能為彼支持今國破君亡罪宜速死尚何圖顯背主而欲生哉王莽曰太師非不能忠今漢皇亡滅天數然也太師若肯扶孤創業亦不失宰相之名以為子孫相承之計今何苦執之耶言罷不由所願強入東宮即令太子王禹侍聽講讀慢慢制服其心龔勝見逼不得已而入宮嗟吁悶坐不就飲食遂餓十四日而死壽年七十有九太子王禹急至前殿報知王莽言太師龔勝不食自死王莽喟然嘆曰真良士也遂傳勅令葬東門之外是時清明之士又有紀遜薛方郎相唐林唐遵皆以明經飭行顯名於世莽聞其賢遣使召之紀遜郎相唐林唐遵即詣入朝莽宣至殿下山呼禮畢謂曰久聞卿等明智賢士未獲親睹今幸不棄而來吾之願也答曰陛下聖德仁君臣等庸才淺薄不能明政決事以致主於優游乞陛下姑納為用莽曰有是才則有是用卿等明經博覽特請為太子侍讀何故謙耶此士固言罷令入東宮四人謝恩即入而去遂為太子師友莽見

薛方未至遣使安車以迎使者見薛方曰吾主王莽久愛賢士渴想心埃今特遣吾車迎請賢士早赴慰彼之望方謝曰堯舜在上下有巢由今明主方隆唐虞之德小臣欲守箕山之節使者見不願遂回見王莽具說其言不強致之詩讚云細評賢士漢誠微名節雙高世所稀視死鴻毛輕不易清風猶邁首陽薇

總評 班固曰王貢之才過於龔勝守死善道勝實蹈焉貞而不諱薛方近之此論蓋許龔薛而

深惡唐林諸君也我意亦然

第七回 乘威據賊侵英主

己巳新建國元年春正月王莽登殿召眾文武議曰子嬰原立今朕為帝則有二君將何如耶蘇獻出班奏曰天下國家不可二主且陛下新居寶位未見清政再與肩立並朝恐後爭鳴角勝百姓怨望依臣愚度陛下可減子嬰而取歸一統庶使萬民清樂四海宴平陛下詳察莽曰子嬰原朕立之若再復滅是不仁也王莽時露與心每為蘇獻所滅獻曰陛下既不忍滅可廢之為公卿何如王莽准奏蘇獻命齋旨入後殿廢子嬰為安定公孝平皇后為安定太后

第八回 假制施仁歛小民

卻說漢承平舊之業府庫充實百官之富厚變賣服天下宴然莽廢子嬰而盡得之其心意猶未滿足欲狹小漢家制度更為疏濶故召蘇獻問曰朕聞古之帝王有分土養民之良法方一里為一井其田九百畝中畫井字跡為九區一區之中為田百畝中百畝為公田外八百畝為私田八家各授私田百畝而同養公田是九分稅一所以國給民富而頌聲興作則刑措不用于世也至若秦壞聖制而廢滅井田則天下人民兼併而起貪濫強者規田以千數弱者曾無立錐之居漢氏減輕田租三十而稅一常有更賦罷廢咸出而豪民各相侵陵貧者無活則借債富者田耕共分所取富者被上逼稅則侵陵劫奪多取于租

上取乎中中取乎下名為三十稅一實乃十而取五也故富者囊餘金玉粟盛粟根肥馬輕裘驕而淫肆貧者衣無足體食缺充餐不厭糟糠窮而奸盜當此之時民俱陷于無辜則刑用而不錯也今朕欲更名天下之田曰王田奴婢曰私屬貧者不得賣富者不得買其男口不盈千八而過田一井者分餘田與九族使民者得食王者得安卿意若何蘇獻曰陛下之仁勝於文武無一不當今若除舊虐政而復古禮則天下不日而化也尚何言哉王莽大喜遂傳旨周諭天下隣里鄉黨敢有不遵非井田聖制者投諸四裔以禦魍魎於是萬民歛怨士卒苦勞

總評 井田良法也王莽行之適足以亂天下耳

第九回 三諫不從應至敗

辛未三年王莽自廢子嬰之後恃有府庫之富欲立威武驅服匈奴是日設朝文武百官揚塵拜畢莽即傳旨令孫惠等十二將率兵攻伐匈奴嚴尤急出諫曰陛下不可輕敵匈奴為害所從來久矣未聞上世之君有必征之者後世三家周秦漢率兵征之曾無得勝於上策者也周得中策漢得下策秦無策焉周宣王時獵狁內侵至於涇陽下寨宣王命將征之全獲大勝盡境而歸其視獵狁之侵譬猶蠱蠱滅之於一指之易而不勞力故天下咸稱宣王之威是為中策至若漢武帝時選將練兵約齋輕糧深入遠戍雖有克獲之功胡輒報之所以兵連禍結三十餘年則中國消磨疲敝日甚後匈奴犯界武帝起兵破之殺其將十之五平定邊疆而天下稱武是為下策秦皇不忍小耻而輕民力北築長城延袤萬里於渭南起建阿房宮高數十丈五步一樓十步一閣并填海脩嶺等事疆境既全而中國內竭以喪社稷終不能保是為無策今我王即位天下未安且值年歲凶荒人民飢饉北邊兵馬精壯臣甚憂之願王思察莽不從言率兵前進以孫惠為先鋒王尋為元帥王邑王欽為左右使是日點起大軍五萬各披重掛分道並出

金戈耀日赤幟遮天行經數日至邊下寨却說匈奴單于主聽知莽兵臨界急引十萬大軍至邊迎敵兩

軍對陣孫惠出馬頭頂白銀盔身穿鎖子甲手提黃龍槍坐下烏騮馬大喝一聲叫單于決戰匈奴單于

聞言大怒急提方天戟跨上追風馬立于陣前罵曰弑君賊子安敢大言罵得是夷狄之有君不如昔漢

帝時兵強將勇尚有畏吾之心年年遣使進貢汝王莽賊侵奪劉氏江山殘虐天下百姓今反敢率兵與

吾爭戰三合捉汝以雪平帝之冤孫惠曰操鞭賊奴不識英雄好漢早下馬降庶留殘命言罷兩邊擺開

陣勢金鼓齊鳴角聲響處戰馬嘶風二人交鋒共戰十合孫惠敗走單于追殺王邑王欽出馬夾攻二人

戰無兩合飛走回陣單于率兵追趕混殺一陣王兵大敗各逃躲閃匈奴收兵進入中原安下却說王尋

等走至一山坡收點殘兵傷折一半暫屯安歇尋謂眾曰頗奈操鞭輸吾一陣又入中原將如之何孫惠

曰元帥少憂匈奴雖得一勝則無遠智深謀吾等今夜趁其未備可去偷劫營寨必然破之王尋大喜至

夜二更即令孫惠等分軍五隊按轡潛行至寨周迴一遍見其都已濃睡一聲砲响四門齊入喊呼震地

叫殺連天驚起匈奴昏濛黑蔽不識東西單于慌忙上馬引軍望北殺出被孫惠截住兩馬相交共戰十

合單于回東奔走又遇王尋攔路約戰三合被單于撞出陣去王尋割掠其後一齊趕上混殺匈奴大敗

遍野伏屍山積滿坡血漲河流怨氣漫天號悲鬼泣野有暴骨民不聊生王尋將軍安寨頓歇却說匈奴

單于走至雁門關屯扎殘兵敗卒不上千餘之數十萬軍來俱被傷折至次日回胡整集匈奴二十餘萬

復入北塞擾亂中原殺將奪馬虜掠生民王尋等知匈奴復整軍至懼怯勢大難敵急班師回朝而去有

詩為証 奸雄恃富欲威名惹動兵戈角勝爭北野空虛堆暴骨中原擾亂斂民生也知勢弱難驅大始

信匈奴未可輕負殺當時三諫策今朝纔把智愚評

總評 嚴尤之見大是惜莽不聽使中國之民流為盜賊而莽亦以亡天耶人耶

却說王莽等回至長安入朝見帝奏曰臣領陛下勅旨北伐匈奴不意其兵勢大人馬精強五萬軍兵被其傷折一半後臣夜往劫寨苟得一勝今匈奴又聚大軍二十餘萬已入中原境界劫掠財物殺害生民臣等兵微將寡不能抵敵故此大敗而回乞我王急將何治王莽聞奏大驚惶惶無措乃長聲嘆曰不聽嚴軍師之言今日果有惱恨嚴尤復進諫曰陛下勿憂臣有一計可退匈奴莽曰卿何高謀早為寡人釋悶尤曰自古匈奴志在財幣陛下廣將金帛遣使議和免使黎民枉遭塗炭莽聞大喜即將黃金千兩緡絹百車遣司天大監王豐齎書講和王豐領旨即日出朝上馬前行至北邊寨令人報知匈奴單于出馬問曰汝來何幹豐曰吾王莽聞君入界故遣齎旨解送黃金千兩緡匹百車特來進貢大王免使生民受害軍卒苦勞乞大王海量恕納微意單于聞言大喜即將金帛收下罷甲收兵而去異哉黃金去却說王豐講和匈奴即日回朝跟兵護卒唱凱驅歌入朝見莽奏凱兵事王莽大喜急令光祿排筵宴勞王豐重加金帛酬謝勞苦有詩為証 北邊數載感堯風徧野黎民鼓腹中王莽欲鳴威塞險反將財帛去殺

第十一回 肆兇王莽人民怨

却說王莽和議匈奴之後愈加暴肆作威苛法復興軍民殘害四月征夏稅八月起秋糧獄訟不決侵刻小民富者不能自保貧者無以自存劇而枯旱虫蝗饑饉日熾於是諸處並起為盜荊州新市王匡王鳳南陽馬武潁川王常成丹共聚藏於綠林多者十數萬少者七八千擾亂中原生民塗炭未有甚於此時者也十二月王莽召眾臣問曰朕自登基之後未見刻甯但聞羣奸乘豐旱勞不均四時失序民皆怨望何也司天監王豐出班奏曰陛下欲安天下可備香燭拜禱於南郊之外懺雪罪過自然風調雨順黎庶感安何不設法禁煩苛當省田莽准奏傳旨著弟王欽監軍立造王欽領旨即往南郊建起高壇二層每

層高一丈九尺按四時九曜星辰於上宰三牲取血按天地人三才列金木水火土於五方東方甲乙木列一百二十人穿青袍青甲青馬青鞍按青旗北方壬癸水列一百二十八人穿黑袍黑甲黑馬黑鞍按黑旗中央戊己土列一百二十人穿黃袍黃甲黃馬黃鞍按黃旗壇左二十五人壇右二十五人是日文武百官各各擁護王莽至郊扶莽上壇王莽端正平天冠身掛袞袍腰繫白玉帶足踏無憂履手執白玉圭立於中壇正視乾宮禱曰莽承天命撫職山河遭此旱歉之年賊風競起願天早賜太平救拔萬民生命祝禱望北而拜忽御林軍中一人躍馬飛出高聲大罵不殺反漢之賊天下何時太平遂於飛魚袋取出射雕弓搭上雕翎箭大喝一聲叫反賊看箭絃响處射中王莽倒於地下眾臣急救未知性命若何有詩為証 欲把金戈挽落暉軍前大喝展雄威雕翎一箭傷王莽驚殺羣奸不敢依 按放箭者姓蘇名成字伯和祖居長安乃蘇武之後人上界計都星也原任左衛將軍之職後光武封為鎮國上將軍曲臨侯

第十二回 叛國蘇成將卒驚

却說蘇成射王莽一箭中平天冠不致其命武士拿下推出斬首王莽聽言反漢天下不甯之事無可答蘇成笑莽曰汝好有福予命反遭汝手莽笑曰匹夫小寇吾賜黃旗一面御筆親書奉勅叛國降漢蘇成八字與汝再賜白馬一疋放汝出叫看有從否蘇成得令拍鞍上馬手執叛國黃旗直奔御林軍中高叫王莽今日賜我黃旗一面御筆親書八字於上著吾叛國今南陽見有漢室明君汝眾等敢叛莽興漢者跟吾同去懼怯莽賊休來眾軍聞成之言叫從叛者大半一呼而從者大半言軍中一變後恐難服可急斬成為示以嚴旨令莽曰吾旨著其自叛不可復拿言訖罷壇眾文武簇擁回朝各散而退至次日王莽設朝忽一人急趨上殿報曰正陽門外眾民大喊一聲見一大禽飛下立高

文餘諸鳥遮護請陛下觀是何物王莽聞說即引文武百官直出正陽門外視之果見禽高壯大紅背人
 眼口叫殺聲諸鳥隨從蘇獻奏曰此禽非凡乃靈鳥鳳凰也聖人云國家將興必有禎祥文王時鳴於岐
 山故生文王乃賢聖之君能立周朝八百載之基今我王新創帝業遇此祥瑞之物亦如是也莽聞大喜
 復有欽天監王豐奏曰此乃上天雄鳳又如鸞鷲觀其殺伐之聲定主刀兵旱澇帝曰若此將何治之獻
 曰無妨可用三般物祭之則見凶兆帝曰若何三物獻曰可用人頭水穀觀其所食何物若食人頭則主
 刀兵競起若食水穀則主旱澇飢荒帝聞奏傳旨令殺小軍取頭及水穀等物於此待吾親祭王豐急奏
 曰陛下不可今天下未甯百姓怨望之甚若再殺人取首是不仁也但可以粉假作何用實首而斂怨哉
 此通帝准奏令將三物列於門外設罷其禽即下先食其穀次食其水後食人頭食訖即飛而起向王莽
 頭上以翼一打此燻御林軍見忙將早蓋遮護其禽即望東南上奔飛而去王莽見其禽翼打頭心甚疑
 慮即罷入朝急宣文武商議恐生不測之患市上小兒謠言可更天鳳元年眾民皆言鳳凰來至遂號天
 鳳三年司天監王豐復出奏曰臣昨夜觀星象見天皇交雜紫微光曜後引二十八宿四聖九曜諸星俱
 臨北闕與我爭取天下帝曰今在何方豐曰見在東南方雙女宮下王莽復問豐曰若此之異漢帝生在
 何方豐曰上臨雙女宮應臨楚地今屬唐鄧州是也依此斷決已生南陽地界矣蘇獻出班奏曰此無妨碍今天
 下已非漢世之景尚何憂哉既有妖星犯闕臣能治之莽曰卿何能治獻曰可效秦始皇御駕游歷自然
 不應王莽准奏遂令姓王者三千姓蘇者八百同陰陽官引五千軍馬於東南方紫微應曜並二十八宿
 跟護之處御駕親歷王豐聞言急出奏曰陛下不可堯天之年尚有旱澇之災我王但可施仁設政省刑
 薄稅自然反禍為福且星乃天之靈氣昭曜四方人豈能壓之哉言未訖御弟王尋飛出奏曰王豐說者
 太迂蘇獻奏者尤謬國之根本誠在於民民為邦本本固邦甯天既生大難人莫能逃陛下若欲安民莫

先急於圖治今四方擾亂盜賊競起可傳勅旨編曉各州郡縣開下文武科場招選天下賢士鎮守諸邦
 縱有紫微生降二十八宿擁護不能興創而立也願陛下詳察王莽聞奏大喜謂曰卿言極當即傳旨頒
 詔令百官遍曉天下再將黃榜令掛胡陽城內人烟集處眾將領旨是日將榜掛訖忽一老人躍馬如飛
 前來看榜

按老人姓劉名良字次伯為王莽篡國將劉氏家屬老幼人等盡行除滅逃者皆異其姓良乃漢景帝
 之後人哭投白水村下後改姓金

却說劉良見王莽榜招賢士不覺淚下大哭而回至白水村下馬坐於草堂之上大罵王莽而哭曰恨我
 漢家無主創業復仇時二姓劉續劉仲聞叔於草堂之上哭嘆二人忙出問曰叔父為何泣嘆良曰奈反
 賊王莽滅吾漢室宗枝又將榜文張掛胡陽招納天下賢士吾今日往視恨不能殺賊以恢漢業故有是
 泣嘆續仲答曰姪等二人可嗣漢否良曰汝等只好為臣無帝王之福言訖見一人於莊外直履草堂而
 來見老人與續仲等各施禮畢良曰汝何姓名答曰吾乃漢祖九世孫出自景帝長沙定王劉發之後劉
 欽之子名秀字文叔九歲時為王莽反漢令奸賊蘇獻領軍搜捉滅吾宗室逼秀父母俱投井死秀獨奔
 走昏迷去路是禱祝穹蒼將腰間玉環擲於地下得一黑鴉引路遂得至此續仲聞說謂秀曰吾乃汝兄
 劉續劉仲是也三人抱頭大哭劉良見其龍顏鳳準燕頰虎威有若君王之相心下微微暗喜乃謂秀曰
 吾恨漢無人矣豈料尚存汝哉遂納續仲秀三人為子改姓曰金長曰金續次曰金仲幼曰金和隱居白
 水為農

按鑑續仲二人乃上界左輔右弼星也後死光武勅贈

秀自隱居農業常有紅光罩體紫霧遮身相士曾言異日必有九五之尊村中自秀居後田豐五穀麥秀

兩岐南陽境內連年荒旱餓死人民屍橫遍野唯有白水村中田禾豐稔一年有兩歲之糧時光武年二十歲見叔父劉良有不樂之意問曰叔父為何朝夕憂悶良曰我前者去胡陽城見莽賊出黃榜選納英才使吾有不悅之意和曰是何言也此國家之正理聖人云得賢者昌失賢者亡何故憂之良曰國家之恨未報社稷之仇未復故吾憂之言未已忽有一人於門外直履草堂而來乃南陽新野之人姓鄧名辰字韋卿父為江夏太守乃秀之姐夫劉元之夫也入見文叔等禮畢良問曰來者何意辰曰實不相瞞奈小莊今歲旱死禾苗缺乏糧食特來公處求借應濟後當即還良見說急令光武裝上三車與辰回用文叔曰別後多年未遭一會吾與姐夫同往探取吾姐以叙姊妹之情二人遂行至辰莊上下馬請入堂中與姐劉元各施禮畢辰令置酒款待文叔三人同飲元姐修覺疾下謂文叔曰父母被賊逼投井死侵吾漢室江山今尚不報更待何時婦人之規文叔曰弟久有此意奈身居一農耳焉能為事姐曰太祖高皇亦事農業何能興立漢室文叔曰太祖有蕭何張良韓信世稱三傑神機莫測妙算有餘故能創成大弟今欲行奈無三傑扶治豈能獨立而成哉辰曰天既賦以如是之人必有賢士護佐何患無乎文叔曰今天下軍兵悉歸王莽吾等兄弟孤身力寡豈能與彼爭耶辰曰不足為慮吾舉一人胸涵豹略腹蘊神機真乃興劉滅賊之士視王莽如糞土視蘇獻若嬰孩若得其至則天下易同反掌矣有詩為証 早年韜略胸中筆下能施造化工妙策還堪同呂望神機端可敵黃公星辰玩列知哀咎卦象妝成判吉凶願得熊羆飛預兆定教三箭立元功

總評

君臣遇合自有奇緣

第十三回

鄧辰荐傑扶新主

文叔聽言大喜問曰何如人也辰曰遭漢大亂隱名遁世但知吾同姓未知其何名也二人遂乘騎而行

至其莊門下馬却說其仙長正於草堂之上讀周易何瓶內取出著草四十九根於爐烟內薰過即叩齒三通遂象一卦以得乾宮二爻復分而象之又得一乾乃驚而言曰適纔紅光罩日紫氣貫天今又占得一乾依此斷決必有君王臨降筮畢乃作一歌而嘆曰 天下惶惶兮百姓倒懸王莽篡國兮理位尊權漢室中興兮真人出現撥亂反正兮須臾來年 却說文叔鄧辰二人於柴扉之外覩見草堂之上一仙長身長八尺童顏鶴髮穿一領綠藍衫束一條青絲絛正於堂上焚香筮卜文叔熟視堂堂異貌隱隱奇才喜不自勝謂辰曰觀此人智不亞於韓信機不減於張良真乃興劉滅寇之士言訖二人遂入參見有詩為証 高蹈渾忘寵辱心故將名避隱山林天教龍虎風雲會再整瑤琴續好音

按鑑鄧禹乃上界角木蛟二十八宿班頭也

却說仙長姓鄧名禹字仲華南陽宛城人也見文叔鄧辰二人至忙整衣冠出接邀入草堂各施禮畢禹

問文叔曰曾與兄長安同窗別後條經數載之餘未能一會今幸屈降非天緣乎各叙閒別之情光武起兵春陵

魏李通兄弟首事後來鄧禹仗策馳驅追及文叔此又為鄧辰嚴光何也文叔曰弟此來非為別故漢室江山被莽賊所奪弟欲恢復以報先

帝之冤奈無賢士興佐不能成事特來相謁尊兄匡護弟倘能苟復先業須銜環以相報矣禹曰弟乃一

涼薄之士不堪重任兄既欲為弟舉一人立成大事文叔曰可似兄乎禹曰乃弟之師也此禹高之十倍

通六壬會兵法達龍虎豹韜書胸藏鬼谷之謀腹蘊太公之策若得此人不過半載之多可興漢室文叔

曰何方人氏禹曰會稽餘姚人也姓嚴名光表字子陵因天下混亂隱名遁跡不聞見於世也文叔聽言

謂曰此人曾與吾交今幸存寓於此遂令鄧辰先回二人上馬前往穿從山過行至一村見其景致甚美

乃嘆曰真乃神仙所居之地文叔二人策騎行至草庵前下馬遶屋游玩見其清幽條暢塵土不沾水自

竹溪流瑟風從松嶺吹黃盼不盡江山之錦綉游不到野外之嬌娆二人玩罷轉過柴扉之側忽聽琴聲

韻美真個動人有詩為証 一室清幽畫掩扉寶爐風細篆烟微客來為問人間事除却琴聲總不知
第十四回 光武求賢會故人

却說仙長見文叔仲華二人至即罷琴聲冠出遊笑謂二人曰吾昨夜觀帝星朗朗下照孤村今日纔將
午候果有是兆急令道童淨掃室堂迎接御駕三人挽手並行至廳下各施禮畢文叔見其動止威儀言
談異巧喜不自勝暗思今日之會天假良緣使吾得遇賢士漢室江山從此可定于陵遂邀文叔鄧禹入
於草堂之上依序而坐子陵曰自與公子相游別後常懷尊容未暇一會今蒙屈賁頓使蓬華生輝文叔
曰故人久別今幸重遇誠乃天緣也豈尋常哉有胡曾詩云 七里灘清映石層九天星像感嚴陵釣魚台
上無絲竹不是高人孰可登

第十五回 嚴光卦卜知真主

三人各叙閒別之情子陵問禹曰文叔此來有何意也禹曰特求吾師處求發一課問取興復漢室之事
命運若何子陵曰吾尚記得文叔八字建平元年十二月甲子夜生細將八字推算謂文叔曰真帝王之
命也二十一歲小旺至三十歲上大旺富貴不小依此命決則三年之內大成發跡秀曰先可為何子陵
曰先臣後君若依愚見今王莽開下文武選場招賢納士公子可往一試倘獲納用以待時運將至一舉
而恢復之何難之有文叔曰先生言者是也奈予一身單寡無所倚靠恐有一失如之奈何子陵曰吾弟
仲華跟助主公同去庶保無事禹曰弟願往隨請勿憂慮言未畢見一人徑入堂來生得身材短小形貌
非常姓嚴名奇山中村人原與子陵同姓拜為兄弟至堂與眾各施禮畢謂子陵曰今聞長安試武弟欲
赴選特來尋處求發一課看取吉凶若何子陵遂發一課見爻象大凶謂奇曰作課不祥勿宜輕往依此
課決斷若去必恐傷命奇不信言遂辭而去文叔曰奈何無伴侶何能獨行子陵見說遂再發一課見爻

象甚吉大喜曰主公合當發跡也依此文判即有同伴言未訖果見二人自外而來未知是誰

第十六回 王莽科場選俊英

却說二人入奔堂上望子陵即拜禮畢見文叔問曰此賢士何人子陵曰主公劉文叔也二人即與施禮
文叔問曰二公尊姓答曰吾等馮異王霸是也三人共話君臣之義文叔大喜

按鑑馮異字公孫潁川父城人也乃上界箕水豹後光武封為征西大將軍武津侯王霸字元伯潁川
潁陽人也乃上界鬼金羊後光武封為上谷太守淮陽侯

時天色已晚子陵謂文叔曰今夜天氣清朗吾與主公同玩星斗文叔即隨是夜君臣五人同上子陵釣
魚之台各立方位子陵指示紫微帝星言與文叔後有二十八宿跟隨文叔曰吾往長安而去則此星若
何如耶子陵曰主公若去眾星亦護同往豈有拋離也哉文叔曰恐生不測將何為治子陵曰無妨主公
既疑可厭此星而去言訖令將水盆於前乃披髮仗劍望天密念眾人並不知所道何事須臾只見一星
落於盆中各誇其有神異至次日天曉四人拜別子陵往奔長安子陵謂文叔曰吾與主公取過一名去
文叔曰何名子陵曰可名光武

按鑑諡法云能給前業曰光克定禍亂曰武

話說四人上馬登程行經數日至長安投下歇店遂往街上閒游至午門前見眾人各齋頌立光武頓有
不忿之心乃言曰他時若遂風雲志破莽重教漢室興言訖以手指於午門之上道好道好有日冤仇必
報鄧禹等三人聞言大驚急推光武於後僻處去禹曰主公是何大言馮異王霸二人恐其惹出事來各
自退避禹同光武又往東街游戲見一人威儀壯凜搖擺過街禹問曰此乃何人也或人言是王莽丞相
蘇獻也文叔聽言蘇獻頓然想起思此賊當時逼吾父母並投井死今日撞過於此奮拔寶劍趕上殺之

以雪父母之冤鄧禹急忙挽住謂曰主公何得顛乎若惹出事來吾等都難救護不記臨行之時師傅囑咐言語教主公依聽方可成事鄧禹即將其語呈獻文叔囑歌曰 當殺不殺當射不射殺之有損射之有危 光武讀罷大喜謂禹曰誠哉此言若非公等相勸吾禍必有二人遂進歌其街市人冗相撞混散兩離禹等三人因不見文叔急上街尋正行之間忽一隊人過都言午門外道好一漢子被獻斬之禹等三人大驚謂曰若主公遭難吾等當往急救各相仗劍奔往法場而去行至將近果見斬首於地說殺三人低頭無語乃嘆曰可惜英雄智主挫於反寇之手有詩嘆曰 天邊雲暗紫微星可惜英雄一旦傾辜負釣魚台上客倚欄空望漢重興 却說鄧禹馮異王霸三人見斬首於地復近熟視乃嚴光之弟嚴奇也三人回悲作喜即還旅歇見文叔醉倒於店方纔睡覺起榻而坐問曰主公何來文叔曰吾於街上遇舊友人請飲數杯是醉卧於此方纔醒起禹曰吾等被主公一驚文叔曰為何驚也禹曰人言主公被蘇獻所害吾三人仗劍急往法場相救見被殺者乃師傅之弟嚴奇吾等方落意而回文叔曰師父真乃神人也當時此人求課師父不許其來今日果遭非命言未訖忽聞街上武士人等道來日南門外教場演試却說王莽傳旨令軍士開教場親臨演試眾卒領命急往南門講武殿上高結綵亭四面紅索解斷許百姓繩外觀看是日王莽駕臨坐於綵亭殿上文武眾官班列兩傍帝即傳旨著天下英雄壯士俱入演試却說文叔君臣四人同至教場門外見軍士整肅各執兵刃侍立兩傍馮異王霸曰吾二人先進看其事體若何主公且少待言訖二人遂從左翼門進忽遇三人同入問曰三位賢士何姓答曰吾等李忠王梁方修是也敢問二公何姓異曰吾等馮異王霸是也

按鑑李忠字仲都東萊黃縣人也乃上界星日馬後光武封豫章太守中水侯王梁字君蘇西川人也乃上界昴日雉後光武封為河南尹阜城侯方修字君遊扶風茂陵人也乃上界張月鹿後光武封為

引駕大將軍成事侯

五人話訖同至講武殿下請試帝令五人於場上各獻武藝先施弓弩後擗槍刀五人演訖各中納用即令上葵花亭赴宴時文叔於外見五人俱中頓起大怒思言莽賊奪吾漢室江山受此榮貴不如射死以雪先仇遂搭箭奮射不覺烈氣猛加雕弓拽折驚殺文武眾臣心寒胆戰帝見大怒急令金爪武士擎下問曰汝何人氏安敢欺君越法故討死乎文叔曰吾乃南陽人也姓金名和特來投軍赴選有何欺君帝令推出斬首時右丞相竇融急出奏曰陛下不可臣恐斬訖此人門外未試武士不敢進演雖有益世英雄勿納為用有何妨焉乞陛下姑恕其罪帝准奏令軍卒趕出教場之外再勿容進忽又四人直入名曰邳彤景丹蓋延堅譚王莽俱納為用

按鑑竇融字周公扶風平陵人也乃上界西斗星後光武封為大司空安豐侯邳彤字偉君信都人也乃上界翌火蛇後光武封為太常卿靈壽侯景丹字尉卿涿陽人也乃上界女土蝠後光武封為驃騎大將軍潁川侯蓋延字周卿漢陽人也乃上界虛日鼠後光武封為虎賁大將軍安平侯堅譚字子伋潁川襄城人也乃上界危月燕後光武封為鎮殿大將軍棘陽侯

選畢又見一人身長九尺面如紫玉目若朗星從左翼門進直奔綵山殿下帝問曰汝何人氏對曰吾乃棘陽人也姓岑名彭字君然聞陛下招納賢士故來投選

按鑑岑彭乃上界尾火虎後光武封為征西大將軍武陽侯

帝聞令選硬弓三張與彭扯拽後射彘心岑彭欣然起拽硬弓連斷二把再拽第三張見其頗硬乃言曰此弓略可為用遂奮身兜起連發三矢俱中紅心帝大喜曰真將軍即封彭為武舉狀元近臣奏曰陛下少止門外武士未赴選者還多恐有高才雄略不服居後可再令擗走一遭言未訖忽葵花亭上一將名

景丹見岑彭得中武舉第一頓有不忿之心踴上教場大叫曰誰敢奪吾狀元帝見爭講令其比試二人聽旨披掛上馬岑彭絳袍朱甲赤馬紅纓使偃月大刀景丹青袍短甲白馬青纓使丈二長槍二人約戰數合被岑彭展起金標擲景丹於馬下帝見彭勝問曰卿此兵器何名彭曰此乃將軍之暗器名金標也帝聞再封彭為西手將軍彭謝恩起忽蓋延出曰吾與汝一決二人上馬亦鬪數合被岑彭一鞭打於馬下堅譚見延敗亦出與戰尚未經數合被岑彭一箭射中落地而走帝謂岑彭曰武狀元定矣蘇獻奏曰還恐有未試者再令彭走一遭方纔可定言未訖見眾人內閃出一大漢身長九尺五寸面如活蟹鬚若鋼釘大喝一聲言狀元留待我來何人敢占未知是誰有詩為証 濟濟英才赴選場人人爭奪狀元即雖然未許人攀折今古男兒當自強

第十七回 王莽選材嘆武醜

帝見其人勇烈宣至殿下問曰汝何人氏答曰吾乃南陽胡陽人也姓馬名武字子張久已立待未蒙選用見陛下封小將為狀元願與略決輸贏

按鑑馬武乃上界奎木狼後光武封為捕虜大將軍朱虛侯

帝准言令二人比試馬武欣然而起即穿青錦袍青龍鎧跨上青驄馬提起青龍刀躍出教場大叫岑彭敢與吾決戰否二人交鋒共戰二十餘合不分勝負帝見二將勢勇並驅無一高下乃叫曰二將暫止二人遂下馬至殿前帝謂武曰狀元定於岑彭封汝為觀榜馬武聞言心不甘服復進曰小臣之才不在岑彭之下岑彭之才不在小臣之上此狀元當與小臣陛下何苦賜與岑彭願乞再試可決輸贏帝准言令其再試道罷二人齊拍上馬鬪至五十合馬武佯敗詐走岑彭趕上馬武提起紅綿套索將岑彭一挽彭見接住其索奮力拖扯力並無一折動兩下撕拒多時不分勝負忽葵花亭上一人言曰吾與此二人解

戰遂張弓搭箭望其套索一箭射為兩斷閃二人落於馬下

按鑑放箭者乃上界第二星亢金龍姓吳名漢字子顏後光武封為大司馬廣平侯

二人復欲上馬帝急止之曰狀元定矣不必再爭武曰臣不減於岑彭豈肯屈居其下帝曰論汝武藝可與並肩但貌不及於岑彭固如是也何苦競乎馬武曰陛下但言武略選試並非以相貌取人早知如此吾致死亦不來也帝怒令趕出教場而去時光武在傍見趕馬武出徐徐後從至午門前馬武怒而言曰大丈夫當棄暗投明揚清於後豈枉名而事賊寇言訖書下反歌於壁而去光武跟至柳陰之下細將實情訴與馬武馬武大喜曰今日漢家有主吾屈志可伸遂請文叔受拜禮畢武曰主公且回不可久停於此恐事露難以展施臣他日再會共決謀事二人遂別各回却說王莽車駕回朝至宣聖廟前見十數個書生伏呼萬歲帝問曰汝等有何事言答曰臣等於太學中見一後生困卧榻上有金龍護體紫霧遮身不知是何怪異請陛下視之帝聞奏大喜遂下車仗劍步入廟中果有一少年後生游戲講堂之上望見帝來慌忙欲走王莽急趨扯住謂曰汝勿驚懼吾與到殿為君却說其後生乃王莽之子王禹自幼分出東宮離父至長貌異不識王莽見書生奏言金龍之現恐是劉族復生真命故欲立其為帝慢圖滅之以絕後患遂引眾文武百官回朝至殿安排香燭更立新君忽一人忙上金鑾奏曰午門壁上有書下反歌一十四句請我王聖鑒帝聞奏急往觀之果然其歌曰 胸中萬丈虹霓吐矢志男兒愁萬縷腹懷惠子五車書十年費盡青燈苦誰知天下誤儒風一旦棄文身就武吾心勤意學六韜千里長安來應舉指馮一躍上青雲富貴功名談笑取莽賊白眼慢賢人為嫌醜陋將吾逐此間無處可容身手提長劍歸真主 後寫南陽胡陽縣馬武謹題自後有人題者亦多不似此人胆大和姓名書下王莽讀歌大怒急令蘇獻出街捕獲蘇獻領旨徑往歇店搜尋不知其人奔往何處即拿店主來問帝曰醜漢馬武停歇汝家

今在何處店主答曰早從出外至今未回小人不知何往帝聽其不見遂放回歸復還前殿呼出後生為帝後生曰陛下何言帝曰太學院書生都言汝有金龍護體紫霧遮身乃真命天子是立汝為君何得推說後生笑曰父王錯矣臣乃東宮太子王禹父王豈遺識臣哉王莽聽言熟視其貌果然乃大笑曰吾兒果有帝王之分羣臣曰乃東宮之下一人姓劉名秀字文叔從南陽而來投赴舉者言曾教場拖折官弓假說姓名金和曾於太學讀書見形異者即其人也帝曰卿不早言急令蘇獻領軍往太學搜捉將四圍城門閉上令軍卒各巷巡察再傳旨遍曉百姓如有隱藏妖人劉秀并醜漢馬武者滿門誅戮有拿獲獻上者封萬戶侯城中百姓悉皆知訖却說光武早離太學往投集賢館明林巷裡居宿倏知王莽出榜曉諭閉城搜捉驚得惶惶無錯但見巡軍若虎哨馬如飛當日天晚急出逃躲見一堵高牆以手扳住躡身一躍跳入其內視之乃花園也即喜曰此處可暫安身以待天明再作區處至夜深人靜忽一皓首官長步入花前列案對月燒香光武恐使知覺慌忙欲躲被其望見拿住問曰汝何人氏馬敢夜入吾園盜竊物件言訖扯上花亭而去

第十八回 崔亭揭榜報蘇獻

却說光武被官長拿至花亭之上勘問來因光武細將實情告訴官長聽說不覺雙眸淚下言曰我道漢已無人矣今幸遇汝可復先王之耻文叔曰官長何故出此言也答曰吾乃漢室劉唐為王莽篡國滅我宗枝故改姓陳權受太常卿之職汝父劉欽乃吾兄也文叔聽說急請叔父受禮各叙話畢唐曰汝且權入吾府停歇數日待其富息再作區處二人話間被本家廚子崔亭曉覺急至街上揭榜奔投蘇獻請賞蘇獻聞言大喜即上金殿奏知王莽莽聞傳旨著蘇獻領軍二百往劉唐府內搜捉蘇獻領旨即至唐府圍捕唐知事發急出問曰丞相何意獻曰汝家奴僕崔亭出首道汝隱藏妖人劉秀天子傳旨著吾搜捉

汝急獻出免致禍凌唐曰既有是事請司馬往搜蘇獻令軍遍室尋捉並無踪影再令搜入後園光武正在花亭觀望見其軍來忙向後牆爬走被二人趕上拿住推入後巷無人去處假捏劉秀化作金龍脫走大叫眾軍急趕光武回頭視之乃馮異王霸用計救出此名吊虎離山之計有詩為証 鳳出丹山暫失梧頻遭野鳥笑身孤天教幸際風雲會騰達飛黃快去途

總評 孰謂漢無人哉

第十九回 蘇獻百端讒烈士

却說馮異王霸二人救出光武復回本帳蘇獻喚出問曰汝等拿住劉秀今在何處二人答曰吾等追至欲捉被他化作妖氣咬脫走去不能復趕獻曰吾親見汝等拿住於欺君賣故妄捏妖邪宜得何罪明日奏帝斬汝為示言罷回車而去却說光武得馮異王霸救脫急奔十字街走忽見一人忙近抱住道主公休說小臣特來相救天相吉人想應如此光武視之乃友人竇融也言罷邀入府中各施禮畢

按鑑竇融原與光武為朋因光武赴舉正陽門外與鄧禹馮異王霸失散即此人邀入飲酒光武大醉

回店至光武為帝時陰皇后生一子名喚龍哥竇融生一女名喚鳳姐與光武結為婚姻
光武曰前者教場被辱蒙君奏恕今又遇際無可酬恩融曰此乃臣職所當但不能匡復天下以死報君主公何所說哉光武曰吾欲急回恐再露發無可奔逃融曰主公勿慮在小臣之府無人知覺暫停數日以待王莽心休送主還鄉却說獻至次日將前事奏知王莽莽聞奏大怒急令取過錦袍一領支起九鼎油鑊於階呼陳唐至而協之曰汝言劉秀今在何處居宿指示捉獲即賜錦袍官加極品如隱藏不說即入油鑊陳唐大笑而罵曰王莽反賊莫吾漢室之位今有真主復出旦夕可報深冤尚何貪顯而昧先帝地下之望耶稟稟有言訖跳入油鑊而死後讚劉唐詩曰 異姓捨身全骨肉此生今世更何人朝雲一

去情無夢夜月庭陰花自春

第二十回

竇融屢奏拯明君

却說王莽見劉唐道罷欣然入鑊而死纔知假姓為陳急令軍卒捉家小再問蘇獻曰劉秀為何走脫蘇獻奏曰陛下要知其故可問把守後牆軍卒見其走出何去帝曰何人把守後牆答曰馮異王霸二人領軍圍守王莽聽知大怒曰此事都有詐弊急宣二人至殿下問曰汝等不以實告都入油鑊二人答曰吾等見其越牆欲走趕上拿住被他化作金龍脫去未知奔往何方帝曰汝等故欺君賣放詐說妖誣喝令推出斬首竇融奏曰我王錯矣榜上都言妖人劉秀不可妄斬此人城中百姓人等悉知劉秀金龍護體此事誠然乞陛下姑恕其罪帝聞奏略息威怒遂赦二人罪畢却說竇融至九月九日重陽節屈把文叔妝作夫人坐於車轎之上送出潼關二人拜別光武正行之間見一夥客人道捉得妖人劉秀即時富貴千金賞萬戶侯強如做個大客光武暗思不干百姓之事乃王莽出諭故使人如此不理而去行至天晚忽見正南上一隊軍兵追至是文叔所遇俱是死中得活即跳下馬與文叔施禮文叔問曰官長何名答曰吾乃劉唐之弟劉浪是也叔為新安縣之宰聞主公於此特來相迎同到小縣安歇數日再行言未訖忽見林內一隊軍兵追近乃陰陽官望有妖氣透天與蘇獻領軍趕來文叔驚戰不止劉浪曰主公往後門走我往前迎蘇獻文叔急往後門上馬出新安街行忽聽後軍趕近急前問路穿過林中大喝一聲叫漢子休走踴出數十名軍卒將文叔拿住扯至林內見一大王問曰汝何人氏敢來此處閑走走文叔細將實事告之曰吾乃漢室劉秀被王莽出榜逼捉逃奔於此乞大王恕命其大王聽說慌忙抱起文叔坐於正席頓首拜而言曰臣該萬死乞主公恩宥文叔曰公是何人出此言也答曰臣乃南郊臺上放箭射倒王莽奉勅叛國漢將蘇成是也久尋不見主公今幸逢遇請主公可就於此佐立君王然後勦寇文叔曰蘇獻兵追將近

如之奈何蘇成曰主公勿憂穩坐於此臣殺退蘇獻立主公為帝能語事亦能作言訖蘇成提刀躍馬而去文叔不依其言亦上馬從東南奔走潛於山林之間至夜復行時秋雨大降見路傍一廟遂入躲避視之乃禹王廟也文叔即拜而祝曰秀避難投宿於此有瀆尊神勿令見責望神陰護早脫危祝罷潛步西階對月吟嘆 雲天暗淡詩人苦風景蕭疎旅客愁林鳥澗花幽更絕從容徐步出西遊

總評

可喜可喜固是傳奇之體第塵埃中能識真王一二足奇此何多奇也

第二十一回

古廟潛逢孽國柱

却說光武於廟中投宿至三更時分睡覺見殿門大開心驚胆懼恐有人知覺來捕慌忙起走潛步視聽見東廊月影下履聲響處轉過一人直入殿來見文叔即拜謂曰主公因何獨宿於此文叔問曰壯士何名答曰吾乃潁川來縣人也姓姚名期字况文叔曰足下為何夜入廟來期曰前日有一仙長言說後三日此廟中有一真命帝王投宿是夜小臣特來迎接請主公暫至小莊安歇此仙長伏後案茶少翁也不知當時塵埃之中亦何異文叔大喜曰有勞足下無恩可報二人遂往至宅姚期引見施禮畢至次日早姚期謂文叔曰主公於此消停數日臣往城中探問消息方可再行言訖姚期上馬而去

成侯

按史記期父姚猛為桂陽太守因王莽篡位抱忠而亡奉母逃於此地居處後光武封為衛尉將軍安

却說莊外一人姓高名萬與數個後生議道姚大郎引一面生之人於家莫是妖人劉秀并醜漢馬武言訖齊至期家問曰爾家堂上後生是誰期母答曰是吾親屬萬於門隙窺覷見其面貌非俗乃謂眾曰此人活像圖影一般正是妖人劉秀言罷與眾擁入拿住綁押送縣說殺期母向前告不肯放一齊簇出而去忽見前途正馬奔走如飛至近視之乃子姚期也老母急謂期曰適纔高萬統人拿縛主公押送縣去

汝快往姐家潛宿幾日莫待事發難逃姚期聞說忙搭雕弓躍馬飛趕時高萬拿獲光武喜不自勝謂眾曰吾昨日占卜一卦合有官做今日拿住妖人功勞非小行至村店眾押人等沽酒相賀盡歡痛飲都醉半醒忽一人身長九尺五寸面如活蟹鬚若鋼針自外而來謂眾曰汝等何為喧鬧飲酒高萬答曰吾等拿獲妖人劉秀送官請賞故有此歡其人聽說不言而出眾亦罷飲押秀往縣至楊柳岸古堤岡上高萬大喊一聲道我等今日千金賞萬戶侯姚期追至聽其眾喊即攀弓箭叫高萬佐得何官弦响箭到射中高萬左目殺退眾人救出文叔有詩為証 羣賊奸貪萬戶封拿君解縣氣如虹豈知冤路重相踏一箭番身墮馬終

第二十二回 平坡暫別棟梁材

却說馬武見高萬捉獲光武於店內大歡飲酒亦不言而出遂至古堤岡等候忽見姚期亦至將趕馬武遂出一齊助殺救出文叔解下綁索君臣三人坐於林下光武曰若非公等相救吾命遭於小寇之手話畢卻說有莊家二人往夾縣告狀於林間經過見三人坐叙知是劉秀行至前途遇三官策馬而來二人急跪告曰前途林下坐著妖人劉秀及醜漢馬武官人問曰在何林下莊家遂引至林前指曰三人坐者並是官人視之果是劉秀恐其前面再說遂張弓搭箭射死莊漢謝死無遺二人至林下馬見文叔大哭曰叔父朝夕憂悶不知賢弟消息故使吾二人遍處尋訪各敘話畢姚期問曰二公何人文叔曰吾兄劉續劉仲是也二人聞說即與施禮馬武曰主公異日興兵滅寇臣助軍十萬接應姚期曰臣事老母終年之後竭助主公匡復天下文叔曰吾身孤力寡全賴公等匡持言訖忍淚分別英雄得佳有詩為証 攜手河梁話別時徘徊路側恨何之數聲風笛離亭晚君向瀟湘我泣岐

第二十三回 別逢共訴情難已

却說文叔與姚期等分別遂同續仲回至白水村見叔父劉良拜畢良曰自汝別後使吾朝夕牽掛並無消息今日安回愁腸頓釋文叔曰姪到長安不祥太甚叔父劉唐為秀一門悉遭誅戮文叔具說前事條不哭覺淚濕雙眸二人抱頭大哭不哭良曰子陵著二哥送一文書來汝曾見得否文叔曰姪接至未看不知何說遂折而觀之乃四句詩也 待時真命隱藏難姑向南陽暫守寒自是嚴光無覓處直將兵敗救孤鸞

第二十四回 配合應知分所為

却說秀自長安回至白水村與叔兄等話訖前事乃自思曰從此之後再不信人妄言但事農而已時南陽大荒一穀不成惟白水村豐厚正遇秋熟之時忽宛城二人至劉良迂入施禮問曰二公何幹答曰吾等非別特為令即作伐良曰甚人嬌媛肯配寒兒答曰本城裏大戶陰長者一女名喚梨花聞令郎三秀才賢達特遣小弟為伐未知公意若何良曰既承相拔敢不樂從遂令人載米一車往宛城糶銀為聘文叔正出忽見三人至莊外下馬良接入堂禮畢敘坐三人問曰此莊何名良曰名號白水村復問曰老長何姓良曰老夫姓金名良是也再問曰汝家還有甚人良曰老夫生有三兒大者金續次者金仲幼者金和敢問三位官長何名為甚輕身至此答曰吾等甄阜梁丘賜蘇伯可是也為上司差來挨拿劉秀陰陽官蘇伯可見秀有真命之像隱不肯言故尋至是言訖遂別而去

按鑑蘇伯可後光武封為司天監

却說文叔見三人別去引車兩乘往宛城糶米鄧州南至長街上眾人一齊搶奪莊人大罵文叔急止之忽見南街一官擺道而來眾人肅待兩傍不敢喧擾至近見文叔狀貌奇異思必定劉秀也通遂下馬長揖

按鑑後漢若非此人則天下難復立矣

總評 梨花后是為陰后也陰當為殷梨花當為麗華光武即位以後取之光武常感殷麗華之美

後見職金吾車騎甚盛嘆曰仕宦當任職金吾娶妻當娶殷麗華今作梨花陰后真可謂善於諧俗者矣

第二十五回 少翁預卜聖君臨

揖罷即請入縣衙遜坐置酒款待謂曰吾乃此邑之宰姓李名通字次元敢問賢公何姓文叔曰吾乃白水村金和是也通曰賢公何得詐乎吾聞小兒於市上謠歌說禍全福全白水升天劉氏復興李氏輔馬賢公既非金龍護體漢室金枝劉秀吾豈屈身而迎哉文叔見道實情遂將其事逐一告知李通大喜慌忙下席請主公受禮謂曰主公與兵臣助壯軍五百二人酒至半酣徹畢文叔曰吾今娶陰長者之女缺乏禮儀因裝糧米於此糶發聞說此市一仙長曾對陰長者所說吾命頗貴故將其女配我今欲訪謁其人未知在何居住通曰主公欲往臣將待行言說二人上馬同至長街見一卦鋪書著聯偶二句光武視之遂湊二句於後 其聯曰 今日不過午定算一龍虎風雲未會時特訪神仙祖

第二十六回 訪推命運何時泰

却說仙長見李通引一人至鋪前見門上聯偶其人遂湊二句於後仙長大驚急整衣冠出接邀入鋪中施禮各尊坐畢文叔曰素聞先生靈課特來求占一卜問取命運窮通重當酬謝仙長曰願求尊命先看後占卜筮文叔遂將八字付與仙長推罷大笑曰果應我今日之兆也文叔問曰有何兆焉答曰吾今日卜占一卦應天子臨門觀此八字真帝王之命文叔曰吾乃一村農耳焉有此分答曰休得隱諱在小鋪無妨吾曾道與姚期廟中接駕果如言否文叔聽說暗思此人如神遂將實情告與仙長聽罷慌忙下拜

復呼萬歲文叔急下携起問曰仙長何名答曰老夫姓蔡名少翁文叔曰吾昨夜來一夢不祥敢請先生員辭少翁曰夢何如也文叔曰吾夢與王莽交戰吾大敗走忽遇五隻大羊四隻逃走被吾拿住一隻騎於背上拿住其角角落挽住其尾尾落覺來將夜半矣未知吉凶如何少翁曰此夢甚吉主公可得南陽五縣史記五縣縣名是也羊去其角尾乃一王字也主公若取五縣即時富貴可作君王文叔聽解大喜遂與卦錢少翁曰主公異日登位臣要司天太監要此卦錢何用李通曰何日可除王莽幾時得做君王言未訖忽聽一人叫道誰敢發此大言李通見之大喝一聲其人方回而去後讚少翁詩曰 易中造化出天機筮卜初從太昊時何事先生名獨擅端能審象與機宜 卻說文叔見李通喝退其人而問曰是何人也通曰此乃吾弟李軼有始無終主公休怪言說二人遂別少翁回至李通宅首文叔告歸言取陰長者女事李通遂將財物贈之令人搬出二十箱載於車中二人拜別文叔行至其姐莊上遂入相見鄧辰置酒款待飲至半酣徹畢文叔告歸其姐劉元見秀酒醉此女見識每叫夫鄧辰送回文叔與姐拜別二人坐於車上行至半途見一隊軍馬喝道將近文叔於車上帶酒言曰輕避重何不知禮其官人曰賤避貴豈敢越法文叔曰汝何貴於我我何賤於汝官人曰俺是鳳城官宦子文叔曰吾乃龍閣帝王孫官人曰俺父朝中宰相文叔曰吾祖國內君王其官人乃蘇獻之子蘇和引陰陽官於南陽地界遍察劉秀聽罷其言大怒曰此人正是妖人劉秀喝令左右擒下至新香亭勘問

第二十七回 故假威名即日興

却說文叔被蘇和拿下誆殺莊人推車急走回至白水村見劉良細將前事告訖劉良聽說大驚遂將車上貨物抬下開箱視之並無毫末金銀都是衣甲頭盔槍刀弓箭急喚劉續劉仲點起壯士五十餘人各執匾担禾叉同往亭上相救良謂續仲曰汝二人先入與說如其不然即先圍之二人聽言遂引五十壯

士急奔新香亭上見蘇和正將文叔勸問道你實說姓名免遭刑迫光武不言鄧辰跪上告曰此人姓金名和見沾風魔之病以此亂言有逆公子萬乞見憐姑恕其罪劉續劉仲於亭外見鄧辰跪告不放遂與眾人哭訴於階上亦不聽說續仲二人一步一拜至月臺上哀告乞大人見憐恕其殘命二人哭至席前哀告不放劉續拔劍躡身而起大喝一聲將蘇和斬首於地多吁前番哀告殺退左右人等眾壯士一齊大喊叫殺王莽以復漢世之仇有詩為証 養真數載屈衡茅今日方鳴出鳳巢天地生才甯肯負震雷 終奮螻蟻蛟

卷二

按鑑世祖光武皇帝名秀字文叔長沙定王劉發之後劉欽之子也景王生發發生買為春陵節侯買生少子外為鬱林太守外生回為鉅鹿都尉回生欽為南頓令欽娶胡陽樊重之女生三子名續仲秀也時秀生於南頓有嘉禾一莖九穗之瑞故名秀隆準日角燕領鳳目為王莽篡國逼其父投井死兄弟俱投白水村叔父劉良納為己子改姓金秀性勤於稼穡續性剛毅慷慨素有大節不事家人生業常憤憤欲復社稷好結交天下雄俊每見秀事田業輒非而笑之仲亦有志秀嘗嘆其不如仲之勤也秀嘗過蔡少翁家少翁言秀異日當為天子時宛城李守嘗謂其子通曰劉氏當興李氏為輔李通遇秀助其甲兵竟從白水村起盡發春陵子弟而興焉

第二十八回 光武中興恢漢業

却說光武於白水村與劉良叔父等議集興兵之事是日劉續劉仲點起子弟壯兵凡得七八千人一齊大喊而發劉良高聲叫曰吾非姓金乃漢室劉良是也吾三子劉秀真命帝王今日舉兵伐莽以復先帝之仇言罷却說蘇和手下走脫者急奔胡陽報說行至半途見一隊軍馬牽羊解酒而來視之乃胡陽縣

官迎接蘇和把蓋者其人即跪下告曰今白水村劉秀興兵殺吾公子蘇和以叛天下縣官聽說大驚慌忙回入城中點軍來白水村前搦戰縣官不劉良聽知急令壯士千餘人各執木叉棒棍出於寨前擺列陣勢劉續披掛縱馬舞刀直出有詩為証 首出南陽孰敢當今朝陣上立分黃英雄奮起拔山力整復山河舊帝王

第二十九回 堅譚一戰復劉基

却說縣官領軍於白水村前排列陣勢叫劉軍搦戰劉續聽知大怒縱馬直出二人交鋒數合劉續敗走縣官躍馬趕上忽聽寨中高處大喊一聲抬頭視之見光武立於高處觀望遠望方欲射只見金龍護體箭不能施大叫曰漢室冤仇汝何苦乎其人聽說暗思劉秀誠乃真王之命王莽出諭遍拿未獲其人遂下馬拜降而言曰臣助主公興漢有詩為証 疋馬出疆場威風凜雪霜單刀歸漢主名義兩傳揚

第三十回 聚兵白水屯營寨

却說光武見其人下馬受降慌忙出寨迎入莊內各施禮畢問曰公何姓答曰臣乃姓堅名譚字子全光武大喜遂令置酒相待却說李通從弟李軼謂通曰今四方擾亂漢當復興南陽宗室劉伯升兄弟况愛容眾可與決謀大事通大笑曰汝之言正合吾意也遂遣軼往迎劉秀與共約定謀決二人話別軼至白水村見光武各施禮畢問曰公至小莊必有奇幹軼曰吾兄李通遣軼特來迎接主公共議謀決之事光武大喜遂上馬同往至其宅見李通約定舉兵之事復回白水村來與兄劉續議起春陵子弟與通會兵時堅譚出曰王公既欲舉春陵子弟必先設一筵會招集眾議布立五花營寨分作五隊軍兵每一隊列著五十人二十面戰鼓二十面旌旗多造兵器於內積草屯糧再令二十人掃地叫殺豈不兵堅寨固然後一鼓而興可破王莽於反掌矣是不同陣光武聞說大喜曰此計甚妙即令宰猪置酒會集白水百姓

凡有姓劉者悉皆赴宴言未訖其村中壯士不期而會者千餘各列坐定劉良出席把盞而謂眾曰汝等竭力匡扶破除莽賊悉係皇親國戚官封不小眾人聽說大喜一齊鬧聲應曰吾等都願死助宴罷各散時白水村中未過半月招集壯士二千餘人未以棍棒豈是戰具堅譚曰有軍無器難以為敵王公可往宛城李縣宰處借弓箭刀槍可以動兵光武曰然即假裝一客上馬徑往至城下正入被把門軍卒拿住奪下其馬言曰今白水村妖人劉秀起兵作反宮中正要馬用汝快丟下休得再取光武曰此乃李縣宰之馬汝等槍奪何用眾人見說即拿送縣衙見李通看其寶否李通見文叔至遂迎入後堂施禮眾人慌忙各退文叔謂通曰今日立起五花營寨招集軍兵頗多奈缺少兵器難以行事特來公處求借萬乞憐濟通曰此事不難遂引於後花園內開一室與看都是盛甲槍刀謂文叔曰此器乃王莽著令脩造暗藏於此又引至一室見其內有百十壯士俱是無謀不能決略之人通曰汝等衣甲頭盔都與此人帶汝重用眾人聽說一齊應聲願同跟往文叔大喜謂通曰今有良將必要硬弓為用奈何得之通曰何難之有局官申屠健處甚多可與求買二人遂往至局中見申屠健問曰聞總官有好硬弓特來求買一張不論價錢多少申屠健即取一張力重五百餘斤文叔見之大喜通曰力重二百斤者見求一張屠健即令將至又曰同此一樣者再求一張申屠健見其多買暗思必有緣故大怒而言曰此莫非妖人劉秀買此硬弓造反通曰總官是何言也有詩為証 昨日西風透小窗村前雪擁壓梅粧一朝漏泄春消息挽復乾坤舊太陽

第三十一回 遇將長安脫困籠

却說局匠令史知是真王劉秀舉兵滅寇買弓為用雖亦識英見申屠健生疑恐洩其事故出解之曰總官錯疑此乃李縣宰兄弟襲破妖人劉秀要此硬弓為用通曰然也健聽說纔已謂通曰現有硬弓三百餘張脩造未完不應為用通遂轉過一室喚出弓匠王立責之曰爾何開幹不竭力於工故違上應

王立曰硬弓難造以此慢遲乞姑恕罪通曰再限三日如無應用重責問罪言罷遂與文叔回衙去訖時局官申屠健復至問曰官弓完否王立曰適纔李縣宰叫小人急造硬弓三百餘張限三日要用以此未暇健聞大驚曰李通必然造反早間引一漢子來買硬弓者定是妖人劉秀忙出上馬見廚司龐能道訖前事倏卓城縣尉崔亭至言李通安排軍兵扶立妖人劉秀白水村造反龐能聽罷大驚曰誠有是說急令閉上四圍城門兩縣軍兵俱入李通衙搜捉通知事露急將盛甲與文叔穿上頭頂冲天冠身掛烈火袍手提安漢刀坐下白龍馬引五百名壯士各披盛甲每人帶上三付於身大喊一聲齊擁光武出衙李通當先開路前迎龐能戰脫望東門出走奔殺至近見城門緊閉急回南走南門又閉再投北出北門亦閉跟護軍馬各奔四散惟丟下光武一人單刀匹马獨望西走其街上人家見至即將磚石拋打光武輪刀遮護石打冲冠正懼之間忽見城上一人仗劍走下劈開門鎖放出光武而去有詩為証 昔年世祖困樊龍天遣英雄踏會逢打破玉雕飛綵鳳頓開金鎖走蛟龍

第三十二回 勢危馬死雁兵困

却說文叔走出城外問其救者何人真壯士答曰吾乃局匠令史姓任名光字伯光聞王公有難特來相救言訖光武躍馬急走後軍趕上文叔叫曰可憐漢世冤仇足下何苦追趕答曰若放汝去則廢吾千金之賞萬戶封侯文叔問曰汝何人也答曰吾乃太常卿之僕崔亭是也前者揭榜獻上即發軍搜捉被爾爬上後牆化作金龍走脫王莽即封我為卓城縣尉一縣尉便是動人殺心今日若再拿汝獻定有公侯之位文叔聽言大罵背主忘恩之賊今日還敢追我遂撥馬輪刀大喝一聲斬除此賊以報叔父之冤崔亭見其勢勇急回馬奔走龐能躍馬又趕文叔告曰乞憐漢世孤窮寬盆覆蔽公何無惻隱之心乎龐能不聽趕近二人交鋒約鬪二十餘合文叔詐敗急走後軍追至扳弓搭箭射中其馬倒地而死文

叔遂拖刀步走至一大林內隱藏申屠健龐能二人趕上分兵四面圍住至晚光武仰天告曰秀本受命於天為生民作主舉兵滅寇以雪漢世之仇願天早脫秀圍不負先人地下之望祝罷倏覺一陣風過見一紅牛降下生得獨角雄壯立於其前文叔即上牛背輪刀躍出遂脫其圍後窗士詩言光武之迹 纔脫兵圍又困圍恍同秋雁失南飛皇天若不垂青象安得紅牛跨紫微

第三十三回 運泰牛生出敵圍

却說文叔跨上紅牛提刀殺出圍軍把卒各各逃散漢鑑曰騎牛奪馬殺龐能得出紅牛已在前秀遂騎馬於後出陣而行至天晚其牛不動忽見一老人松身鶴髮皓首龐眉立於其前謂秀曰先生留下紅牛還我說到此即俗人亦應掩口而笑文叔慌忙下馬施禮告曰公若肯賣此牛不辭高價願乞慨賜以助上陣之功老人曰汝背後何人也光武回頭復視只見老人駕著紅牛化一陣清風而去留下白紙一張光武拾起拆而視之乃四句詩也 乾坤有意定升平何因干戈日夜鳴二百矣劉從此始紅牛直上五雲程

第三十四回 歌聲未已明君至

却說文叔讀罷其詩嘆曰真乃天助吾也若非降此紅牛相濟安能破賊而脫陣哉遂將其詩藏於袖上馬尋路前往白水村回穿入山間見有茅菴一所從其門外經過忽聽內有人聲作歌自嘆乃駐馬聽之其歌曰 對月彈空瑟當天作短歌漢皇難會面何日起干戈

第三十五回 話國纔終義母亡

却說鄧禹見王莽不仁侵謀漢室乃避名遁跡隱於山間茅菴之內朝夕悶坐思劉秀長安別後未知流落何地不能一會正於其內作歌自歎忽文叔自宛城逃難經過榻聽得歌聲歎息乃大叫曰是何仙長乞濟孤窮鄧禹聞知菴外人叫急出門視之乃文叔也遂邀入草堂之上施禮請坐文叔曰先生為何

獨寓於此禹答曰自長安與主公別後天下擾亂漢室未興故隱名避姓歛跡於此山朝夕繫繫王公不克會面共議舉兵之事今幸得遇使吾歡不自已但不知主公為何孤身獨奔文叔遂將白水起義布立五化營寨騎牛之事逐一告知禹大喜曰真乃天助主公非人之力文叔曰意欲舉兵奈無上陣之將不能勝敵將何為也禹曰主公勿憂今西山莊前有一壯士英雄過人言與主公安來可去求謁相助若得此將扶持則不日成功矣光武聞言大喜遂與同往二人行至莊前下馬姚期正於門首獨立見文叔鄧禹二人至慌忙迎入草堂之上施禮坐定謂文叔曰主公何來文叔細將前事告知鄧禹曰主公白水起義特來相訪足下匡扶漢室公意若何期答曰奈老母年邁無人侍養待終年之後竟助主公期母聞言謂曰吾兒竭忠助漢以就丈夫之志莫為一老母而殞萬世之名言訖見期意終不去假托廚中炊飯乃自思曰吾兒極有孝心若母在日豈肯拋棄從往吾不如早盡待彼竭力全忠以成大義言罷遂係頸而死期見母於廚中去久未來急往詢視見母懸梁而死驚得魂飛魄散放聲大哭幾絕於地慟不能止光武聞哀謂鄧禹曰吾殺之也二人盡皆垂淚遂與姚期備棺裝斂葬於莊門之外期欲守孝光武親為心喪以折三年之服期遂同往後窗士讚期母之賢 節氣稜稜世所稀忠君愛子蕩然歸姓名汗簡千年赫常使人瞻淚洒揮

第三十六回 李軍陣上擒王將

卻說姚期安葬母畢遂與秀等三人同往白水村去正行之間被王立領軍攔路姚期大怒躍馬橫槍直取王立二人鬪不數合王立敗走姚期趕至一林中見前面大軍衝至都披重甲重盔活捉王立將近視之乃李通李軼兄弟領軍來至姚期欲與爭功文叔急止之通曰遍遠宛城地界尋覓主公不見使吾惕惕於心頃刻驚觸秀曰自宛城失散命在須臾遂將騎牛之事逐一告之李通大喜曰神助主公若此之異

立破王莽何難之有言訖遂同文叔等至白水村見劉良話訖前事劉良即令置酒筵會鄧禹曰此處有軍無城難以存駐主公可急取胡陽為本安頓軍兵縱臨大則不為懼然後發兵取南陽三十六城猶反掌之易矣文叔曰善哉此言也遂選日起程攻擊胡陽

第三十七回 韓寧城中却漢兵

却說光武會集諸將即日起軍封姚期為先鋒點起精兵一千五百至胡陽城下攻擊其縣宰韓刀見劉秀兵至即上城告曰吾等通願歸降不勞攻擊乞限三日待吾整備軍糧開城拜獻文叔依言遂回軍三日復至城下令小軍叫曰早獻納降免遭災害韓刀於城上聽言叫曰教劉秀出陣言語文叔躍馬而出見城上喊叫一聲諛得文叔落於馬下未知何故

第三十八回 無計脫奸全叔命

却說韓刀於城上見光武兵臨將一老人推出而言曰若再攻城將汝叔父即斬諛得光武墜馬而叫曰限吾三日即來拜降恕吾叔父之命言訖回軍至白水村與眾將商議奈叔父劉保墮於小寇之手何以救之眾皆默然無計文叔曰當以天下為輕叔父為重汝等既無可脫之機吾當自縛拜降小寇以全其命姚期大言曰主公是何言與臣老母死者為主公與漢豈其故欲是也今此一小事而喪其社稷之心則吾母可復生乎眾將勸之不從惟默默嗟吁而已忽人報曰外有投軍壯士未敢擅入乞主公發旨文叔曰着他休入吾等都欲散罷尚來何用其軍人攔當不住奮激而入見文叔言曰聞王公真命帝王小人特來投助為何不用文叔曰非不用汝奈今胡陽縣宰韓刀拿住叔父逼要投降吾等無計可施欲罷歸寇以保叔姪之義不使名汙於後世也其人聞說大笑對眾人言曰不能施此一計枉為將相之材有詩為証 英雄無計脫奸危默默軍前更問誰幸有陳平奇六出陽春歌笑一時回

第三十九回 施謀殺賊解君愁

却說光武見其人大言彰說欣然起而問曰壯士有何奇策願施濟助答曰小人只用挑柴一担去胡陽城內叫賣主公急領大軍跟隨後至挑刀見兵臨擊必令百姓人等俱上城守小人藏刀於身密隨其後使不知備斬却此人殺退眾軍開門迎主而入豈不兩利而俱全也光武聞言大喜曰真良將也言罷送出寨門其人挑柴直至胡陽城內叫賣買者止與講價言不賤賣忽人報曰劉秀軍至韓刀聽知急令軍士人等俱隨上城擁護陣勢將賣柴人等一齊趕上城去其人見韓刀正與劉秀打話遂潛步立於其後扯出短刀安於柴担之上望韓刀脇下一刺墮城而死復趕眾人各奔逃走遂開城門迎入劉秀眾軍安撫百姓至衙坐定秀問其人曰壯士何姓答曰臣乃姓陳名俊字子格文叔曰今日非卿之力難至於此遂重賞賜畢即令軍卒將家屬糧草悉運入城置酒宴勞眾將一齊作賀鄧禹曰雖得此城安頓不可為喜如近城申報朝廷統領大軍攻擊難以拒敵莫若乘此一勝之機取復諸州郡縣使王莽兵至不能勝也可著李通一譚取宛城劉縯李軼取棘陽主公同姚期取新野每路統兵五百臣守此城方保全勝文叔曰公言當也遂令各路分兵前去

按陳俊上畧畢月鳥也後光武封為琅邪太守祝阿侯

却說光武同姚期統領大軍五百至新野下寨令小卒飛下戰書來日上陣其書曰 大漢皇孫劉秀應天順人乘時舉眾非干嘯聚山林之徒誠復平王子嬰之恨蓋為王莽篡國賊子專權致使天生忿怒旱澇不均錢糧倍勒逼黎庶逃竄於他鄉律法苦刑使賊盜競生於境內秀豈敢自專帝位若破王莽之後選有德者為君如不願從乞軍對陣諸官照示垂拜不宣

第四十回 新野兩軍開仗

卻說蓋延景丹二人正於城衛坐叙忽人報曰劉秀領軍攻城令小卒來下戰書二人聞說大驚遂喚至其卒接書讀罷蓋延曰劉秀真命之主吾等莫若早降免使黎民受害景丹曰然二人遂開門拜降迎接入城文叔曰二公何名答曰臣等蓋延景丹是也即引文叔等至衙賞勞軍兵安訖百姓

第四十一回 棘陽二將顯威名

卻說劉縯李軼二人領軍至棘陽離城五里下寨著小軍往下戰書至其府前令人報知太守岑彭喚至史卒呈上其書曰 續聞天下大聖萬象咸歸地產明君百川會秀今吾主劉秀真命帝王數年暫屈於山間儲精養銳今日威鳴於境外滅虜清塵攻縣收城聞風仆偃取胡陽如拾芥克新野若攀枯天啟人歸文匡武護誠所謂有德之君也况兼賞罰明信納直親賢足下早決獻降必當重用則不失於功名之望也若有抗辭必遭擒戮大漢上將軍劉縯謹書 岑彭接書讀罷大怒而罵曰叛國小寇敢來侵吾境界遂扯破其書重責小軍二十趕出府門而去是日即點大軍五百各各齊整岑彭復入後衙告知其母其母諫曰吾兒休往漢至劉秀乃真命之主人人共知汝乃一將之材豈能獨力而破哉岑彭不聽即領軍一出城搦戰頭頂金鳳盔身穿絳紅袍披上黃金甲坐下赤色馬提著大捍刀立於陣前大喝一聲叫小將決戰李軼出馬謂彭曰將軍若肯歸漢不失公侯之位岑彭大罵反賊立時斬汝縱馬橫刀直取李軼二人交鋒約戰二十餘合岑彭敗走李軼趕上被岑彭一箭射於馬下眾將急救扶歸本陣劉縯出馬又戰二十餘合彭亦敗走劉縯躍馬追趕被岑彭展起金標打中劉縯左背此等入如何續負痛急回馬走岑彭領軍趕上掩殺一陣續軼二人大敗走歸胡陽見劉良言棘陽太守勇不堪聞箭射李軼落馬標中劉縯敗回良聽知大驚忽人報曰李通堅譚取服宛城回至良遂迎入問曰二公上陣若何答曰吾等一至城中官吏人等悉皆望風偃服未敢攻戰良大喜忽文叔姚期兵回引蓋延景丹至與劉良等各參

禮畢良謂文叔曰劉縯李軼攻取棘陽被饒勇太守岑彭標打箭射敗陣而回文叔大驚曰驍將卻在於此良曰汝亦知其人乎文叔曰此將王莽封為武舉狀元西首將軍曾於教場中與馬武並戰二百餘合不分勝負今復遭遇於此何能拒之姚期大言曰主公專長他人之威風弱自己之銳志彼雖有萬夫不當之勇吾克勝之何懼之有鄧禹曰今既逢驍虎之敵不得不懼遂分付眾軍守把城池劉保守新野劉仲把宛城劉良守本城各各遵命去訖是日鄧禹同文叔點起精兵二千餘名徑取棘陽至城下搦戰岑彭即領軍對敵文叔出馬立於陣前言曰自教場別後少會尊顏敢問足下安否岑彭曰莫非妖人劉秀乎文叔曰然也敢告足下矜念漢室孤窮寬益覆蔽若肯助吾破莽以報先帝之恨泉下不忘岑彭怒而罵曰白水小寇結黨相叛還敢花言佞語說惑忠良再言即斬說罷惱殺姚期於陣中大罵村賊有何能識敢彰大語纏交數合忙走不禁岑彭聽知奮激復出姚期叫曰岑彭小材焉能勝大今吾主公愛汝之甚莫若早降順漢免致禍臨岑彭不聽躍馬直出又戰十合文叔復出告曰足下休迷可助孤漢以保將相之名彭竟不從又交五十合不分勝敗文叔見二將頭上各現本像岑彭尾火虎姚期并木犴乃自思曰子陵曾言二十八宿助吾興漢今岑彭終不肯順奈何服之待吾拽起雕弓射其本像看伊若何遂搭上一箭正中左膀其虎奔東而去岑彭亦敗回走文叔嘆曰真乃天象也遂收軍回寨令人復下戰書來日再決有詩為証詩曰 少年才傑兩英豪躍馬臨鋒怒滾濤寶劍指揮光雷掣旌旗閃動碧雲高威名殺逆空星現戰鼓推殘落日遙社稷未平功未決還擒玉兔剪霜毛

第四十二回 岑彭設計偷營寨

卻說岑彭敗歸棘陽眾將問曰太守與期交戰未嘗輸陣今何速返軍回不驅寇服岑彭曰非不堅持奈左臂痠疾不能舉動故速回軍言未訖人報曰劉秀差人復下戰書彭曰令其回報來日對陣小卒遂回

報知劉秀是日天晚岑彭整集軍兵分作五隊偷劫劉秀之寨至二更時分到寨前繞過見其各各睡濃
 豈得不備乃大喊一聲殺入寨去驚得眾將分逃四散不識東西文叔慌忙上馬撞出陣去走至胡陽城
 下飛奔欲入其馬不入以鞭策之亦不前動遂擡頭一望乃棘陽城也急回馬望山岡奔走岑彭趕至城
 下有把門軍士報曰劉秀望前山岡上去了岑彭勒馬急追文叔走至天明到一莊前欲下馬暫息見有
 老人立於門首而謂文叔曰公是何人為甚慌至此文叔曰吾乃漢室劉秀被岑彭追趕投奔於此無處
 可隱老人聞說急迎入莊請主公受禮文叔抱起而問曰老人高姓答曰老夫杜顏是也主公勿慮岑彭
 曾從老夫學射吾乃彭之師也若彼追至老夫自有主張二人話間門下報曰岑彭至文叔驚懼欲走杜
 顏曰主公休慌我令歸順助漢言訖岑彭自外而入望杜顏即拜二人禮畢見文叔立於其旁拔劍欲斬
 文叔往後奔走杜顏當住謂岑彭曰汝殺主公何也彭曰此乃妖人劉秀朝廷出榜遍捉拿獲者千金之
 賞萬戶封侯吾今富貴在手豈不殺之而取乎杜顏曰劉秀乃真命之主汝豈能殺之莫若早歸降順不
 失萬戶封侯有何不可岑彭大罵老賊敢發此言拔劍欲殺杜顏急走岑彭趕入後莊之賊公如迎著杜
 顏之子二郎二人交戰三合被岑彭一鞭打二郎口中吐血慌忙奔走杜顏與二郎引文叔出後門上山
 急走岑彭追趕轉過一山迎著大郎杜貌杜顏叫曰吾兒快救主公貌問曰是何人也顏曰漢王劉秀被
 岑彭追殺吾與二郎攔救反被辱罵打二郎口中吐血今追趕至近汝快出敵言訖岑彭至見杜貌二人
 施禮畢彭曰小弟特來送千金之賞萬戶侯封貌曰何有是說彭曰吾捉妖人劉秀追至於此不時可獲
 杜貌大罵反賊敢逆天行事彭大怒提刀直取二人約戰三合杜貌敗走岑彭追近被杜貌輪起虎鎖刀
 望岑彭砍來中倒於地千金賞萬戶侯何令打得好未知性命若何又詩讚杜貌虎鎖輕輪起君親脫火煎堪
 誇英勇將忠孝兩能全

第四十三回 鄧禹圖謀進棘陽

卻說岑彭被杜貌打傷急還棘陽去訖杜貌父子三人遂與文叔至莊收拾家眷引三十壯士載往胡陽
 見劉良參拜禮畢良大喜即點殘兵折其大半是日設宴會集諸將秀問禹曰今棘陽岑彭勢勇將何服
 之禹曰不難可令劉續領軍三百離城五里下寨與岑彭搦戰令杜顏領軍五百先埋伏於彼續若敗陣
 杜貌出助舉旗為號四下伏兵一齊併殺姚期領軍三百剿殺其後彭必回救再令景丹領軍三百截住
 其路若被衝過令蓋延領軍三百於西山埋伏待其將至齊出掩殺必望東走再令李通陳俊領軍五百
 分作兩處截其去路使彼東衝西撞人困馬倦再令各隊追殺雖不能拿住亦殺敗其勢後再攻襲則可
 擒矣此舉可稱奇兵矣光武大喜遂令各隊分兵去訖卻說劉續領軍五百至棘陽令小卒報知岑彭彭聽罷笑
 曰劉續欲來送死於我手時主簿在傍諫曰太守不可輕料恐遭其計彭曰小寇之材有何計略遂入後
 堂辭母母曰吾兒莫違天命可歸助漢以全大節今若再戰必有一失姚期岑彭之母何亦彭曰母親休
 管母曰汝既不聽可先送我出城免受驚懼彭遂令軍士安車載母送出山莊而去即日點起大軍一千
 出城對陣劉續出馬岑彭叫曰汝來送死乎劉續曰前日誤輸一陣今日再決方顯輸贏二人交馬約戰
 十合劉續敗走彭笑曰小寇豈禁大敵言未訖忽聽金鼓旗幡杜貌出馬大叫曰岑彭小將認得吾否彭
 曰豚雞滄粟自重其口今日陣上若再獲贏方知汝勝杜貌大怒縱馬直取二人約鬪十合杜貌敗入本
 陣岑彭躍馬趕上杜貌展開旌旗叫彭曰小將看上何陣彭擡頭視之見旗上書著天羅地網之陣杜貌
 曰急早下馬拜降免遭擒捉岑彭大怒橫刀再戰忽小軍飛近報曰被姚期劫殺後軍將軍快忙回救岑
 彭大驚急撥馬回見四面八方團圍圍住有詩為証 不聽忠言慈母諫甯甘百戰苦壞心兵窮勢敗重
 圍裏難免軍前陣上擒 卻說岑彭正回之間前途景丹攔路二人掩殺一陣撞出直行走不數步忽聽

大喝一聲蓋延出馬叫小將休走二人交鋒數合亦被衝過又遇李通常住大殺一陣亦衝出去望前急走又逢陳俊出馬二人交戰數合亦衝撞出去見前有大林一所遂引軍入內暫停歇息殘兵敗卒不上半百之餘忽聽金鼓齊鳴喊聲震地一隊人馬奔走如飛乃杜貌領兵圍住此淮陰之故智也彭曰今累戰於此人困馬乏又被圍上奈何得脫馬成曰太守勿憂吾往城中點取救兵來助免此危也彭曰難出陣去成曰何懼之有遂上馬大喝一聲衝撞而出前望棘陽進走行不數步忽遇陳俊當頭截住去路二人交戰數合被馬成撞出陣去約行二里見姚期領軍攔路急回馬望小路而走見前有大樹一林縱馬直入不覺坡上絆索馬倒於地正欲起走忽聽大喝一聲軍人湧出將馬成擒下綁縛入林獻上光武鄧禹急令解縛問曰將軍肯順漢否馬成即伏於地謂文叔曰願主公納為小卒文叔問曰將軍何名答曰馬成是也遂令入軍營去訖卻說岑彭望至天晚助軍不到乃上馬獨衝出陣望棘陽進走山前路後累遇軍人攔當殺至天明纔到城下躍馬直入見旗上寫著漢室乾坤大驚而走

第四十四回 軍排巨鹿戰蛟龍

卻說岑彭走至棘陽被馬成先降漢已開城納獻欲回出走被大軍攔住奮力戰至十字街文叔出令如有傷者岑彭者即斬岑彭殺至南門有苗曾見出令旨放彭而出光武遂安頓城中百姓令軍卒緊把城門各遵令訖卻說岑彭一人一騎奔往山莊見母而告曰兒不聽老母之言致有今日之敗言訖拜別遂上馬投泚水見蘇元帥行至府前令人報知元帥遂召入帳下施禮畢岑彭細將前事逐一告知元帥聽罷大怒而言曰汝不堅守城池固有是敗還敢至此巧飾令左右擒下斬首時副元帥梁丘賜甄阜二人急出言曰元帥不可今劉秀正雄若斬訖此人無人上陣乞姑恕之蘇元帥見二人力救遂免其罪令掛先鋒印卻說光武領軍來破泚水令人報知蘇元帥元帥聽知大驚急令甄阜梁丘賜領軍迎敵二人出寨

對陣姚期出馬大喝一聲小將馬敢出陣叫岑彭出戰甄阜曰殺雞焉用牛刀姚期大怒躍馬直取二人交鋒戰上二十合甄阜敗走梁丘賜出馬姚期欲戰忽小軍報曰岑彭取卻長安光武聽知大驚遂令鄧禹守陣光武親自引軍三百急救小長安至城中見兵戈掠亂躍馬奮入衙前岑彭正出光武大怒而言曰小將安敢犯吾境界二人交馬未知勝負何如詩曰 鼓角鳴天震征塵蔽日昏長安都市上龍虎奪乾坤

第四十五回 為國舍生全大義

卻說光武至衙前與岑彭交戰十合岑彭領軍入衙將人頭獻出叫光武認是誰否光武視之乃叔父孀娘兄弟之首看罷大驚岑彭復入後衙將劉氏家屬三百餘口盡皆殺取復領軍出衙與光武交戰二人又鬪十合光武抵敵不住撥馬即走奔至隈園被甄阜軍兵四面圍住蘇元帥曰今番決捉劉秀光武苦戰困至城心馬被射中一箭眾軍叫曰馬帶箭者便是劉秀光武仰天叫曰天殺劉秀也忽一將衝至陣前跳下馬叫曰主公急走上馬光武視之乃二哥劉仲也光武曰吾死合得豈害於汝苦不忍上仲曰我死何害汝乃君王之命豈肯挫於賊子之手妙哉劉仲可稱忠臣亦可稱壯士言罷遂托文叔上馬以鞭策之其馬奔走如飛衝出陣去劉仲步殺數人身死於地後光武勅贈魯大夫有詩以讚其名 青雲懸器業白日貫忠貞多少英豪傑誰能脫死君

第四十六回 興邦求士復深仇

卻說光武衝出重圍哭至胡陽城內見叔父劉良告曰今小長安被岑彭侵占殺卻劉氏家屬三百餘口奈何服之良聽罷大驚二人抱頭相哭英雄淚為忽眾軍皆至惟折小卒百餘文叔謂眾將曰若此之敗漢室何日得興鄧禹曰主公勿慮今宜秋山新市平林有十個大王每一個有軍一萬主公可往借之若

得此軍到日立破王莽光武從之遂扮妝一客上馬而行至宜秋山下有一酒店即下馬步入問店主沽買幾盃以消途渴正坐之間只見其地來往賊徒人等經過甚多心懷恐懼或人疑曰此是妖人劉秀言訖遂去忽見一將自外而入見文叔即拜言主公受禮文叔抱起問曰將軍高姓答曰臣乃姓王名常字顏卿敢問主公欲將何往文叔曰為小長安敗失徑投新市平林十大王處求借兵用常曰平林十大王乃吾之兄弟吾乃第九名第十名大王言曾與主公為友光武問曰姓甚名誰常曰彼言西魯胡人則無姓名教俺眾人叫他十哥便是主公今日往投借軍除俺十哥二人其下八個只好殺人放火劫掠財物豈有安天下之志主公休往文叔不從顏卿之言歷歷可聽處遂至其寨只見八王名曰朱鮪長昂胡殷遼贈陳本曹宣王匡王偉并王常九人不見第十名常曰此乃漢皇劉文叔特來俺兄弟處求借軍用後以貴謝朱鮪曰劉秀將多少金銀寶物請俺眾等做何大官文叔曰太平之後教將軍高選重用言罷忽人報曰今有王新室差使命齎詔將十疋青驄俊馬金寶緞帛招撫大王重用朱鮪等聞言大喜遂接詔拜畢問使臣曰公何姓也答曰申屠健是也朱鮪曰可捉妖人劉秀獻與王新室請受公侯之位王常曰汝等何言此乃十大哥之友人恐其見怒朱鮪不從令小卒將文叔綁縛一齊上馬押送下山約行數里之地忽聽金鼓齊鳴山坡後一軍閃出當頭一將身長九尺五寸面如活蟹鬚若鋼針大喝一聲攔住去路未知何人有詩為証 膽氣曾經百戰場指呼卒伍走羣羊風聲壓倒羣芳長應放寒梅報一陽

第四十七回

碎膽奸雄歸馬武

卻說馬武正於外面遙望見一陣軍官喧鬧而來躍馬向前當住去路至近視之乃寨上朱鮪等綁押光武解京大喝一聲眾人都懼遂解下其縛扶起拜畢而問曰主公為何至此遭於賊寇之手文叔細將其由訴與馬武武曰若非臣主公難脫此難文叔曰多感將軍救拔敢問寨上言有無名第十大王曾與秀

舊交來不見此人是誰馬武曰小臣便是流潛於此恐酒後遭其拿獻故不言姓話畢見面生人立於其內武乃問眾曰此何人也眾答曰王新室差來使命申屠健是也馬武聽罷大怒提刀趕近斬死於地而謂眾曰汝等願順王還願順漢眾人一齊應曰都願順漢馬武大喜遂引眾人擁護光武至寨令眾軍將山寨改為金關草寇變作公卿請主公於此立受君王以從人望眾人正欲山呼忽一人淚下而言曰汝今為帝使我作何文叔視之即下階而拜未知是誰

第四十八回

畏名賊子立劉玄

卻說其人姓劉名玄字聖公乃文叔族兄也為王莽篡國流於新市平林為軍師見眾人欲立光武為帝頗有不忿之心乃淚下而言文叔聽見急扶於帳下同坐有朱鮪言曰聖公既乃主公之兄可先為帝然後主公則是禮也光武大喜曰公言極當馬武曰不可吾等俱助主公何得二馬文叔曰將軍差矣此古聖人之法行之當然何以為二馬武聽言遂於寨中權立聖公為君號為更始皇帝改年號更始元年封八賊為八輔宰相封八賊為八輔亦不立言亦不願文叔為元帥王常馬武為先鋒是日文叔馬武招集新市大軍回至胡陽城見劉良等參拜禮畢良大喜即令排宴賞勞諸軍眾將一齊賀喜鄧禹曰今主公有此大軍決定可破王莽文叔曰小長安被岑彭所破泚水蘇元帥合兵共守更有良將甄阜梁丘賜之勇奈何破之禹曰前者宛城為泚水所失今復欲取必先破泚水文叔曰敢問軍師計將安出禹曰可著王常馬武二人領軍五萬埋伏於泚水兩傍主公親領大軍臨敵岑彭聞知必來助陣主公舉旗為號四下伏兵應起一齊掩殺使其不能出陣其兵自破則宛城可取矣鄧禹之師大有紀律文叔聽罷大喜曰軍師神機妙算遂令王常馬武二人領軍五萬埋伏去訖是日文叔同鄧禹統領雄兵十萬戰將千員至泚水下寨令人報知蘇元帥岑彭亦在泚水與蘇元帥合兵共守封岑彭為先鋒蘇元帥聽知劉秀兵至急同先鋒岑彭領軍出寨迎

敵兩邊金鼓齊鳴擺開陣勢文叔出馬謂岑彭曰良禽擇樹棲賢臣擇主佐今吾更始劉玄寬仁大度納諫如流足下文武兼備若肯歸助漢室保為重用不枉屈於莽賊之下而污萬世之名節也彭曰爾乃白水小寇焉成大用馬武怒而言曰大丈夫當棄暗投明以事真主使無遺臭於後汝今雖為王莽寵用但與反寇同流何足羨哉言罷二人交馬約戰十合岑彭敗走鄧禹將旗幡展開四下伏兵盡起一齊掩殺彭兵大潰東投西竄無路奔走馬武擒下蘇元帥杜貌捉住甄元帥王常拿下梁丘賜至寨見光武喝令將三人斬訖卻說馬成一人望見一隊軍來約四五百之多旗上寫着蘇龍蘇虎馬成躍馬赶上更不打話提起宣花斧大喝一聲殺將進去衝其軍兵四散蘇龍蘇虎抵敵不住撥回馬急走馬成追赶蘇龍二人走至天明到一山莊下馬覓歇見莊下一壯士迎二人於堂上施禮坐定問曰二公何姓二人答曰吾乃蘇丞相之子蘇龍蘇虎是也壯士聞言遂拔劍斬死二人馬成追至莊下見斬訖二人遂問壯士曰汝何名為吾除害壯士答曰姓吳名漢字子顏敢問將軍何為至此答曰吾乃光武輔將馬成追赶二人於此不想壯士為我除之吳漢聞言大喜遂同馬成回見光武接至帳下施禮畢吳漢將斬訖二人之事告與光武光武大喜曰多感將軍之力言罷鄧禹出曰今岑彭敗入長安人困馬乏吾可乘勝擊之莫待縱虎歸山養其銳氣難以驅破文叔曰然遂引大兵至小長安城下安寨令人報知岑彭彭聽得劉軍又至急點殘兵三百出城迎敵文叔出馬謂彭曰足下累交未勝可歸順漢免使百姓臨災彭曰龍遭涸水尚有風雲之日今彭雖誤敗於汝豈肯屈身而事汝乎馬武大怒躍馬橫刀直取岑彭二人交鋒約戰十合岑彭敗入城中堅守不出光武收軍至寨忽一人自宛城山上飛馬而來光武視之乃王霸也遂邀入寨施禮畢光武曰今與岑彭屢戰不降今將奈何王霸曰主公勿憂臣使岑彭歸漢遂扮一先生直至長安街內見岑彭正於廳上悶坐忽王霸至二人施禮畢問曰故人為何悶坐彭曰國家之事請勿言之王霸

曰劉秀著吾特來降汝彭聽言大怒拔劍欲殺有太史傅俊勸曰將軍不可彭不從太史扯劍而言曰今日不從遂即斬首有令史任光并伺候人等一齊叫曰可殺彭順漢彭見眾人俱變慌忙步戰數合忽令史拿出岑彭老母并其妻子言曰若不降漢即斬汝母等說得岑彭不敢動手低頭受縛岑彭此時不眾人將彭一齊擁出至寨見光武光武急下帳親解其縛彭即伏於地曰臣該萬死望主公寬宥光武曰久愛將軍渴思甚矣何得是說遂引兵入城安撫百姓眾將曰就請主公今日為帝以從人望文叔曰新市平林已立聖公為君不可復改二月辛巳遂立聖公為更始皇帝以伯升為大司徒光武為太常偏將軍滿朝文武羞愧流汗舉手不言由是豪傑失望其間多有不服卻說光武新服宛城更始命某手下四將可定先鋒杜貌姚期馬武都言比試高者掛印惟岑彭不語光武曰君緣何不爭乎彭曰新降無功故不敢爭光武曰但可當先竭力豈有是說鄧禹曰各人誇能不可為定方吾有一議使汝等心服無爭近有四城未順汝等四人各取一座如先到者即為先鋒言訖四人飛馬而去次日火牌速報岑彭第一杜貌第二姚期第三惟馬武未至即令岑彭掛受先鋒之職卻說馬武王常二人引軍至武陽城下對陣其首將出馬答曰汝非敵手叫劉秀鄧禹王霸出陣馬武聽罷大怒曰小將敢彰大話輪起青銅刀縱馬直取其將不戰且走馬武趕入陣去忽見強風大起塵土遮天不能前進欲回又不能退其將令軍卒四面圍上馬武曰此天困吾也

第四十九回 名臣重會圖謀策

卻說其將困住馬武於城心而謂王常曰汝可出陣去急叫劉秀來救方免久困於此王常聽罷即令小卒至小長安去報光武聽知急引鄧禹王霸至武陽城下打話其將見光武至慌忙下馬施禮光武視之乃馮異也謂曰自教場別後未獲一會不想將軍今遇於此馮異曰臣有萬罪乞主公恩宥二人大喜遂

解馬武之圍馬武曰汝真小人氣象既有助漢之心何不早開城獻馮異曰若早獻降於汝則不顯吾君臣之義馬武笑曰然也言罷遂與文叔領軍同回小長安至城中安頓人馬大設宴會賞勞諸軍眾將勸飲各酒至半酣馬武又言要作先鋒光武曰岑彭第一到汝乃第四到尚何言哉馬武怒而言曰主公既不重用反歸去也遂與王常引部下軍卒一萬出城而去小軍報曰馬武反出城去光武知其意遂不聽所說此光武則推心置腹矣卻說馬武引軍從潁川城經過有王莽弟王顯見而問曰馬將軍何往武詐言曰今光武只愛岑彭不用馬武吾等歸山落草去也王顯曰將軍休去若肯歸助王室保為重用將軍意下若何馬武曰吾教場赴舉曾寫反歌罵彼今若再順必然見殺王顯遂折箭為誓馬武即順王顯邀入城中安排筵宴二人正飲酒間有人報曰劉秀趕馬將軍兵至城下搦戰馬武罵曰劉秀肉眼不識好人還敢追趕遂與王顯領軍出敵至門下王顯不識其詐被馬武一刀砍於地下說眾將軍卒悉皆畏服遂開城迎接漢兵一齊擁護光武而入此假情思非此兩人心相投契甚難甚難光武大喜謂武曰將軍誠乃安邦之略濟世之才也馬武曰臣貌醜才疎不堪重用何足為羨光武曰將軍休罪吾以軍師之計使汝等無傷於義非有他說且岑彭新降之將未得寵愛吾與將軍布衣之交情意相投心無疑慮之懷故以彭為先鋒馬武大笑曰主公用人甚當遂將潁川衙內改為偏將軍之府光武掌兵於是後詩言馬武烈義 提兵怒激兩分歧決策還瞻極漢危奮欲拔山揮白刃勇思背水建朱旗爭名競職非身顯殺將圖城為主支自是君王相契美史書留作萬年規

卷三

第五十回 紫微躍奔求名將

卻說光武會集諸將議曰若此久困於城何時得解鄧禹曰主公可引姚期馬武杜貌岑彭四員勇將二

百雄兵往江夏劉嘉劉隆處求救借兵此二人亦係漢室宗枝因王莽篡國號為銅馬賊主公若到彼必相扶共復仇恨若求得數萬兵來昆陽可解矣光武曰難出此圍禹曰臣有一計使主公安然可出光武曰敢問何計禹曰臣領眾軍開西門劫寨主公往南門出走使彼不疑光武依其言令軍卒各披盔甲上馬至夜三更引四將領軍二百從南門而出鄧禹引李通堅譚鄧曄傅俊等領軍五百大開西門虛剗王尋之寨門外金鼓喧天喊聲震地驚起王兵悉奔西門搦戰四將保出光武而去鄧禹等殺至天明王兵大敗急令鳴金收軍入城緊把卻說光武出城約行二十餘里忽聽山後鼓角喧天軍兵湧出遙望當頭一將身披皂袍鎖子甲頭頂雉尾白銀盔手提昆吾寶劍坐下抱月烏騮姚期四將各執槍刀排列陣勢立等拒敵其將飛奔至近望光武慌忙下馬拜伏於地光武視之乃老將卓茂也攜起問曰汝何至此茂曰臣於小長安聞主公昆陽受困徑出江夏求兵接應主公何幸得遇於此光武大喜再問長安更始若何茂曰更始皇帝被八名賊臣百般欺侮萬計相戕行不仁之事禍亂朝廷光武聽罷目盼長安頓然淚下而嘆曰莫非劉朝不合與創故使賊臣操柄顛亂朝綱馬武勸曰主公於途中少懷憂悶且奔前行卓茂曰主公今將何往光武忍淚而言曰往江夏求借救兵以解昆陽之急卓茂遂與同往行至其城下馬令人報知劉嘉劉隆等慌忙出迎接入衙內施禮各叙宗祖之情乃光武之姪也二人頓首再拜光武攜起依序而坐二人謂曰敢問皇叔此來必有奇幹光武曰為賊臣王莽侵謀漢室剪滅劉氏宗枝秀起三軍於白水立聖公於宛城欲恢先朝之業以復平帝之仇奈王莽勢大難於拒敵故此昆陽敗困不能脫釋特於姪處求借雄兵數萬以濟燃眉之急倘破王莽復成基業公等皆不失乎王爵之位而慰祖宗地下之望姪意若何劉嘉曰姪有數萬之軍未曾操練恐難為用待姪明日親自教演即與皇叔應用至次日天曉點集眾兵正於場上練習有首將宋禮出曰大王不可輕動軍兵自家尚恐力有不贍奚暇為他

人救援去若獲勝彼得成功創業倘有一失豈不自傷害哉言罷只見閃出一將大喝一聲而罵曰匹夫小卒安敢違慢軍情遂拔劍一砍頭落於地光武大驚視之乃劉隆也說得眾將俱不敢言有詩為証
袞袞青雲塞要津已聞聖主用賢臣奸邪不識英雄漢故向軍前自殞身

第五十一回 刘宿紛臨助聖君

卻說劉隆斬卻宋禮奮怒騰騰就欲起兵前往忽聽城外砲響一聲軍如虎奔俱頂重盔堅甲執短戟長槍當頭一將面紅鬚黑腰闊身長被紅錦袍腰繫絲蠻帶手執降魔杵坐下燕色馬湧身若箭舉步如飛光武觀者甚有驚懼之心遇給岑彭急扯昆吾劍馬武忙執青銅刀姚期搭上雕翎箭社貌持起搦神槍列於教場待臨陣敵其將至近望光武忙奔下馬拜伏於階光武攜起問曰將軍何姓答曰小將紀儼是也聞主公昆陽戰敗特引部軍五百接助除奸不意幸逢於是光武大喜遂令同往是日起軍劉嘉守江夏劉隆引五百人馬與光武等即行前奔數日奈糧草缺乏數日而糧草遂缺行軍之道固如是乎光武令人往街糴買忽人報曰此處糧食都被兩員大將收貯村西山山下屯營立寨買馬招軍將軍可往彼處求買光武遂領眾軍齊往至其寨門見兩員大將正於教場練習一人身披紅錦袍金鎖甲頭頂白銀盔玉鳳縷手提丈八矛坐下胭脂赤馬一人身披白羅袍白銀甲頭頂金鍊盔雉尾縷使者方天戟坐下銀鬃馬騎兵步卒個個精強光武熟視心中暗喜思再得此二將可解賊兵有人報知二將急出問曰何方將士到此甚幹馬武答曰非敢擅踏將軍之所奈漢皇劉主戰敗昆陽回江夏借兵於此缺乏糧食敢告將軍回買多少以濟急用答曰莫非漢室劉文叔乎光武出應之曰然也二人聽罷即慌忙下馬拜伏於地光武下馬攜起問曰二將軍姓甚名誰答曰臣乃賈復臧宮是也聞主公昆陽受困臣於此處招軍買馬積草屯糧暫駐於此專候主公共扶漢室不意幸遇於此遂相與請入寨中各敘仰慕之情大設宴會有詩為証 鐵

衣數載枕寒戈今日延間暫樂歌聖代中興賴公等洗兵須為挽天河

總評 劉隆雖有一段激烈之氣然行兵大是鹵莽設無賈臧二將之救援且坐困矣

第五十二回 拖腸屢戰心無懼

是日賈復等拔寨起軍同光武至昆陽城南睢水下寨光武曰誰人敢往城內下書報知鄧禹賈復出曰小將願往光武遂將文書付與賈復接之藏於箭袋上馬飛行殺至城下叫上開門鄧禹登城問曰汝何將士復曰吾乃光武部下將賈復是也禹曰有書來否復曰有遂開袋取則不見矣乃叫曰因陣中衝殺不覺錯射去矣鄧禹曰既無文約則難奉命復思無奈勒馬再回殺至陣中圍軍把卒若浪衝波兩開奔散復衝出陣至寨見光武言訖前事光武又將文約付與復復遂藏於懷上馬復出衝入其陣不覺王林藏於軍中暗算一槍刺中左脇賈復力戰不知疼痛殺至城下叫門上接書遂兜弓帶箭射入城去鄧禹即令開門接入見復被傷驚而言曰公露腸矣復垂頭視之果出顏色不異禹急令人托入親以束帛裹扎復曰軍師急付文約與吾回報禹曰將軍帶此重傷姑安養病待吾別差人去復曰無妨還欲斬除此賊以顯陣上之名禹見其堅執不從遂將回書付復復即飛身上馬鄧禹登城擂鼓助壯其威復殺入陣又遇王林當住二人交馬戰不兩合被賈復一槍刺於馬下眾軍各逃奔散復遂衝出其圍至寨見光武且告前事光武視之大驚頓覺雙眼淚下扶入寨中仰天祝曰劉秀舉兵復業得此相助今被賊子所侵帶傷回寨若果合誅王莽以從眾望願教此將軍早得安康祝罷解下裹帛以手徐徐接入用藥敷傷謂復曰將軍為吾解急惟此大災倘若太平之後或我男女汝女汝男誓結為親言罷扶歸養病此名曰拖腸大戰有詩為証 憶昔昆陽大戰時拖腸斬將世間稀劉君誓結為親約永與山河壯帝居

第五十三回 斬首堆橫氣愈雄

次日光武引軍至昆陽入城王邑巨無霸領兵攔住光武曰小寇還不退兵倘敢搦戰今日陣前立斬汝等王邑大怒曰白水反賊敢言大話縱馬提刀直取漢將岑彭馬武杜貌姚期劉隆臧宮紀敞等衝入其陣巨無霸王邑廉丹呂徽李忠眾將一齊斬殺金鼓喧天喊聲震地城中鄧禹放出雄兵一千猛將二十眾將殺開血路而走正得通州軍卒運糧送至一齊擁出城去惟岑彭追殺王邑趕出陣去約行五里之遙見嚴尤於山下路側丟下王邑且捉嚴尤躍馬追近不覺被坑連人帶馬墮入其內此名陷虎之計也有詩為証 將軍勇略振天才跨海奔鯨躍浪開未識奸謀暗垂餌一鉤吞上釣魚臺

第五十四回 佞賊空謀囚漢將

卻說嚴尤壯勇岑彭令大將以鉤拖出縛縛押至元帥寨中王尋大喜謂彭曰我王新室未有負汝何故反主降劉今命遭於吾手岑彭罵曰羣豚豎子詭計陷吾何足為羨王尋令將陷入囚車著末將李忠點兵三十押送高安見岑彭斬李忠領軍星夜押送行經數日到一高山忽聽砲響一聲坡後千軍閃出當頭一將金盔銀甲玉帶綉袍手提大桿刀身跨紅鬃馬黃旗上書著勅賜反國漢將蘇成大喝一聲攔住去路李忠出馬告曰元帥王尋者吾長安運取糧草大王休得阻當蘇成曰汝乃王莽之軍忠曰然也蘇成聽是王軍提刀趕殺二馬相交戰不兩合李忠敗走蘇成不趕奪其囚車往山而去至寨視之乃岑彭也遂解其縛扶出謂曰不想故人遭於賊子之手非吾遇此難脫其難彭曰多感大恩救援雖結草銜環以相報也有詩為証 岑彭追戰墮王兵蘇將途逢救故人斃卒傷民無止息皇圖並立日同明

總評 岑彭若不遇蘇成則昆陽之績何由建此天之巧作其緣以匡明主以救忠臣也

第五十五回 英雄勢逼反王軍

卻說李忠引殘軍奔走長安入朝見帝奏曰小臣陷捉岑彭押至半途被勅賜反將蘇成奪去殺害軍兵臣不能抵敵故此敗還乞我王姑宥王莽聞奏大怒曰能捉不能堅押則有怠慢之心以欺皇上喝令擒下處斬竇融急出奏曰蘇成世之勇將小可難敵用之際不可損壞軍將乞陛下仁宥帝准奏遂放其罪再令押軍二十萬搬運糧草送往寨門李忠謝恩出朝即起軍糧回寨行經數日至潁川山口遙望一隊軍馬飛奔趕來說殺李忠惶惶無措至近視之乃岑彭領軍截路李忠欲撞戰岑彭叫曰吾助王莽之時漢起白水其勢力極小吾與累戰長安終不能勝彼之敵今漢雖受困昆陽比於白水之戰力增萬倍將軍難與天違莫若棄王歸漢以全一世功名若不願從吾必奪糧將軍若空回營去王尋為將不明兼此二理所歷必見處斬豈不功名兩失而身受辱哉願將軍思之李忠聽罷低首無言喟然歎曰非吾不能全忠實難與天意相違遂下馬施禮將二十萬糧草并眾軍馬悉歸順漢岑彭遂與蘇成引李忠軍馬護送入城光武迎接大喜謂彭曰因禍而反福也後有詩贊曰 赤心耿耿貫長虹百戰昆陽第一功奪輅反軍歸凱日揚鞭策馬氣豪雄

第五十六回 爭名奪利空呈表

卻說王尋於寨中聽知李忠降漢急寫表文令呂徽齋報朝廷呂徽上馬行經數日至長安入朝近臣奏知王莽言元帥王尋令人上表王莽宣至呂徽呈上 表曰 臣領陛下勅旨取拔昆陽克志勵精心懷惕惕日伏兵於西城夜整軍於北塞晨昏擊戰旦夕操戈殺將士於疆場屍橫山積斬軍兵於塞野血漲河流蔽日愁天昏雲黑地因此數月之餘未能攻破臣等非不堅志圖治奈漢兵驍勇勢力難驅前者捉獲岑彭令末將李忠解送陛下親誠不意途逢賊子搶奪囚車以致功勞埋沒名譽掩藏又聞陛下著軍解糧濟臣之急亦被反將岑彭驅服李忠降漢糧車草輅俱奪入城使臣等眾軍束手無措今劉秀兵多

食廣日益威名臣不辭萬罪敢賣天顏願陛下再發大兵協同攻擊則妖人可破於旦夕矣臣王尋誠惶誠恐稽首頓首百拜謹奉表上聞 帝覽表大驚謂諸近臣曰若此之失如之奈何呂傲奏曰寨軍勞苦累戰數月俱未蒙賞糧草又被漢軍奪卻眾皆失望恐一朝心變難以服之乞我主參詳帝聞奏傳旨令呂傲押送老牛膳羊住寨賞軍再起大軍二萬同往助擊呂傲謝恩出朝即點大兵押送老牛十萬老羊十萬前行至昆陽山下一陣大風其羊皆化為石國家將亡必有妖孽自然之理眾皆大驚再至西山河過老牛皆投入水眾將束手無言空回營寨而去有詩為証 國衰妖孽至勢敗禍相纏羊化為江石牛奔入渚淵 按其羊化之地後名曰羊石牛入水之處今名曰牛潭皆自此始

第五十七回 創業興王編事賢

卻說光武與眾將議曰王兵雖弱不禁大敵有此妖人怪助何日可解重圍馮異曰主公勿慮臣舉一人可除妖害光武曰公舉何人異曰舊日漢臣馬忠之子馬援字文淵見為陳州太守能使硬鐵飛鎗遠過百步若得此人至日縱使妖牌聚獸其鎗可破牌碎妖亡則昆陽不戰而解矣光武同馮異上馬往陳州而去卻說馬援正於廳堂理事手下稟曰府外有一先生來謁太守未敢擅入馬援出迎乃師父嚴子陵也接入後堂施禮坐畢問曰師父來者何意子陵曰大漢文叔昆陽受困不能解脫君肯救助王軍必敗且文叔寬仁智士若興漢室之後決以重爵君意何如援曰吾父原任漢臣既師父親至願往相扶正話之間一陣風過見有紅光貫日子陵乃袖占一課謂援曰今日午後文叔必至也馬援聽說即安排位次與子陵雙騎出迎西門而去卻說光武約行十餘里之地遙望一簇人馬擺道而來至近視之乃故人子陵也忙跳下馬施禮馬援伏於光武之前光武問曰此何官長子陵曰吾弟子馬援也光武聽罷忙近抱起謂曰久仰將軍未能一會援曰未獲遠迎乞我主宥罪光武謂子陵曰秀經數年不能成就漢業奈何

治之子陵曰搏虎先投其食釣魚須備其餌君若不有昆陽王軍百萬難破敵之今幸困守於城盡引其兵攻襲若此之破大勢已去彼何能為取長安易於反掌耳豈足憂哉言訖遂邀入城馬援急令設宴筵會三日馬援點軍三千同光武等行至昆陽入城而去有詩為証 未入飛熊兆幕帷已求賢士拯時危雖無滅楚三英傑也有陳平六出奇

第五十八回 明賢一舉妖人破

卻說光武於昆陽城內聚集大軍十萬號為二十萬之多問子陵曰師父可施何計破此危急子陵曰王尋兵按西門可令吳漢岑彭臧宮引軍一萬從東往渡睢水河劫寨使彼不覺再令杜貌劉隆紀敞領軍一萬往北從西劫王邑之寨使此二將不能出戰令賈復姚期領軍三千往西山下埋伏令馬援領軍三千與巨無霸搗戰詐敗引至西山舉旗為號四下伏兵併起一齊掩殺主公與馬武傅俊卓茂引軍六萬乘勢後襲則無霸可擒矣天下大勢瞭然胸中如子陵者能有幾人哉光武大喜曰師父雄才猶高呂望即令眾將各領大軍埋伏去訖卻說王尋令無霸領軍百萬為前隊王邑嚴尤領軍五十萬為中隊王尋領軍二十萬為末隊至城下叫漢將出陣馬援出馬身披青袍水銀甲頭頂雉纓白寶盃手提丈八槍坐下青鬃馬立於陣前罵曰妖邪賊子三合捉汝顯我英雄無霸曰無名賊子敢來對陣援曰吾漢朝歷代功臣陳州太守馬援將軍是也無霸令廉丹出馬二人交不兩合廉丹敗走無霸奮怒輪刀直取二人交戰十合馬援詐敗無霸追近又戰三合馬援敗走引至西山下旗幡展處坡後伏兵併起金鼓齊鳴喊聲叫殺姚期賈復二人兩邊夾攻無霸困於垓心不能衝出姚期叫曰怪顏妖賊早下受降免遭擒斬無霸大怒輪刀再戰姚期賈復馬援三人夾攻無霸抵敵不住拿起聚獸牌正欲敲動被馬援略起飛鎗大喝一聲牌響鎗中碎作火光飛散將在謀而不在勇嗟乎無霸姚期急扯弓望無霸腦後一箭化陣狼煙而起黑雲內昏濛不見

有詩為証 萬甲藏骨壯氣昂馬前一躍破天荒飛鎗略起狼煙散害國妖人聚獸亡 又言巨無霸詩曰 力賽英雄項楚王可憐一命喪昆陽縱教聚獸能驅虎豈敵城前大會場

第五十九回 勇將齊迎敵寇亡

卻說王尋王邑見殺敗巨無霸急退兵回寨姚期賈復馬援從兵追趕撞陣衝殺岑彭臧宮吳漢杜貌紀合攻喊呼戰殺聲動天地王軍大潰走者自相踐踏伏屍百里時雷風大作屋瓦皆飛雨傾如注水漲河嚇山中虎豹足戰心驚天為助雨水為不流士卒赴溺死者數萬之餘後漢書載莽兵大潰士卒惟王邑嚴尤輕騎乘死人渡水逃去光武等盡獲其軍寶輜重盈甲珍寶不勝其數後有詩曰 靄靄征雲蔽日光天愁地泣鬼神藏血流河漲屍山積尤勝垓前困楚王

總評

按鑑更始元年王尋百萬之軍被光武大破殺之於是關中聞知震恐海內豪傑響應皆殺王莽州府郡牧自稱將軍用大漢年號以待詔命續秀兄弟威名曰盛昆陽巨鹿一戰成功真足令英雄動魄

第六十回 敵破也知居士好

卻說嚴子陵解脫昆陽之難私奔出城潛入山中隱名避世高士高士吾不如也

第六十一回 成功猶有故人思

是日光武收軍入城設宴會將賞勞諸軍惟不見子陵甚懷愛切鄧禹曰主公少慮子陵素愛隱逸不求聞達今為主公解除急難喜不自勝必歸山避世去也可暫舍之亦是子陵知止范仲淹謂微光武無以成子陵之高微子陵無以見光武之大言也光武從勸遂寫表文令人申奏更始表曰 昔高皇創業徒步布衣仗三尺劍而安天下則有張良

蕭何韓信三傑之謀而楚竟莫能與之爭也不意呂后專權操機設變斬忠臣而戕骨肉則天下幾乎息矣幸文帝頗聞善政繼續江山傳至平皇賊臣握柄奪其位而弑其身殞其名而滅其姓蓋為昏濛弱甚不能制理奸謀使祖宗萬載洪基一旦墮於莽賊天下紛紛生民塗炭秀幸存於白水起集義兵效文王聘姜渭水竊高祖拜將郊壇略服南陽少安兵甲遂立陛下為君以嗣先王之業庶不失乎天下之望而有利於社稷之福今尚寇害未除安危難一願陛下亦宜勵精圖治刻志於朝納直去奸參謀決略務致太平則臣等之萬幸矣諒陛下聖德仁威不勞臣慮今秀昆陽擊拔旦夕操戈久困寇攘之圍不能施征脫釋城糧罄盡兵卒飢亡感上天垂恤孤窮幸濟危途之急頓使陽回幽谷枯木生梯略集眾兵銳精日益破無霸於西山斬王尋於北野雷風大作雨注成河趕王邑嚴尤輕騎渡走驅廉丹呂傲溺水淹亡誑虎豹於山崖戰股感平坡水亦不流聲震天關威鳴地府秀苟全一勝略獲娛情皆陛下仁恩所被而致臣等之幸也臣秀誠惶誠恐頓首百拜謹奉表上聞 更始覽表大喜欲飛詔加封劉秀功勞時八名賊臣朱鮪等見秀表奏大獲勝功乃私相議曰今劉秀兄弟掌握兵權威名日盛恐聖上寵他之能厭吾之薄莫若囑帝除之使吾等得為重用眾皆然之遂私入後殿見帝陰譏其事更始聽罷沈吟不敢形發部將劉稷聞之立起怒曰更始何不仁也伯升兄弟為此東征西討北伐南攻受盡百千汗馬之勞圍成大事又推義讓之心推居帝位今汝安平宴享彼甘士卒之身而反言欲害之是何理耶更始聞言即宣劉稷至殿喝令擒下斬首不容再語劉稷急上奏曰陛下且止今王莽未除不可先壞已將恐眾士異心難同舉略乞陛下仁宥朱鮪在傍譖曰陛下斬者尤當今劉續兵威勢大與稷同謀欲奪陛下之權就彼兄弟之職陛下可將二人除之以絕身邊之患更始准奏令將續稷一同斬首武士得令推下金階劉續仰天嘆曰今吾大事已成恨未能掃除內賊以清國政則雖死而無憾矣生平不下淚於此泣覽謗言罷引頸受刃有

詩為証 威名凜凜震華夷四海來蘇望義旗一旦命罹奸倭手忍聲抱恨殞丹墀

總評 君側有佞臣則邊將無功千古同慨獨惜伯升兄弟以血戰成功反為昏王所害恨不能借尚方劍斬佞臣頭一腔熱血正不知灑向何地也

第六十二回 智士規宏終大器

卻說光武於昆陽聞知兄續被賊臣朱鮪譖殺頓使魂飛氣絕悶倒於地眾將急救多時方醒放聲大哭曰吾兄威揚四海聲震京華不意遭賊子所害失我羣行眾將聞悲俱各掩泣是日光武思兄被害坐卧不安即起軍馳詣宛城安服更始諸州官屬悉出迎接秀端容勵色不與交接私語眾皆畏服及至朝見更始和顏悅色依聲相應未嘗以取伐昆陽之功為念亦未以兄之見害為懷此可見一孝服不施喪哀不舉言談飲食坐笑如常惟枕席之上則有涕泣而已更始見其寬洪如此大慚而愧之遂拜秀為破虜大將軍封武信侯仁主之心於此可見

第六十三回 小人狹隘豈成材

卻說王邑嚴尤走至長安入朝見帝泣而言曰臣該萬死圍守昆陽被嚴子陵設計引馬援數將能使飛鎗打破聚獸牌殺死先鋒無霸斬卻元帥王尋不覺雷風迅作雨下成河將卒軍兵悉遭滄溺惟臣等乘死人渡水幸脫殘生乞陛下將何禦治王莽聞說心驚膽戰無計可施乃長歎曰吾起大軍百萬擬立功豈料敗於妖人之手而致有今日之憂哉頓足捶胸吁嗟不已退朝悶坐若醉若痴終日不能進食但以魚鮓酒啗而已玩讀兵書亦無情意倦困昏慵憑几伏寐不復安於枕席而有時惕之惶有詩為証 默默無言欲斷魂 捶胸頓足懶傾樽 當時恨不回頭早 今日應知有此輩

第六十四回 聞風競獻歸仁里

卻說光武起軍攻拔長安以鄧禹為元帥岑彭姚期為先鋒馬武杜貌為左右使是日統領大軍十萬戰將百員砲響一聲齊擁上馬出城旌旗蔽日塵土遮天約行數里忽前一隊軍兵飛躍走近當頭二將望光武忙奔下馬伏呼萬歲真有風行草偃之勢光武曰汝等何方將士答曰臣乃成紀隗囂周宗是也聞主公舉兵滅寇小臣二將先破隴西武都二郡帶領部兵十萬特來迎接乞主公納用光武大喜遂封二將為左右引駕師二人謝恩上馬前引卻說茂陵公孫述聞漢兵臨聚大軍於成都自稱輔漢將軍兼益州牧前來迎秀至武關欲攻關上三輔將鄧曄于匡二人知漢兵至急開關門迎入於是諸州郡縣不征自降各稱漢將應接獻貢糧者難悉其數至潼關未聞獻接鄧禹即埽下戰書令將射入關上書曰 禹聞秦朝失政賊子當權蓋以斯高二佐之奸而致扶蘇非命之死是天之所以速秦之滅也今奸臣王莽弑戮平皇奪帝位自尊苛法復興天下蒼生失望士卒罹災以致旱澇不均賊荒競起今吾主劉秀聖智明君德澤高沾於四海仁風遠播於遐方略集義兵起居白水欲為先王雪恨黎庶清憂感天神之佑助賴將士之匡扶掠郡攻城望風仆偃殺蘇雄於泚水斬王將於昆陽諸縣官軍悉稱漢應今武關已下潼豈能存如書到日早省開降莫待火急燃眉悔思晚矣大漢元帥鄧禹謹書此書著莽之奸劉秀之德把關首將接書讀罷三思而歎曰非吾不能全忠乃天意也人豈違哉遂令軍卒開門親出關外迎接望光武伏於馬前告曰小將接遲罪該萬死乞主公恩宥光武大喜問曰汝何姓名對曰小將祭遵是也言罷請入關中安下軍馬有詩為証 卓益朱幡擁翠貂 風威肅草動山搖 天河未挽兵先洗 城郭咸歸將已饒

總評

按更始遣入關者王匡申屠建開關迎建者祈人鄧曄光武未嘗先入關祭遵已久為光武軍戰市令未嘗開關納降此何以說耶

第六十五回 雪恥爭迎掃賊奸

卻說王莽設朝會眾文武正議敗兵之事忽大使奏曰我主事急祭遵把守潼關獻降劉秀兵馬都入關下寨乞陛下早發兵禦莫待臨城難與攻掠王莽聞奏大驚急令蘇獻為元帥邳彤為先鋒盡起御林大軍二十萬名將數十員御駕親征出城至長樂坡屯駐王莽之陷洛陽申屠建入武關三輔震動孝平皇後自焚莽避火宣室前殿隨斗柄而坐是夜身首遂分未嘗與卻說光武知王莽兵至急引大軍出坡對陣王莽出馬謂光武曰秦傳漢漢傳王天數然也非吾霸奪子若肯罷戰休兵即指潼關為界東屬劉氏西屬王朝立為兩國何不可乎光武曰若欲和兵兩國除有平帝子嬰并劉氏三千餘口活卻還我即時罷戰馬武出曰王莽反賊記得教場演試噴嫌醜漢馬武將軍否此卻而不納以資敵國王莽至此應嘆以觀取人之失也王莽怒而叫曰誰拿醜漢邳彤應聲而出手提方天戟坐下雪蹄馬立於陣前大叫言曰汝縱有拔山之力過天之勢今日定欲拿汝以復王尋之讎馬武大怒躍馬輪刀直取邳彤二人交鋒敵戰五十餘合不分勝負王莽軍中急令王瞻李順孫通高密李建李顏宗王卿王煥王武一助戰九將聽旨飛奔入陣光武見王軍助陣亦令姚期陳俊劉隆傅俊朱祐馮異岑彭祭遵景丹王常等一齊混戰王軍大敗岑彭活捉蘇獻王莽撥回馬走光武引兵追趕王莽入城令卒緊閉光武眾將一齊圍上九月戊申城內竇融獻開宣平西門迎接漢兵光武傳令不許傷害百姓王者第如違者即斬眾將肅然而進豪無干犯邳彤知軍入城急令東宮王禹開東門走訖光武眾軍放火燒着午門及未央宮搜王莽家屬皇親國戚盡皆誅戮惟不見王莽光武傳令曉諭百姓如有隱藏王莽九族皆誅有拿獲送獻者千金賞賜許令諸人入宮搜捉時有客人姓吳被王莽罰錢賞軍不能還家聽得諭旨許人民共搜即提菜刀一把尋入東宮而去卻說王莽見火連內禁急至宣室旋席隨斗而坐乃歎曰天生德於予桓魋其如予何聖人自信之語反為奸臣藉口即此罪惡使應身首異處今漢兵以火焚宮吾避於此豈奈我哉庚戌旦復於漸臺之上閉閣而坐至申時吳公搜尋入內宮見有高臺二所殿閣深宮四圍水遶乃曰王莽必在此

臺之上放下吊橋而過至上閣內殿見著黃袍玉帶以脚排開其門進前拿住王莽謂曰賊子今遭吾手王莽告曰吾將錦包袱賜汝內有寶物乞留殘命吳公接者錦包袱又扯下臺忽太尉李清走至將吳公打倒拿下王莽出見光武請賞光武大喜正欲賞清吳公走至告曰小人拿住王莽被彼搶來乞王公詳察光武曰汝有何証吳公曰小人有遂將錦包袱獻上光武解開視之乃國朝王印鄧禹曰今日江山還歸我主光武大笑遂賞吳公萬錢吳公叩首拜謝而出乃曰為此賊久淹於是使吾拋妻數載棄母多年今日纔償舊恨得轉家鄉言訖遂回而去卻說光武是日與眾將士登於漸臺殿上書起十二帝王之靈擺列香燭於席祭雪讎恨將王莽蘇獻推跪神位之前聽宣祭奠令敕文官高聲朗讀其祭文云 漢室山河二百餘年平皇勢弱賊子當權弒君殺父抗救違宣秀恢天下聘士求賢奸臣捉至細割刀千一酌君恨二雪父冤香花祭畢聖祖升天 祭畢將蘇獻斬首莽凌遲細割分散其屍爭相殺者數十人以莽首懸於城市百姓觀者或擲之於地或切食其舌人人共惡而誅之後言王莽詩曰 百計徒勞苦戰疆江山依舊屬劉皇粉屍粹骨誠堪恨擊首拋骸亦可傷斗酒何能稱奠祭荒碑誰為泣銘堂當時解省回頭早免使龍泉劍下亡

總評 王莽故一時之雄何至此竟如嬰兒就縛束手待斃豈罪惡已深天奪其魄耶吁此烏江之靈所以至今不死也

卷四

第六十六回

操謀敵主心過望

卻說光武將王莽蘇獻斬訖大設筵會宴賀功臣眾將飲於席上唧唧噥噥欲立光武為帝光武知其意仗劍出席而言曰汝等眾人再有交頭接耳胡亂言者即斬嚇眾將無一敢言按更始卻諸將以劉秀行司諫校尉使前修宮府秀

乃置僚屬務文從事可察一如舊章時三輔吏士來迎更始見諸將過皆冠帽而衣婦人衣莫不笑之及見司隸僚屬皆歡喜不自勝老吏或垂涕曰不圖今日復見漢官威儀由是識者皆屬心焉此一段當補是日即請更始坐於長安眾臣朝拜禮畢加封秀為大司馬著行司隸校尉於前殿整修宮府與秀等諸將議事於內朝罷各散時八賊朱鮪等議曰今劉秀破卻王莽國家重柄都在其手兼其部下諸將不離左右我等將奈之何胡殷曰吾有一計可害其命鮪曰汝有何計殷曰來朝奏帝令劉秀部下眾將封出各郡為官使劉秀一身無措不能成立大事然後慢慢圖之何難之有此乃張良左遷諸侯之法也朱鮪聽言大喜次日入朝見帝奏曰今劉秀破除王莽皆其部將之力建此大功陛下若不封出為官恐惹眾臣之怨乞陛下聖鑒更始准奏敕令尚書省檢功加職擢擢者出各處為官是日傳旨光武令其眾將各封外郡鎮守不得久停於府各謝恩畢鄧禹曰此又賊臣之計欲害主公故散吾眾將彼得行事光武曰縱乃賊臣之計不可違逆聖旨眾將忍聲聽命出登任所光武送至霸陵橋淚下英難到此不分首自歎回府而去鄧禹謂眾將曰汝等須從旨命暫散為官務宜精探消息匡救主公何等宛然不枉汝等英雄之志中於賊子之謀言罷各赴任去卻說胡殷見散劉秀之將乃大喜謂眾曰果中吾之計也眾答曰雖然散其部將奈劉秀帝之寵臣何能殺害朱鮪曰吾有一計使劉秀自殺眾問曰汝何計也鮪曰見今諸州盜賊競生劫財殺命可奏上更始著其巡按河北但與三五百人跟往劉秀若到賊必殺之而劫其財豈不自送命乎張昂曰劉秀仁揚天下德播萬方人皆瞻仰而服豈有害彼之心若欲果行可令一人假妝劉秀先往河北諸州拷刑官吏勒騙軍民使劉秀到日人皆共惡而誅之方能害也眾皆大喜遂依其計而行惟胡殷貌類劉秀即日私離京地假扮巡行經州過縣俱要羊酒接迎拷逼官民勒財捐物有陳詞告狀者不令近見凡出街市百姓觀者俱要低首兩傍不許擡視牌至懷州報知太守張國期言司馬劉秀各處查刷官吏拷逼軍民有錢者得活無錢者受災太守亦要預備免遭刑迫國期聽罷而言曰人

道劉秀德量齊天今行此不仁不義之事乃得一虛名耳言未訖人報劉秀已至國期大怒急引壯軍五百各披盔甲上馬前迎行經數里到一山坡遙望劉秀擺道而來國期接上仍依法禮施行看其動靜果否劉秀曰汝何不備羊酒遠迎故此遲來即有慢上之心喝令重打國期見果有如此大叫眾軍下手言罷一齊擁出四圍掩殺嚇得胡殷勒馬急回軍走國期催趕追上數里未及即罷兵回府胡殷走至長安見眾人具說前事各皆大喜眾人大喜不知胡殷受此謂曰劉秀此回必遭吾計遂入朝見帝奏曰今河北州郡盜賊羣生黎民遭害陛下可令大司馬劉秀巡撫州縣百姓庶保天下太平我王安居帝位更始准奏即傳旨齋敕令司馬劉秀領軍五百親往河北巡撫待按完復命時朱鮪賊急先令人報知洛陽太守言光武不仁可用機暗殺以貴醉功是日光武領敕上馬離朝徑望河北進發眾軍前呼後擁地震山驚行近洛陽地方令人齋牌報知太守道臨城下董期忙奔出接迎至館驛設席宴待至日天晚董期喚出一人名焦休雄謂曰今上司文書言光武不仁令吾暗害其命汝若能幹是事賞銀十錠後報朝廷再加官職休雄曰太守嚴命小人即行遂藏短劍於身徑入驛去故言排席為由潛於窗子之下夜靜二更見光武秉燭獨坐玩取刺客刺之傳喟然歎曰刺客好無決斷悞汝性命休雄聽罷膽戰心驚不知書內有此話說只疑道彼慌忙伏於其前告曰不干小人之事乃太守董期接奉上司文書言命不仁故使小人為刺暗害命命乞留殘命光武曰前番來者非吾乃賊臣胡殷假扮出巡故使天下官民歸怨於我休雄曰若命命肯恕小人之罪小人先往各州郡縣備說情由使不枉負命命之德光武曰此乃賊臣之計非汝之罪也但下次休行是事休雄叩首謝恩急奔諸州報說情由次日牌到懷州太守張國期急整夫馬自領僚屬官吏出城遠迎光武問曰汝等何處官吏答曰懷州太守張國期帶領本府官吏人馬迎接主公光武曰懷州至此路途頗遠汝何是遠迎耶國期曰昨日焦休雄報說前日按臨非主公親

體乃賊臣胡殷假妝計害今主公親臨小尹故速速逃乞大恩宥罪光武大喜遂令前行至城入府國期
淨整察院請入安坐大設席宴有詩為証 屏開丹孔雀褥隱繡鴛鴦玉琖斟瓊液金爐熱寶香

總評 閱此一段凡奸人用心與仁主度量班班可見

第六十七回 杖策追君意遠圖

光武正宴間忽人報說禍事已到請太守將何禦拒國期間說慌忙無措問曰何處軍兵答曰梔子城混
天大王今兵馬都已入城請太守急作區處說光武等各各驚懼國期急備人馬防禦同光武潛出視之
見其從西門街擺隊飛來當頭一將頭頂金盔身披鎖甲手提丈八蛇矛坐下駱駝神驥見光武忙奔下
馬拜伏於前光武見是大將姚期即回驚作喜邀入衙內各施禮畢問曰旨命著汝為官為何起兵至此
期曰自長安與主別後日夜縈繫並未赴登任所只於梔子城聚兵探信今聞主公巡按河北領軍三千
特來保護駕往庶免主公憂懼光武大喜宴罷同往河北從白渡經過黃河至東山下小軍報曰前有大
隊軍兵兩員大將攔住去路主公將何治之光武聞報親出探視乃馮異王霸也亦言未赴官任只於是
處屯軍探知主公消息特往跟隨光武聞言大喜遂令合兵前行至近鄴城縣官各出迎接安於司坐大
設宴席凡所過州郡考察官吏黜陟能否平遣囚徒除莽苛政吏民皆悅各各爭持羊酒迎接宴勞秀皆
不受卻說南陽鄧禹聞秀巡按河北杖策急追趕至鄴縣令人報知光武光武急出迎接攜手並入至公
廳各施禮畢光武曰破除王莽吾得專封拜贈先生遠來甯欲仕乎禹對曰非也但願主公威德加於四
海臣得効尺寸之功垂功名於竹帛臣之願也光武大笑遂留同宿禹進書一緘呈與光武 書曰昔文
王治世施仁政諸侯來朝紂王續基好淫佚忠臣棄國今我主親破王莽天下未安赤眉起青瀆之南銅
馬聚滹沱之北中原攘亂羣庶號悲且朝中更始乃弱寡常才不自聽斷諸將皆庸人掘起志在財幣角

勝爭鳴威力相讒疾侮忠良非有明智奇謀遠圖深慮欲尊主而安民也但朝夕自快而已主公素有大
德已立威名諸士聞風遠至萬民仰德歡迎軍政肅齊信明賞罰臣愚淺慮主可精詳欲為今之早計莫
如延攬英雄悅服民心觀歸社稷立高祖之業救萬民之命則天下可坐定也臣鄧禹頓首百拜謹奉書
光武覽書讀罷大喜因令鄧禹常宿帳中與定計議每使諸將等軍皆夢詢訪於禹以當其才鄧禹復
進曰臣聞邯鄲城小槍賊果係漢室宗枝若主公到彼其人必降光武依言遂與眾將領軍前行至邯鄲
下寨令人報知劉林忙出城接邀入後衙施禮各叙宗派則光武為兄劉林弟也是日大設宴待劉林私
問姚期眾將今朝廷更始若何眾答曰更始不明信讒入賊嫉賢始能顛國政使天下紛紛而無定也
林曰君既不明難任重責莫若於此佐立吾兄為帝以從人望汝等若何眾將聞說齊聲相應曰公言極
當遂選日邀光武坐於正堂眾將列班於下林謂秀曰哥皇起義除奸身經萬戰未被恩酬顯爵反遭賊
計所侵况且更始非明智之君信讒毀直使天下英雄豪傑悉皆失望恐一朝有變則國屬他人而費吾
哥之力也依愚所見請哥皇就此為君以從眾願言訖眾將一齊拜舞頓首山呼光武見劉林串同眾將
逼立為君頓覺大怒拔劍欲砍劉林忙走一傍嚇眾將四散躲閃光武怒氣叫叫還寨去訖

第六十八回 惑拜王郎欺正葉

卻說劉林見光武不從獨於廳上閒坐門人報曰有一先生來謁大王劉林遂出迎接見其狀貌非俗有
若神仙之象問曰先生來者有何貴幹先生答曰吾因觀望貴氣尋至於此故敢冒謁尊顏乞姑恕罪林
曰既有是言敢煩一相先生曰觀足下之貴不過王公之位豈當是哉再遊觀望謂曰貴氣落於南市劉
林遂與同出街尋行至南街上尤庵前見一賣卦先生鋪上書著成帝子劉子瑜新居北市賣卦二人入
鋪望賣卦先生伏呼萬歲劉林遂請至衙問曰主公因何自苦於是答曰吾因王莽篡國隱姓一十八年

今日略定方纔顯露是日劉林遂立王朗子為帝雖是劉林失著改號興隆元年國號大漢皇帝以國師亦是光武自改桓法欽為左丞相桓就克為右丞相王赤龍為元帥御弟劉林張美李獻為末將四圍城門緊閉光武知意急領軍至城下叫劉林問政劉林曰前者立汝為君險被所害今已立卻成帝之子劉子瑜也免勞後顧光武曰既然如是敢問皇帝聖關多少林曰二十八歲也光武曰兄弟錯矣成帝在位二十六年壽四十六崩傳位哀帝在位七年壽二十六歲崩又立平帝在位五年壽十四歲被王莽鴆殺再立子嬰三年王莽十五年算至此則子瑜四十六歲也豈不詐乎按成帝實無嗣故立哀帝子欣為皇太子成帝兄弟休信他人惑言多是王莽枝葉故假我漢名養銳以嗣王莽之業可不自察王朗聽說大叫曰吾非漢室子瑜眾將豈能捨飾故立我哉汝雖劉姓乃假漢妖人非正枝葉言罷叫眾將誰敢先出拿此反漢劉秀忽元帥王赤龍應聲出曰小將願敵言罷引數員猛將五百雄軍飛身上馬使一柄大桿刀立於陣前叫小將對敵姚期出馬二人交戰十合赤龍敗走張美李獻二人忙出夾戰姚期戰無數合二人敗走不禁光武率兵趕殺其將都入城去光武叫曰劉林兄弟休被他人誘惑骨肉相戕可早省察共佐更始立宗祖之業顯後世之名劉林不聽緊閉城池光武分兵圍守一月心不服降王朗子問眾將曰劉秀兵多將勇何以退之劉林曰主公勿慮河中府大槍賊處有軍十萬乃吾兄劉庭也臣往求借彼必相助若得此兵至日即破劉秀王郎子曰今被困守月餘正在危險汝若往借須要急回救助林曰不勞致囑臣當竭力匡扶言罷上馬衝出陣去前望河中進發至蒲關令人報知劉庭急出迎接施禮坐畢劉林具說借軍之事庭曰起軍容易奈少先鋒當陣將何如即言未訖一將飛出應曰小將可任先鋒眾視之乃上將郗彤也按前中反應王郎諸郡縣多降獨信都太守任光和成太守郗彤不肯從是以秀劉庭大喜遂令郗彤至信都任光則大喜而郗彤亦自和戎來會由是觀之郗彤固未嘗為賊用也劉庭大喜遂令郗彤領軍一萬前行劉庭劉林領軍九萬後往行經數日至邯鄲城下光武急分兵對陣姚期出馬謂曰吾

與汝素無讎何故逆天助寇枉費勞力乎郗彤曰為王新室服讎故來擒汝早下馬降可全生命姚期大怒躍馬橫槍殺入其陣二人交戰二十合不分勝敗各收軍歸陣來日再決郗彤領王莽太子王禹撞至城下叫開門救兵都至王郎於城上望見認是東宮王禹思放其入恐泄已事遂攀弓搭箭射死王禹墮於馬下不放郗彤軍入郗彤見射死王禹痛哭卻兵衝殺出陣奔往他方而去卻說劉庭劉林後軍將至光武親領大軍對陣王郎子見救兵都至急放城中一萬人馬出助兩下夾攻光武大敗引軍回走王郎子同桓法欽劉庭劉林引軍急趕光武望南而走小軍報曰前有三員大將領軍攔路光武大驚至近視之乃臧宮王貊費復是也有詩為證 塵途逢主主逢臣臣主相逢喜自新攜手並歸軍營裏君臣相遇古難親

第六十九回 傾扶漢主滅奸邪

卻說費復等三將迎著光武邀入臺城安撫百姓頻歇軍馬忽聽砲響一聲桓法欽引軍圍城光武曰此處又困何能退之鄧禹曰此城無糧不可虛守莫若乘其未備早開走出再作區處光武從之遂引眾將等軍棄城出走奔至元城將近小軍報曰前有大將領軍攔路不能衝過如之奈何光武聞報歎曰吾今休矣忽見其將飛至叫曰小臣耿純前來迎接主公休得驚懼光武大喜遂同入城純令大設筵宴席待光武忽人報曰王郎子兵至光武謂眾將曰誰能退卻王兵耿純大聲應曰臣有一計可立斬王郎子光武問曰將軍何計耿純曰王郎子未知臣佐主公今既兵來臣領本部人馬一千五百內臧費復臧宮遠速迎接彼必無備主公引軍後至內攻外掠必破之也光武大喜遂令引軍前去約行十里之地迎著王郎子兵問曰汝等何人耿純曰吾等特來迎接聖駕休得阻當王兵遂放其入再至第三隊被其當住不容進見臧宮費復等俱入中隊見其攔當不放乃大喝一聲齊呼殺進光武聽知急引大軍助陣裏應外

合叫殺連天姚期馮異王霸撞入其陣攪軍混戰王兵大敗王郎子桓法欽當敵不住忙撥馬走姚期等率軍趕殺追將數里未及光武急令鳴金收軍入城安歇鄧禹謂眾將曰今雖勝此一陣王兵未曾傷折倘若聚會必乘敗勢來攻使吾不備汝等務宜謹守言未訖忽聽砲響一聲桓法欽將城圍上耿純進曰漁陽海馬賊劉顯處有軍十萬其人亦係漢皇枝葉主公可往求借若得此兵至助必破王郎子也光武曰奈賊寇緊圍不能勻出純曰臣夜開南門與王兵對敵主公開北門出往何足憂哉光武大喜至夜二更純引兵開南門大喊一聲鳴金擊鼓叫殺連天光武引眾將開北門飛走而去耿純兩下正廝殺間有軍卒報知桓法欽言光武開北門走出去矣尚何空戰法欽聞報急收軍趕卻說光武奔行十里之遙忽聽山坡後砲響一聲軍騎擁出當頭一將領兵截路見光武龍顏鳳準是帝王之像即下馬施禮問曰公非漢劉文叔乎光武曰然也其人聞說忙伏頓首告曰臣接慢遲乞主公宥罪光武攜起問曰將軍何姓答曰臣乃幽州刺史耿弇是也光武大喜忽聽後軍追至耿弇急令其子耿耳退兵齊護光武入城引見劉顯接至後堂施禮各叙宗派顯乃光武之叔問曰賢姪為何忙奔於此光武垂淚而言曰秀因巡按河北至邯鄲城不意劉林被人哄惑言王郎子是劉子瑜扶立為帝又至河中串誘劉庭共起大軍反漢助王與秀爭鋒秀兵寡難敵故投叔處借兵乞念祖宗之讎急相援濟倘或成功雖泉下亦不忘也劉顯聽罷亦垂雙淚謂秀曰吾有大軍十萬即起往救令弟劉李點兵自陪宴待光武忽人報有別駕至言奉御來要投謁見未敢擅入顯令喚至接於廳上施禮其人見光武不言而出暗統大軍一千將衙圍住光武知急令眾將披掛與劉顯上馬出衙見別駕苗曾光武問曰汝等圍此衙者有何故也苗曾曰報小長安殺兄苗蒙之讎光武聞言大怒率兵拒戰忽王郎兵至衝殺入城光武眾將一齊潰戰鄧禹見其兵大兩相夾攻急令眾將領軍共保光武衝殺出陣奔投東海而去王郎苗曾夾攻劉顯衝得各逃四散收軍閉

城郎加苗曾為本郡太守鎮撫漁陽卻說眾將引軍二百保護光武出走詐稱王郎子兵過行經數日至近海地小卒報曰前有一員勇將領軍飛來乞主公觀是何人光武大驚其將奔至觀是光武滾鞍下馬拜伏於地言主公何故若此光武認是堅譚急進攜起二人相抱涕泣哭訴前因堅譚曰臣與主公別後旦夕憂懷故假名於海上為盜探望消息今聞主公出巡河北與王郎子廝殺特來尋護不覺幸遇於此言訖遂令合兵一處暫行歇息再當前進有詩為証 山隔萬重音信杳月明千里故人來人生聚散猶萍梗或向風前浪裏回

第七十回 民感仁威歸聖主

卻說堅譚光武合兵前行至一村莊譚見光武高帶饑色遂屯駐人馬令軍侍膳忽聽喧嚷之聲一隊軍至光武驚懼急欲披掛見其至近乃賈復引軍來也二人大喜遂將麪餅獻與光武光武問曰此物何處得來復曰臣於王郎子軍中奪來見主公飢餓故敢進獻光武笑曰將軍爭乃虎口奪食忽姚期王霸馮異馬成耿耳俱領殘軍趕至光武大喜遂合兵前行至三河縣耿耳進曰此屬幽州之地乃臣父所管之民主公可許言趕捉劉秀入城安下臣有區處光武許之遂入城安訖耿耳對縣官實將其事說知縣官大喜遂出參見城內百姓人等知是光武各皆歡順有詩為証 劉君勒馬過三河州縣笙簫鬧綺羅四海仰瞻蘇雨露萬民俱唱太平歌

總評

光武每到窮急處便有不速之客來相救援雖曰天助明主實手足腹心之報也不然英雄熱血自有賣處豈輕為人用哉

第七十一回

天憐弱寡退邪兵

卻說光武於城內纔安半月之餘又被桓法欽趕至將城圍住光武引軍棄城出走法欽當住謂秀曰汝

早下馬受降免使朝攻暮擊同扶漢室江山如不願從立時斬首姚期等一齊大罵奸詭賊徒假吾漢室之名貪榮立寇若擒到手把作王莽一般分屍碎首法欽大怒罵其眾將曰弱寡孤窮安持大眾鄧禹曰羣鴉小啄豈敵鳳凰光武催軍搦戰鼓譟旗幡眾軍交馬殺得天昏地慘鬼哭神號光武將雖雄勇奈三千兵卒豈敵二十萬之軍光武正在危乏力氣不加仰天嘆曰常道真天子下降則有百靈咸助今吾累困賊兵何無應乎言未訖忽正南上狂風大作滾石揚沙王軍將卒各皆掩面四散其後耿弇引領三千大軍衝陣混殺王軍大敗逃走鄧禹急領收軍耿弇進曰主公勿慮今遼東烏桓國有軍數萬臣同耿弇往彼求借援助主公斬除此賊早安天下之民光武許之耿弇父子上馬去訖光武領軍從西南而往經過州縣俱屬王郎所管行至昆陽鄧禹曉會諸將詐稱王郎兵至立於城下叫上開門遂入衙安下即令縣官高戶急炊飯食高戶與手下議曰恐是劉秀軍兵待飯熟後探聽虛實方可與食但見來軍累累催逼高戶愈生疑心不令與食其軍各入亂搶高戶言曰正是劉秀兵也急至後衙搗鼓催軍圍捉光武知慌忙披掛上馬引眾將往南門出走高戶領軍趕襲光武正至門下高戶叫城上放下砍戕姚期聞說縱馬飛至門下奮力一托光武遂免其害有詩為証 略舉拳國手支持漢乾坤若此英雄漢誰堪與並論

第七十二回 王霸合冰援帝難

卻說光武等走出其城鄧禹曰為此一餐小食險失國家大事正欲前行忽聽王郎軍至勒馬復奔南走晨餐夜宿不敢入城或食於道傍或安於空舍奔至蕪蕪亭時天寒嚴凍光武甚有飢色馮異徑往民家求得豆粥一盃進與光武略充腹餒再至曲陽傳經過聞王郎子領兵後趕從者皆有恐懼之心行至滹沱將近小軍報曰前有大河阻隔上無橋梁下無船渡又聽王郎軍後趕如之奈何光武聞報乃長聲嘆曰前阻後逼天亡吾也王霸進言解曰臣乞往視看可渡否光武令其急往王霸飛至河邊見江水泛漲浪

滾滔天安能得渡遂仰天祝曰吾主劉秀仁德塞乎四海與民除滅妖奸奈賊兵勢大力寡難敵戰敗逃此經過又逢大江阻隔不能得渡願天憐祐護過此河免亡賊兵之手祝罷回報光武忙相謂曰河可渡否王霸恐驚眾將乃徐言跪而進曰冰堅可渡跟護官屬聽知皆喜光武笑曰侯吏莫妄說也遂促兵前往果見河水凍合以力難光武大喜遂躍馬縱轡而過王郎催兵趕至河畔見光武渡冰而走眾將一齊爭功競奔躍過未及至中忽一陣風過凍冰粉碎王郎十萬軍兵共溺河死有胡曾詩曰 光武經營業未興王郎兵急勢相凌須知後漢功臣力不及滹沱一片冰

第七十三回 仲華熱火燎君裳

卻說光武渡過滹沱望前奔行至南宮地界遇大風雨滿身俱溼引軍趨避道傍空舍之中馮異抱薪鄧禹熱火光武對竈燎衣馮異見光武面帶飢色遂往農家求得麥飯一盃進與光武光武大喜自食一半餘與眾將解飢再往南行馳赴信都忽見城內眾官悉出迎接光武遠望認是任光朱祐景丹蓋延寇恂祭導迎入城中後衙各施君臣之禮共話閒別之情大排筵宴賞勞諸軍忽人報曰王郎軍離城三里下寨次日決戰眾將聞報即欲對陣任光進曰不可輕敵況且是處東臯西臯俱集軍將接合王郎其勢甚大既欲勝彼可先令一饒話之士說連東西二臯若肯合兵相助則可破矣光武聞言即令寇恂往說恂領命單騎前往至東臯門下令人報知劉植出接邀入正堂施禮坐畢問曰將軍為何至此恂曰為漢司馬劉秀原係長沙定王之後劉欽之子起兵破賊王莽扶立族兄聖公為帝今被王郎反漢難與對敵將軍若肯助漢則更始基業可興劉朝不絕後也劉植曰所憐者劉秀仁德也且吾亦係漢族豈有他哉欣然投順二人遂往西臯而去至門下令人投報王梁接入與卓茂等各施禮畢問此公何來恂曰因司馬劉秀為賊兵侵攘使愚特來投告將軍乞兵救濟倘能功就以貴爵謝王梁大喜即從應順卓茂曰主公

今在何處恂曰見在信都屯下卓茂聽罷就欲王梁起兵劉植曰可再往漁陽太守劉顯處求借軍兵其人亦係漢族聚有雄兵十萬倘求合會共往則破王郎如反掌矣寇恂聞說遂與劉植卓茂王梁四人上馬同往前望漁陽進發行經數日至其地界忽見一隊遊獵軍兵都執輕弓短箭堅甲重盔至近問曰何方將士投此經過恂曰司馬劉秀使吾投往漁陽太守處求借救兵其首將乃是苗曾聞說是漢將大叫衆將拿捉衆將得令一齊混捉寇恂急勒馬回望北奔走苗曾領軍後趕約走六七里地忽前一陣軍兵書著大漢旗號當頭三將飛騎而來寇恂高叫將軍救吾吾乃漢將寇恂被賊兵趕追三將乃杜貌吳漢馬成聞恂叫救一齊喊殺活捉苗曾衆軍各逃奔散遂脫寇恂之危引兵擁入漁陽城去安撫百姓至衙內坐敘謂恂曰汝往何來遭賊所追恂曰因投漁陽皇叔劉顯處借軍路逢此賊若非公等來至險墮其手吳漢曰足下不知其故漁陽皇叔主公亦投此處借軍被苗曾暗投王郎相擊各衝混散王郎因封苗曾為此太守適纔追趕被吾擒者即苗曾也寇恂大喜吳漢遂令左右推出苗曾斬首忽人報皇叔劉顯兵至各衆將出衙迎接邀入後堂施禮挨序而坐吳漢問曰皇叔許久何來顯曰自此混散吾於諸處聚集軍兵已得二萬之餘特來破滅苗曾汝等為何先奪吳漢曰吾已捉獲苗曾令人推至劉顯大喜曰為此小賊使吾君臣混散遂拔劍下階砍為八段令人拖於溝壑有詩為証 擾擾干戈角勝爭人民慌亂各逃生寇恂已入漁陽裏擊斬苗曾直世平

總評

滹沱冰合事奇熱火燎衣解飢分食事正滅漢助漢縱賊斬賊亦正亦奇

第七十四回 大啟雄兵經日會

卻說劉顯斬卻苗曾令軍大排筵席衆將一齊賀喜正宴間忽報耿弇父子兵至衆皆出接至衙禮坐弇曰吾領壯軍正來剿殺苗曾想被公等擒滅劉顯曰吾等除矣耿弇大喜遂合兵一處共計二十萬有餘

推劉顯為元帥吳漢為副帥杜貌馬成為先鋒是日即起軍行吳漢傳令衆軍不得傷害百姓如故違者即斬有制之兵自是不同衆皆應諾砲響一聲出城前往干戈耀日旗鼓番天所過州縣不攻自服行經數日至信都離城五十里下寨吳漢令小軍打探王郎子兵圍城否又令寇恂報知光武寇恂上馬飛至城下叫開門光武即令放入寇恂具說所集軍兵約謀攻掠之事光武大喜遂與衆將約議准同接應令寇恂回報寇恂上馬出城回至寨中見吳漢等話訖前事卻說光武登城叫劉林劉庭等打話二人遂至城下光武曰汝等二人莫失兄弟之義早省入城共除妖賊莫待禍急燃眉悔之晚矣二人不聽回寨而去是夜鄧禹領軍五萬出城偷劫王郎之寨衆將各遵分兵四門圍伏待至三更時分王軍昏目睡濃鄧禹令軍放火砲響一聲四門齊殺入寨驚起軍軍不知去向東投西竄自相踐踏桓法欽急引王郎殺開血路奔走殘兵敗卒衝混四散鄧禹收軍入城光武知勝急開門接見姚期馬上橫擔一人龍袍玉帶活似王郎之狀心中微喜至近以火燭之乃弟劉林也與王郎一樣妝扮光武放聲大哭衆將勸解未已卻說桓法欽招殘兵尚有五十萬餘屯下營寨聽得吳漢於寨宰牛殺馬朝歡暮飲不理軍情之事遂令劉庭張美李獻引二萬大軍夜劫吳漢之寨三人遵命領軍徑往撞至寨內徧繞乃一空寨急撥馬回四圍伏兵齊起舉火高燒王兵不能衝出師以智而勝以無謀也望西門撞走被王梁截住急急退東走賈復當住杜貌劉植挺槍混殺斬劉庭於寨內杜貌活捉張美劉植擒下李獻光武領軍攻襲王郎之寨桓法欽領軍急望西走光武收軍杜貌等拿張美李獻來至光武曰軍中咳嗽通是此兩匹夫喝令斬訖率兵再趕卻說王郎點兵損折三十餘萬又聽後軍趕近急奔前走忽聽砲響一聲耿純領軍截住二人交馬混戰光武鄧禹領軍趕至劉葦彭滿殺入陣中見桓法欽騎龍騰空而起此術法欽拔劍趕上殺死彭滿又望光武砍來只見頭落於地視之乃一馬首也有詩為証 百計混中原扶王欲併吞奸謀從惑世依舊漢乾坤

第七十五回 月明妖婦駕雲來

卻說光武見其邪術騰空心懷驚懼急收軍卒下寨與眾將議曰纔破無霸之妖又逢法欽之孽將何治耶眾皆默然無計至夜二更月明如日光武策杖出帳徐步遊觀忽見空中有一婦人騰雲駕霧披冠珠履披帶仙衣謂光武曰吾乃滄沔河神聖母也王郎真命之主汝休趕襲若與天命相違則性命難保姚期在傍聞說遂攀弓搭箭射落妖婦眾將忙近擒下綁縛入寨姚期問曰汝何妖婦敢來戲侮主君婦人答曰妾乃王郎之妃桓法欽能行此法使妾駕霧於此乞天恩姑恕鄧禹令殺犬血汗之使不能行光武催軍急趕王郎知其兵至忙令眾軍走入宋子城去堅守不出光武追至城下分兵圍住鄧禹見城上桓法欽以草龍與王郎子共乘欲起急用子房道法解壓其邪使不能起圍經半月光武率將攻城法欽夜出城走陳俊方修紀敬等三軍截住法欽急引王郎奔入邯鄲城去光武諸將趕至城下分兵圍住王郎軍兵十傷九死只有數百之餘其懷憂切法欽曰主公休悶西太山賊處有軍數萬可往求借若得其助可破劉秀王郎從說即令彭充往借充遂上馬衝撞出陣行至其寨令人報知二人接入施禮問曰君為何來答曰吾主劉子瑜被劉秀趕擊特來二將軍處求借救兵倘功成後將軍皆有王爵之報其二將乃彭城李忠聞說大怒言曰汝主王郎賊子假吾漢室之名欲爭天下今使詭計惑說忠良拔劍奮砍充頭落地

總評

從來邪不勝正王郎固不足言矣劉林劉庭以宗室兄弟面事反賊卒至殞身喪首大可痛惜

第七十六回

奸計誣良誅佞賊

卻說岑彭馬忠斬却彭充領軍至寨見光武大喜眾將齊議欲立光武為帝光武曰不可吾兄更始

尚在若奪其位是不仁也待其崩後方可受職卻說朝中八賊朱鮪等上書更始言劉秀按臨河北眾將反立為帝更始聞奏大驚急向近臣曰誰為寡人除憂破滅劉秀鮪曰今秦趙二州馬武王常原與陛下為友得此二將立時可破欲殺光武反用馬武王常不特無目抑且無耳更始准奏急令宣至朱鮪謂曰聖上加封劉秀征北大司馬今按臨河北反漢自稱為帝聖上特宣將軍往伐其罪後以重報將軍若何馬武故言曰劉秀如此不仁則天亦不容也遂允應其言敕賜費明為元帥龐貴為副將馬武為監軍王常為先鋒是日起軍十萬上馬前行至河北地界有人報知光武言更始皇帝敕令費明領軍十萬今將至近未知何故光武曰更始兵卒助吾剿滅王郎有何意也鄧禹進曰主公休言未曾表奏朝廷請求軍助無故自來恐是賊臣之計可令王梁迎出十里之外著其屯於彼地探其虛實然後合兵未遲光武從言即差王梁領軍二萬前往行經五十餘里迎著王常等軍兩下排列陣勢王梁出馬橫刀問曰汝領眾軍將何所往費明曰來助司馬劉秀破滅王郎梁曰既乃聖上軍助鄧禹將令遣吾迎接教汝等屯駐此地來日合會馬武故出言曰吾奉聖旨差遣豈由汝便梁曰吾奉司馬將令誰敢故違言訖二人交馬約戰十合王梁敗走馬武趕追王梁勒馬再戰兩軍混殺一陣王梁引軍回寨見光武具說前事光武急引眾將素衣束手戈甲不身上馬出見費明約行數里撞遇其軍光武叫曰請費元帥相見費明出見光武問曰元帥來者為何明曰為汝反漢自立為帝聖上著我來拿光武聞言遂下馬請罪龐貴持刀忙欲近殺光武跪伏受死姚期在傍奮怒躍出大喝一聲罵賊臣誰敢持刀殺人挺起長槍躍馬直取費明龐貴二人交鋒都無兩合忙走不禁眾將挾託光武上馬回寨鄧禹曰果乃賊臣之計非姚期將軍在傍則主公幾乎休矣何能復乎馬武等趕至鄧禹曰誰出對陣姚期應聲飛奔而出馬武輪刀與期故戰二十餘合馬武是不分勝負各罷歸營馬武共王常計議至夜入帳斬卻元帥費明并副將龐貴次日天明二人提其首級曉諭眾軍言

有不助秀者此首為令號眾將俱言往助馬武王常引即十萬大軍提頭入寨見光武大喜遂合軍一處時有小軍走回長安入朝見朱鮪等具報前事朱鮪大驚又聚眾賊商議遣贈曰吾有一計可殺劉秀鮪曰何計贈曰前者聖上著軍討秀返被殺害不從稱此違逆上命假齋聖旨一道令使者將葯酒往彼問罪只因光武不肯逆上背議致為小人所窺往因計設計變詐百端吾謂君臣之義雖重至此已成寇仇光武稱帝天下誰得而議之也哉叫劉秀隨使入朝若從不逆則無反意如不遵命即將酒葯度與逼其快飲再令護軍彭彤引軍五萬隨後擒捉亦言上命差來使見聖旨疊疊決不敢違豈不中吾計哉眾皆大喜即依計行先令使命齋旨前往後著彭彤領軍各各遵令去訖卻說光武正於帳中議事忽小軍報曰聖旨又至請主公迎接光武即令安排香燭迎接開讀旨云 朕叨天眷職掌山河奈初登帝位黎庶未安故此遣汝按巡河北撫恤州郡託天下重事悉付於卿豈意聽信小人之言反國自稱為帝前者朕遣費明監軍問罪夜令奸人暗殺奪吾十萬之兵足見昭然之變明顯欺君今再遣使齋旨施行如無反朕之心即當隨使入朝同理國政共決民憂庶使朕無懷懼以釋既往之愆若不信從毒藥快飲故茲昭示想悉宣知 光武接詔宣讀已畢謂眾曰吾當隨使入朝請釋枉罪使不逆上而屈義也鄧禹進曰此乃賊臣之計欲害主公彼得寵用專握主公不可信往恐有一失則有負天下豪傑之望而漢室不能復興矣其使者李烟見鄧禹阻諫即取金鍾滿斟葯酒度與光武逼其快飲光武遂接飲忽左邊一將怒若雷霆飛躍走近奪下酒鍾擲之於地火焰騰起三尺拔劍砍死使者光武視之乃大將姚期也眾皆大喜有詩為証 何事君王意倒顛每聽殘賊害忠賢暗中敕使傳宣旨一劍番身命染泉

第七十七回

忠言服眾鄧英賢

卻說彭彤領軍將至有人報知光武光武即領軍迎行經數里相遇光武出馬謂彤曰將軍今將何往彤

曰為汝信讒反漢自專為帝聖旨著吾特來擒捉問罪光武曰吾無是意何得誣乎彤曰既無是意又何違逆旨命殺害使者鄧禹曰此乃賊臣之計將軍何苦信之古云良禽擇樹棲賢臣擇王佐將軍文武備勢力過人竭助王莽不能成立後護王郎又經敗失今與賊類同謀欺權漢室金枝豈不想更始榮顯為何而得皆吾主劉秀於亂世中創就基業讓彼為君返信八賊唆哄殺皇兄劉演後破王莽賊盜平除又聽賊臣所謀欲圖吾主散其部下諸將著巡河北千謀圖害萬計相戕今見王郎未除乘勢促兵疊捉可見更始仁乎將軍早思回首共立吾主為君庶不失乎功名之望將軍若不願從難出禹之手也今禹十萬雄兵三十大大將已把二百里之地矣將軍縱有萬夫不當之勇則寡難敵眾莫待擒捉歸降掩藏名義將軍可自思之彭彤聽罷低首無言遂下馬拜降捨者殫處英雄不得俯首光武大喜即令合軍回寨聚同二十八將乃二十八宿并南北諸星悉會於是當日光武聚集諸將大設筵宴會勞功臣席間眾將都勸光武就位光武不從忽耿耳呈一表章進而言曰我主可早成計莫待眾心解散駟不能追願吾主察臣愚意言訖呈上表曰 臣聞人之惡不可不除人之善不可不納吾主新破王莽天下未安社稷日危山河日久非周武高皇之君不能興創是業今吾主仁德兼備智度恢宏正所謂堯舜之君也願吾主早繼江山慰羣渴想救生民之塗炭解黎庶之倒懸是正舉非諛言主若再辭避位則天下眾豪失望况且更始在朝昏蒙愚弱不思吾主義讓之心但圖彼專榮顯之地聽信賊臣唆哄豐傳聖旨欺誣則吾主幾被其陷今若再不相從漢世山河必喪士卒散離嗟臍何及臣不辭碎首之誅敢瀆天威之犯願吾主聖鑒臣耿耳頓首百拜謹奉表上聞 光武覽表讀罷微哂而言曰待破王郎之後為帝未遲鄧禹見其堅執不從眾意且率兵攻城桓法欽急引王郎駕雲投北而走鄧禹率軍後襲趕至高邑縣分兵圍住令軍殺犬取血塗汗其城又圍半月不出解兵暫退離城三十里屯下營寨光武見有高台一所上書千秋二字不識其意

遂問鄧禹曰此臺何用鄧禹曰千秋者謂軍多也光武遂同眾將上臺遍歷遊觀玩畢下寨至夜三更光武策杖私巡軍帳忽聽小軍議論言元帥將令來日於千秋臺上立帝光武聞說大驚回帳自思若待天明眾人不由我願不如出寨奔回長安而去眾軍豈奈我何遂上馬徐行潛往南門出走時御弟劉植把守嚴謹見光武欲出忙近扯住其轡告曰臣奉元帥將令若放主公出去小臣該死望主公仁宥光武見不放出乃拔劍自刎嚇劉植駭然急放轡去走入元帥帳下報知鄧禹大驚忙引眾將越地追趕不知往何而去却說光武夜出策馬南行忽見其地兩人並立俱道來日太平眾立光武為帝光武聽知大怒仗劍躍馬望二人一砍化作火光迸散於地光武近視乃二石人也遂歎曰天賦吾以如是之人則山河社稷皆順非人願乎石人一言大是荒唐雖然天命所屬理固有之祖龍且祖而山鬼告符印金是曰光武稷皆順非人願乎具只而老嫗夜泣受天之命為天子人神共主彼豈無有感於今者乎走至北鄉城望前南行忽聽後軍趕至乃鄧禹等眾將飛馬走近勒住光武之轡告曰主公夜私出寨欲將何往光武曰回朝見帝汝管何為鄧禹曰賊臣屢謀未獲主公送入虎口叫眾將不由其意一齊趣擁回寨是日起軍攻城桓法欽見漢兵入城急引王郎駕霧騰雲復還邯鄲而去光武率兵追趕至城下分兵圍住數日不出鄧禹曰吾有一計可擒妖賊光武問曰元帥何計鄧禹曰不可攻城恐其見遇駕邪又走吾等退軍十里彼見兵解必望南走柏鄉城去可令姚期王霸領軍五萬往南離城十里山坡下埋伏再令王常領軍二萬於南山高阜處探望若法欽走至吾等隨後追襲王常舉旗為號坡後姚期王霸伏兵齊起前攻後襲斷然可擒光武大喜遂退軍十里令各隊分兵埋伏去訖却說桓法欽見漢兵解散急謂王郎曰今城中糧缺不可久存喜得漢兵解退吾等可稱風急出投奔柏鄉城去其中糧草甚廣方好交兵莫要待漢兵復至難出其圍王郎聞說遂與法欽領軍開南門出走前望柏鄉進發鄧禹知出急同光武等將領軍追趕至南山坡下王常擂鼓舒旗旗幡姚期王霸伏兵齊起箭如雨下王郎欲回馬武

截住眾將軍卒喊殺連天王兵大潰左衝右突無路奔逃桓法欽駕霧正起被姚期一箭射落於地眾將忙近擒下王霸躍馬趕上活捉王郎斬軍殺將屍伏如山光武收軍凱歌罷戰回入邯鄲城去有詩為証

奸雄百計望遺才 誣使王郎戰九垓 直待滿營空應月 東風依舊綠雲槐

第七十八回 平除賊詔蕭王職

卻說光武等至衙坐定眾將綁縛王郎法欽推跪階前光武謂曰為汝一賊傷吾兄弟之情喝令擒出斬首是日大排筵席宴勞功臣搜檢吏民與即交通書籍凡得數千餘章光武命將燒之令反側子自安秀部分諸將吏卒皆言願隨大樹將軍忽小軍報曰更始皇帝遣使齋言已在東門停下請主公出接光武聞言急令排列香案恭恭上馬與諸將羣臣等俱出東門迎接至衙伏聽宣旨詔曰 朕承天命冒職龍居上繼先王之業下安黎庶之心幸喜莽賊剿除冤仇洗雪皆仗卿力恢復而致朕於是位近聞劉林結黨扶立王郎假吾漢室名詐捏成王之業東偷西劫北犯南侵社稷幾危其手人民斂跡傷容今卿蕩滅整復王基正所謂壯士能挽天河淨洗甲兵不用功勞益世勳業無雙朕特遣使飛臨故授蕭王之職邊疆撫息罷甲回兵免使朕懷繫係以慰渴想心埃故茲詔諭宣悉知行 光武接詔拜畢眾將功臣齊賀新居王職歎曰百姓患苦王莽復思劉氏速興今更始雖為天子而賊將擅權未有導王於正但以自貴為常劫掠民財疾謔忠赤使士卒斂容更思莽日是以知其必敗也今我王功名已著義讓兩全尚何久居是位而自苦哉且我王以義征伐天下可傳檄而定也天下至重王可速取莫待羣奸俟釁他姓得之則我王枉勞前功豪傑空瞻願王精察光武之功亦大矣僅封為王乃不肯二心更始如此世創中興蕭王聞言微笑而辭曰王郎雖滅河北未平姑待四方寧息即帝未遵其心終不能徵二於更始之業也卻說諸處羣賊名曰銅馬鐵脛尤來大鎗上江青犢富平獲索等各領部兵合共數百萬人所在州郡攻

掠劫奪民財銅馬聚於鄆縣時值秋月蕭王會集諸將商議攻擊銅馬鄧禹曰此賊驍勇不可輕敵主公欲進須起大軍連城攻擊方可破賊蕭王曰然也遂拜鄧禹為元帥岑彭馬武為副將以姚期杜貌為先鋒馮異王霸為左右使是日點起大軍十萬名將千員砲響一聲齊奔上馬出城前行干戈耀日旗影蔽空步兵騎兵擺施百里至景縣離城五里下寨忽南上一隊軍兵飛奔來至蕭王視之乃大將吳漢會清陽軍來也問曰來軍多少漢曰三萬有餘蕭王大喜遂合為一處於是士馬益盛糧草盈餘鄧禹分兵擊城叫賊徒決戰銅馬聞言大怒令軍五萬出城迎敵兩邊擺列陣勢銅賊出馬立於陣前言曰白水村寇吾素與汝無干今來犯界是欲討死乎馬武大罵鼠掠小寇不思立名於世以就男子之規但以劫財圖食真禽類不若也豈足為羨今若早知降順則有恩爵之榮如敢抗拒殘生不保銅賊大怒輪方天戟躍馬直取二人交戰約十合鄧禹急令姚期杜貌岑彭吳漢等將一齊助殺喊聲震地金鼓連天眾將混殺銅馬大敗急收殘軍走入城中堅閉不出蕭王分兵圍住困經半月銅馬食盡糧空夜開西門奔走吳漢截住兩軍大殺一陣被其衝過又逢岑彭攔路二人交馬共戰到十合銅馬敗走奔投東北而去蕭王領軍追殺至館陶縣被其走入城去令卒謹把蕭王分兵圍住又經半月鄧禹曰此城糧多草備難可輕掠主公暫且退軍離城五里立起營寨然後與彼攻襲吾等將兵則有本矣蕭王曰然遂退軍五里屯布堅營忽一陣風過鄧禹進曰此怪風也今晚賊兵必來劫寨吾等須謹慎之可令布起空營一所四面埋伏軍兵姚期馬武守東門岑彭杜貌守西門賈復臧宮守南門馮異王霸守北門再令祭遵彭彭冠恂未祐等軍伏於兩旁接應吳漢傳俊耿耳王常保護主公於後營內高燭明燈讀觀兵畧銅賊兵至必望南進臣與馬援伏於南山高阜處探望待彼盡入臣以火炮為號四下伏兵齊起使彼縱有撥天之手不能出吾鐵束之圍蕭王大喜謂禹曰先生誠有鬼神不可測之機天地難可量之計遂依其行令眾將分兵各

伏去訖卻說銅馬聚集諸將議曰今劉秀英雄將勇且兼鄧禹高謀吾與累戰未克一勝今又圍城日夜攻擊如之奈何忽小軍報曰劉秀退軍十里布立營寨大王可率兵破之銅馬聞言大喜至夜二更點起大軍五萬各披堅甲重盔長槍硬弩上馬出城悄聲疾步至其寨首徑從南門而入見蕭王坐於後營秉燭觀書率兵急進至中營見無動靜勒馬徧觀乃一空營銅馬大驚欲退山上鄧禹馬援望見賊兵俱入急令擂鼓砲響一聲四門伏兵齊起吳漢傳俊耿耳王常四將自內殺出旗幡鼓震地泣天愁銅馬急望東走被姚期馬武截住回奔西出杜貌岑彭當住大喝一聲兩軍混殺復欲南回被馮異賈復臧宮等諸將一齊夾攻銅馬大敗乃高聲叫曰吾願歸降可休罷戰蕭王上見賊叫順急令眾將休持銅賊即奔下馬伏拜蕭王之前告曰小將罪該萬死乞主公仁恩寬宥蕭王大喜遂封首將為列侯令合兵一處銅馬叩首謝恩而退卻說馬武姚期等眾將議曰今銅馬雖服未可全憑其乃劫賊之身豈有忠心傾向其假順暫脫死危恐未能盡信二人之言亦是至言銅馬等聞其所議甚愧流汗雖得封用亦不自安蕭王知意謂降者曰汝等休疑但可竭力當先成就功業吾豈懷舊恨哉遂傳敕令各歸營整點兵刃眾皆大喜而退至夜人靜蕭王自乘單騎按行諸部聽得降者更相語曰蕭王推赤心置人腹中安敢不效死乎由是皆服蕭王回帳至次日天曉悉以降者軍兵分配諸將眾遂數十萬餘南徇河內故關西號秀為銅馬帝有詩為証 蕭王推赤置人心天下蒼生若望霖自是關中清鎮後民歌擊壤頌堯音

總評

應觀帝王之興由豁達大度推誠待人彼始皇項籍積疑剛愎安能成大事乎

第七十九回

薦舉能封太守權

是日蕭王親領諸部將卒南入河內忽人報曰今有赤眉大賊樊崇等起軍十萬攻擊長安禍在旦夕乞我王急發兵救蕭王聞言大驚急謂鄧禹曰赤眉兵勢極大非智謀之士則難破敵吾欲託公往伐淨掃

煙塵救萬民之塗炭蘇四海之來瞻公意若何禹曰臣但無張良之智韓信之謀敢不效死而當先乎蕭王大喜遂拜禹為前將軍中分麾下精兵三萬跟護鄧禹西入關復問禹曰今河內境界雖然富實奈其險要之地吾徇河北欲擇諸將禦守而難有是人將何如禹曰我王勿慮臣舉一將可保萬全王曰何將禹曰部將寇恂文武兼備有牧民禦眾之才非子此莫可使也蕭王聞言歎曰公善識人即拜恂為河內太守行大將軍事王謂恂曰昔高祖留蕭何守關中吾委公以河內務當竭力匡護廣給軍糧益卒勵士人馬防遏他兵勿以怠慢北度而已此數語咸得其實恂曰既食君祿當盡臣忠今主有所託臣豈敢憚而辭哉遂謝恩而出再令馮異鎮守孟津各分付訖蕭王親送鄧禹至野王分別各往鄧禹既西蕭王亦北卻說寇恂領蕭王之教為河內太守終日乾乾夕惕若厲伐淇園之竹為矢百餘萬養馬二千疋收租四百萬軍糧兵刃各各齊整雖使遠征近伐未嘗乏絕卻說更始以赤眉之亂使大司馬朱鮪及舞陰王李軼等屯兵洛陽鮪謂眾曰今聞蕭王北擊而河內孤寡且河內之地民富財殷正乃興兵之所吾等可急取之使後蕭王復至將士無糧不能征戰吾等乘勝擊之必然可破眾皆大喜遂令討賊將軍蘇茂并副將賈彊統領精兵三萬南渡鞏河攻温寇恂知鮪犯界即勒兵馳出令人告喻近連諸縣發兵會於温下合擊軍吏諫曰今洛陽兵渡鞏河前後不絕宜待眾軍齊集乃可出也恂曰温乃郡之藩屏失温則不能守正宜速進何惧之哉遂馳兵詣赴忽人報曰偏將軍馮異起軍來助請太守出接恂聞言急出相迎馮異曰蕭王委吾二人鎮守諸處今聞賊兵犯界吾恐有負委託特來相助將軍共清塵虜不枉吾等英雄之名寇恂大喜二人携手共入令設宴侍席畢即起兵行共合十萬有餘及諸縣齊至士馬四集幡旗蔽野恂令士卒鼓譟大呼言劉公兵到蘇茂軍聞之皆有懼怯之心恂異二人分兵隔河兩處布陣蘇茂賈彊出馬謂恂曰小將何名早降免死寇恂罵曰豚犬賊子不識河內寇恂將軍故來犯界三合斬汝顯

吾上將蘇茂大怒縱馬橫刀直取二馬相交約戰十合蘇茂敗走寇恂躍趕賈彊獲任戰不二合被寇恂一刀砍於馬下河上旗幡一舉馮異急出兩處伏兵夾同攻擊呼聲海沸殺震山崩蘇茂敗走馮異寇恂趕殺追至洛陽連擊大破之茂兵自投河死者數千生獲者萬餘人恂遂收軍入寨安歇謂異曰賊雖破奈李軼朱鮪未除將何如耶異曰李軼初與蕭王謀約吾遣將遺書說服此人則朱鮪不難矣遂掃書一緘遣人送下書曰 愚聞明鏡所以照形往事所以知今昔微子去殷而入周項伯叛楚而歸漢周勃迎代王而黜少帝霍光尊孝宣而廢昌邑彼皆畏天知命觀存亡之符見廢興之事故能成功於一時垂業於萬世也苟令長安尚可扶助延期歲月疏不問親遠不踰近李文豈能居一隅哉今長安壞亂赤眉臨郊王侯構難大臣乖離綱紀已絕四方分崩異姓並起是故蕭王跋涉霜雪經營河北方今英俊雲集百姓風靡雖郊岐慕周不足以喻季文誠能覺悟成敗亟定大計受爵論功古人轉禍為福在此時矣如猛將長驅發兵圍城雖有悔恨亦無及矣汝豈不想初與蕭王首約而起乎願早思之無為後悔大漢偏將軍馮異書拜 李軼覽書讀罷低首無語自思原與蕭王首結謀約加相親愛及更始所立吾與其陷伯升故知長安已危不能持立欲待降秀恐懷舊恨心思反側不能自安乃長聲嘆曰可恨當時與賊子同議而致今日噬臍無及乃修書令使回報不復與爭書曰 軼本與蕭王首謀興漢剿服寇兵結榮枯之計誓生死之盟意契情孚肝膽相照軼當銘骨於衷致死相報則可何如是乎恨誤聽賊子之唆而傷失君臣之義誠羞愧汗悔亦何追軼故知長安頽息更始難支欲待肉袒負荆恐上心懷舊恨是以展轉之際不能以自安也今軼守洛陽公鎮孟津俱據機軸之要豈可背匿而相戕哉千載一會思成斷金唯深追蕭王願進愚策以立國安兵息之願也漢舞陰王李軼謹書回奉馮異接書看畢謂恂曰今李軼說服可乘銳進兵攻擊朱鮪莫待眾心思難破此賊恂曰公言是也遂起大軍南下河南城皋東十三縣及

諸處屯聚軍卒聞漢兵至不征自服降者十餘萬眾卻說鮪將武勃知諸縣兵叛急將萬餘人馬下南攻擊人報馮異異知急引部將渡河救殺行至東皋兩軍相對武勃出馬謂曰吾討諸縣反賊與汝無干今何率兵於是異曰河南諸縣盡屬吾掌汝尚詐言不省來投死乎言罷二將交戰約戰十合武勃敗走馮異寇恂亟兵追殺趕至士公亭下馮異大喝一聲斬武勃於馬下眾將齊衝混戰斬首五千餘級殘兵敗卒悉拜順降馮異收軍安寨頓歇卻說李軼自與異通書後不復爭鋒故異大顯威勝及斬武勃等將軼獨閉門不救鮪聞大怒令人暗入帳下刺殺李軼由是城中離析多願降劉鮪自將兵數萬攻掠平陰馮異寇恂引軍對陣朱鮪出馬馮異罵曰背主反賊朝廷有何負汝故來犯境侵疆今日斬汝陣前以絕漢家之患言訖激若雷怒躍馬提刀飛奔入陣二人交敵戰無三合朱鮪大敗撥馬急走馮異寇恂率兵追殺趕至洛陽環城之下眾人一齊攻擊征雲蔽日殺氣騰天逃兵踐足戰士相衝賊兵大敗朱鮪拚命撞出走入遼東而去餘兵將卒悉降拜伏於是寇恂馮異連破賊勝威震邠邦洛陽境面膽落神驚是日班師渡鞏唱凱歌還卻說蕭王與鄧禹於野王分別親引大軍五萬進擊河北忽人報曰今有大彤青犢十萬餘賊聚屯射大據財殺命擾亂京城乞大王急往除之救援生民之害蕭王聞言即發兵進大彤青犢主帥陳堅聞蕭王兵至急引賊十萬出城迎敵兩軍相對姚期等眾將一齊出馬對陣混殺戰至日中賊兵不退蕭王見士卒皆飢謂眾將曰可飯再戰眾將曰先破賊兵然後就食言訖奮勇當先賊兵見其勢勇各相奔逃而去蕭王遂急收軍進擊北平卻說尤來大槍五幡等賊正於城中歡宴忽聽蕭王兵至急引五萬人馬出城對陣姚期出馬謂曰吾主蕭王寬仁大度納諫如流汝等早降拜伏加重官職不使遺臭於萬世也今若不從則性命是亦難保矣眾賊聞言大罵妖人草寇馬成大用躍馬橫刀直取姚期光武急催馬武岑彭等出陣助殺眾將齊衝混戰賊兵大敗回走眾將追殺大槍撥馬復戰被岑彭一刀砍於

馬下姚期趕上活捉五幡尤來撞陣出走吳漢急催耿弇景丹蓋延杜貌耿耳王常等一十三將四圍掩殺尤來欲奔西走吳漢躍馬大喝一聲砍於馬下眾將混攪入陣斬首三萬餘級伏屍百里亂墮坡岡餘賊混散逃入遼東而去蕭王收軍入城宴勞眾將卻說五幡賊兵招集數萬人馬攻擊真定入報蕭王王曰若此之亂天下何能得服清正黎民實復進曰我王休慮今大賊平定何患小哉臣願乞軍三千一人往服蕭王曰將軍累戰受苦未息一安今待吾差別將汝且暫停復曰為人臣子當盡忠豈可畏難而苟安哉遂不聽所言上馬勒兵而去行至真定兩敵相迎五幡首將出馬謂復曰汝何將士敢來衝突吾陣復曰匹夫草寇還不知大漢護都督將軍名姓故來討死賊兵聞說膽落神驚欲回退走實復橫刀躍馬大喝一聲斬於馬下眾隨將卒忙伏馬前叫降實復大喜遂令合會班師三千軍出四萬兵回於是諸邦震恐實復之名有詩為証 大將平蠻勢若波旌旗雲擁照山河煙塵掃蕩班師日鳴鳳青天唱凱歌 實復回至北平蕭王急出迎接挽手歸寨問曰將軍平賊若何實復具言所事蕭王大喜謂曰將軍一舉即破天荒遂令大宴酬勞至次日天曉軍人報曰實將軍傷廢殘疾甚在危篤請大王急將何治王大驚曰吾所以不令實復為將者為其輕敵也果然失吾名將親至帳下問疾見復甚篤蕭王垂淚言曰吾常懷將軍懷忿為此故也今日果然復曰以死事君臣之當分何足為恨但臣未能繼嗣無可視宗今妻雖懷有孕未知成否若何倘或有嗣乞我王念臣之意扶持教道終臣不孝之名則雖死而無憾矣蕭王聽言不覺慟聲謂曰將軍所失者為吾剷除賊寇恢復江山恨秀不能以身代之豈敢忘乎相從於患難之中也既若細君身孕生女耶吾子妻之生男耶吾女嫁之將軍且重保養而致身孕豈足憂於妻子乎哉言罷令復安養自出勒兵狗薊薊者至城安歇卻說實復疾愈引軍急追蕭王至薊令卒報知蕭王蕭王忙出迎接邀入帳下坐叙二人甚悅至次日諸將進曰我王聖鑒今河北盡平百姓俱服王可就此為

帝以慰眾望蕭王不聽再行軍起至范陽馬武進曰天下無主如有聖人承做而起雖仲尼為相孫子為將猶恐不能有益反為不美後悔無及我王雖執謙退奈宗廟社稷何宜且遠蒞即尊帝位以議征伐今此無主而賊相亂擊之乎蕭王驚曰將軍何出是言也可斬首為示馬武曰諸將皆然非一人也蕭王使馬武出曉眾將俱畏不言是日蕭王引軍從薊還至中山諸將復上奏曰漢遭王莽奪位宗廟悉被滅絕豪傑憤怒生人塗炭與伯升首起義兵推尊更始為帝而不能奉大統敗亂綱紀盜賊日多羣生危懼大王初征昆陽王莽自潰後拔邯鄲北州弭定三分天下而有其二跨州據土帶甲百萬言武力莫之敢抗論文德則無所並臣聞帝王不可以久曠天命不可以謙拒惟大王以社稷為計萬姓為心何得累拒而若乎蕭王又不聽言行至南平棘諸將復固請之蕭王曰寇賊未定四方尚敵何速欲正號位乎諸將進言不從且暫出耿純進曰天下士大夫捐親戚棄土壤從大王於天石之間者其計固將攀龍鱗附鳳翼以成其所志耳今功業既定天下亦應而大王留時逆眾不正號位臣恐士大夫望絕計窮則有去歸之思我王不可入自苦也若大眾一散難可復合時不可留眾不可逆願大王察臣愚衷早蘇眾望蕭王見純奏言甚誠切當深復感之乃曰待吾將思行至於鄙名馮異問曰四方動靜若何異曰三王反畔更始必敗宗廟之憂在於大王今宜速從眾議上為社稷下為百姓王曰吾昨夜夢乘赤龍上天覺悟心中動悸此意若何異聞言下席拜賀曰此天命發於精神心中動悸大王重慎之性也此天運大王登位不可延遲蕭王聞言微微而哂馮異遂退會儒生彊華自關中奉赤伏符詣進於王曰劉秀發兵捕不道四夷雲集龍門野四七之際火為主羣臣於是復進奏曰受命之符人應為大萬里合信不議同情周之白魚曷足比焉今上無天子海內淆亂符瑞之應昭然著聞我王宜答天神以塞羣望蕭王於是准言命有司設壇場於鄴南千秋亭五成陌軍卒得令笑喜不勝即望南郊築壇建起高亭四圍結綵中建御座以黃包

網緝鋪於金龍椅上前焚寶鼎後展繡屏完畢至縣復命六月己未文武百官各整朝衣象笏先臨壇所立待早朝有詩為証 驄馬五更寒披衣上繡鞍東華天未曉明月滿關干

第八十回 五夜禁寒扶帝王

卻說馮異耿純姚期馬武等眾將各先肅侯壇外待駕登殿是日蕭王車至諸將扶上千秋亭蕭王令列香案於前親祝告天祝曰 皇天上帝后土神祇眷顧降命屬秀黎元為人父母秀不敢當羣下百辟不謀同辭咸曰王莽篡位秀發憤興兵破王尋生邑於昆陽誅王郎銅馬於河北平定天下海內蒙恩上當天地之心為元元所歸識記曰劉秀發兵捕不道卯金修德為天子秀猶固辭至於再至於三羣下僉曰皇天大命不可稽留秀敢不敬承 祝罷眾將扶上寶位鴻臚唱唱山呼文舞揚塵拜舞齊伏金階聽宣敕命改年為建武大赦天下眾將功臣各受贈封帝令文武功臣各插金花於殿侍宴眾臣聽罷欣然即從一齊戴上手捧金杯跪於帝前告曰陛下新登寶位臣等無可稱賀敢獻野芹杯酒以表君臣之義願我王萬萬高壽永撫黎民帝大喜曰朕居是位俱賴卿等匡持而致今日之顯言訖即下位令各侍於兩傍有詩為証 侍臣各顯廟廊材齊祝君王萬壽杯酒灑金波浮日月歌聲喜氣一時回殿前侍酒浮香醪高品傳修宣善珍聖主御筵猶未飲便令頒賜及儒臣

總評

帝王順天應人之日正男子垂青書帛之時也觴祝萬年功成汗馬濟濟英極一時之盛不圖今日復觀漢官威儀後此者弗可及矣

卷五

第八十一回 赤眉鄭北扶盆子

卻說赤眉樊崇等西入長安至鄭進謂劉盆子兄劉恭曰更始荒亂政令不行故使將軍得至於此今將

軍擁百萬之衆西向帝城而無稱號名為羣賊不可以久居不如立宗室挾義誅伐以此號令誰敢不服遂令衆將於鄭北高設壇場選日立帝六月三日衆將擁護盆子上壇南面而坐文武皆唱山呼時盆子年十五歲原在軍中主家牧羊被髮徒跣傲儲汗今見百官拜舞心懼恐怕欲啼兄劉茂謂曰陛下休驚此乃天之當分為萬民之主何故憂懼即與總警半頭赤幘乘軒車駕大馬四圍絳帳遮護退居閒室猶從牧兒遊戲崇雖起勇力而為衆將所宗然不知書理難任相位時徐宣乃故縣人也原為獄吏能通易經共推宣為丞相崇為御史大夫逢安為左大司馬謝祿為右大司馬文武羣臣各封贈訖卻說鄧禹領蕭王之命自箕關將入河東河東都尉守關不開禹攻十日破之獲其輜重千餘乘進圍安邑數月之久未能攻下更始大將軍樊參聞知禹圍安邑乃引大軍五萬人度太陽攻禹人報知鄧禹禹曰狼野小賊安敢犯境即遣諸將分兵對陣樊參出馬謂禹曰更始未有負汝何得反劉秀為帝今又起軍侵犯吾境欲盡爭乎禹曰本圖大事者劉秀兄弟東蕩西除破滅奸賊於亂世中創成基業讓彼為君今更始荒政不理故使汝等賊心日熾串合赤眉假立盆子為帝欲奪漢室江山今再不斬汝等更待何時樊參大怒躍馬提刀直取鄧禹急率諸將出陣兩邊混戰金鼓齊鳴樊參敗走禹率兵趕至解南衆將四圍擊殺大破之斬參首於地敗卒各逃禹遂收軍下寨卻說更始知赤眉立劉盆子於鄭使定國公王匡陳牧成丹趙萌屯新豐李軍共兵五十萬衆往鄭攻伐時張昂廖湛胡殷申屠健等與御史大夫隗囂議曰今赤眉扶立盆子為君將雄兵勇更始勢難難以支持又且累行不仁之事荒政虐民吾等早思長計莫待後悔無及可於立秋之日乘其祭社未備吾等劫殺更始會合赤眉兵入長安共佐盆子則不失乎功名之望又且為於子孫長久之計也大夫若何去國就亂何見之昏也隗囂大喜曰吾亦有是意但未會公等約議不敢決行正話間忽侍中劉能卿知覺即往前殿告知更始更始聞言大驚數曰恨目不識奸佞

久容賊子唆謀疾害忠良之將而今日果俟釁起言罷退殿託病不出至次日天曉召張昂等欲盡殺之昂等皆入問疾惟隗囂不至更始狐疑謂衆曰吾召汝等必有事幹何隗囂不至張昂答曰陛下少怒隗囂隨後即至更始曰汝等四人且於外殿聽候待齊同入朕有事付四人遂退張昂廖湛胡殷見更始言異疑恐有變即突出外殿而去獨申屠健在內更始知急傳令將健斬首健告曰小臣無罪陛下何故變心致臣於死更始曰朕無負汝何與衆謀造反不容再說令武士推出斬訖卻說張昂廖湛胡殷三人勒兵叫叛劫掠東西財庫至晚舉火燒門大戰於營中更始大敗次日令安車騎百乘將妻子載上東奔趙萌新豐而去更始復疑王匡陳牧成丹與張昂等同謀乃傳旨召入陳牧成丹隨名至殿更始令將擒下二人並皆斬之王匡知懼將兵入長安與張昂等合擊更始急同趙萌領兵五萬共攻匡於城內兩軍混戰賊殺匡等敗走趙萌趕上王匡躍馬出城奔投東走而去更始收軍徙居長信宮

第八十二回 帝救關西拜鄧臣

卻說鄧禹於關西解城陞帳獨坐忽帝使者持節至令人報知鄧禹鄧禹急出迎接至衙內即安排香案整筵聽宣詔曰 制詔前將軍鄧禹深執忠孝與朕謀謨運籌於帷幄之中決勝於千里之外孔子曰自吾有回門人日親正此謂也今朕有將軍山河且復自與將軍野王分別掠服冠軍軍再至於鄙諸將不時逼請是六月己未不得已而即帝位也向託將軍西伐歷苦勤勞斬將破軍山西平服功名遠著德譽已垂百姓不親五品不遜汝作司徒敬敷五教在寬今遣王都尉授印綬封為鄴侯食邑萬戶汝敬之哉故茲詔示宜就毋違 鄧禹接詔拜舞禮畢即令使者曰鄙是日親率大兵五萬渡汾陰河入夏陽進攻赤眉卻說更始中即將左輔與都尉公乘欽會同十萬大軍共進攻禹至汾陽河兩軍相遇鄧禹出馬問曰汝何將士敢來阻路早伏受降保汝重用左輔曰更始知汝反漢共立劉秀為帝故遣吾等特來討伐

還敢巧飾惑我忠良言罷躍馬輪刀大叫衆將掩殺鄧禹急率諸將出陣兩軍混殺金鼓鳴天左輔等大敗撥回馬走鄧禹催軍趕上追殺數里未及即罷回兵有詩為証 汾陽河遇戰中即戟列鋒芒耀日光殺氣騰空陰霧蔽威聲震野賊兵藏

第八十三回 王匡結賊侵更始

卻說赤眉樊崇等起軍至高陵忽聽砲響一聲山坡後一隊軍兵當頭一將金甲銀盔長槍白馬手執降旗上寫定國公王匡迎順樊崇急出下馬施禮謂曰遠勞將軍至此少獲迎接乞勿見咎匡曰將軍扶德伐暴天啟人歸吾久欲起兵接應共佐明君奈天未假願今聞將軍兵至故伏道相迎萬乞姑納為用倘名成就雖泉下亦相戴矣崇曰將軍文武拔萃何故是謙今幸不屈英才肯護孤獨豈敢背逆而忘哉言訖二人大笑遂合兵共連而進入報更始更始大驚急令李松領兵三萬出城迎敵兩軍排列陣勢金鼓齊鳴王匡出馬謂松曰更始殘暴日肆誣斬忠良汝尚何苦力護而取辱哉李松大罵背義匹夫不思更始與汝王侯之位貪心猶未滿足交串賊兵欺天反王三合斬汝以酬君恨王匡大怒躍馬直取李松奮挺長戈衝陣對敵二人交鋒共戰十合王匡敗走李松躍馬趕上樊崇見匡敗走急出助戰二人亦交十合不分勝負再令搗鼓又戰十合樊崇詐敗李松追殺趕至山坡樊崇大叫王匡等諸將十萬軍兵齊出四下夾攻李松將寡遮抵不住勒馬回走樊崇卒兵趕上王匡兜弓搭箭望李松奮射中馬而倒樊崇急近拿住令軍綁縛囚陷餘卒皆降崇等乘勝促兵攻城至東門把守校尉乃李松之弟李汎亦眉令人謂之曰今吾主將樊大將軍拿縛汝兄李松囚陷於車汝若早開門獻則活其命倘再抗拒汝兄難活汎聞即開門降獻九月赤眉入城人報更始言李松出陣被赤眉大將樊崇活捉復進攻城把門校尉李汎開降赤眉都已入城陛下急將何治更始聞言大驚心惶無措急跨上馬單騎奔走從國城門出妻妾婦女

隨後哭趕連聲呼曰陛下既欲出逃當下馬謝城而去更始即下馬望城泣拜復上馬而去卻說朱鮪復聚兵於洛陽殘害百姓苦虐軍民帝遣大司馬吳漢朱祐岑彭賈復堅譚等十一將軍領軍五萬進擊洛陽各遵旨命去訖卻說更始棄城奔至高陵妻子裸袒流落道途帝聞之大驚心甚憂憫乃遣使下詔封為淮陽王詔曰朕嘗力諫皇兄不自省察奸佞而果賊讐相凌禍起蕭牆悔思無及今赤眉攻迫棄位舍城妻子裸袒於道旁妾婦流落於村徑朕聞塗炭甚切憂思故茲頒詔飛臨封授淮陽王職再諭吏士人等敢有仍前故違詔旨暗相誑害者罪同大逆故茲詔諭宜悉宣知 更始正於城衙獨坐悶想嗟呀忽人報曰帝遣詔至請大王出接更始急急排香案整笏接入俯聽宣讀仍依君臣禮行拜畢衆將擁扶就職卻說吳漢等諸將領軍至洛陽分兵圍伏令人報知朱鮪言吳將軍四圍排布陣勢兵如鐵束將軍縱能插翅騰飛今番決要拿斬將軍若早降不失原職如不願從禍臨眼下朱鮪聞言默默無語遂開城出降接入漢兵至衙安撫百姓十月癸丑帝親駕入洛陽吳漢岑彭賈復朱祐堅譚等十一將軍引朱鮪降者齊出迎接朱鮪進曰小將罪該萬死乞陛下仁恩宥恕帝大喜遂封鮪為洛陽太守鮪頓首謝恩各護車駕入城幸南宮見殿宇損壞令堅譚監著校尉整造官府而於是定都卻說鄧禹於汾河擊走左輔等時劉盆子兵過肆暴殘虐吏民百姓不知所歸鄧禹乘勝獨克而師行有紀皆望風相伏而迎一日之間降者以數千計衆號百萬軍會合即行禹遂止之輒停車馬以撫勞百姓鄉村父老童稚垂髮戴白之人滿車下莫不感悅於是鄧禹名震關西諸將豪傑皆進告勸禹曰今赤眉已占長安擊走更始將軍可亟進兵莫待養銳鋒益難與禁持禹曰不然今吾衆雖多能戰者少前無可仰之積後無轉饋之資赤眉新拔長安財富充實鋒銳未可當也然其盜賊羣居無終日之計財穀雖多變故萬端豈能堅守也哉今聞上郡望地安定三郡土廣人稀穀多畜衆吾且休兵往北就糧養士以待赤眉勢敗乃可圖也遂不聽諸

將之言引軍往北進發行至柵邑凡經過各郡邑皆開門歸附西河太守宗育聞兵至即領三萬大軍出降鄧禹大喜遂令合兵一處卻說帝於洛陽憂思關中未定而禹久不進兵乃遣使齎敕往北催鄧禹急取長安敕曰朕聞司徒鄧將軍德報諸郡可並克也今亡賊不攻則同桀也前者朕託關中於將軍則天下重事悉從所發奚何舍政而竊小哉長安更始自赤眉侵入棄妻逃走吏卒人民惶惶無倚宜速進兵剿除寇攘解百姓之倒懸係萬民之心望一慰朕躬之思二利兵家之快今則久駐他邦騷州擾縣而自專據何其理乎故茲勅諭宜即加兵倘再延推欺慢上意垂示不又鄧禹開敕讀罷微笑曰主上豈知吾意竟不從言遂分遣將兵且攻上郡令馮愔宗歆守恂邑二人爭權一齊上馬持戟相攻共戰十合宗歆敗走馮愔趕馬趕上大唱一聲斬歆於馬下回至縣衙勒兵反漢復進攻禹禹急令使往洛陽奏聞帝主使者至帝宣入問使者具奏所事帝曰愔所親愛者何人對曰護軍黃防極與善文帝愔防二人不能久和勢必相忤即令使者回報言殺愔者必黃防也乃遣尚書宗廣持節詐降馮愔廣領命上馬即往行至柵邑令人報知馮愔馮愔大喜急出迎接邀入衙內禮坐謂曰公若竭力相扶創成功業富貴共之廣曰蒙君不棄當死相報豈庸常哉至經月餘防果執愔奔於洛陽獻帝帝大喜乃赦其罪卻說劉盆子居於長樂宮諸將日會各爭論功交頭接耳亂擾席前並無一人畏服至臘日崇等設宴大會請盆子坐正殿中黃門吏卒持兵跟護其後文武公卿皆列坐殿上令女樂筵前歌舞品竹調絃酒未至中一人出一書簡言欲謁賀其餘不知書者皆起請為書名各各屯聚席前更相背向忽大司農楊音按劍罵曰諸卿皆老傭也今日設君臣之禮故下擾亂不遵法律兒戲尚不如此何以對君飲乎皆宜格殺衆人聞說競相班鬥各奮持兵互相殺傷無數殿上盆子莫能止之衛尉諸葛揮閉之遂勒兵入殿殺百餘人方纔定息盆子惶恐日夜啼泣獨與中黃門同榻共卧但得內觀主閣而不聞外事若向時掖廷中宮

女數百千人自更始敗後幽閉殿內乏糧無食掘庭中蘆服之根或捕池魚而食有餓死者因相埋於宮中忽劉盆子至各伏階前泣相告曰陛下登位妾等數百千人幽閉宮中無食忍餓死者不可勝數乞陛下仁憐救妾衆人殘命盆子聽罷頓足嗟歎遂令中黃門給米每人數斗各皆叩首謝恩後盆子去悉餓死宮中不出

第八十四回 盆子哀臣避赤眉

卻說劉恭見赤眉衆亂知其必敗自恐兄弟俱遭所禍密教盆子解下璽綬與衆辭讓告歸盆子欣然即從建武二年正月朔大會諸將劉恭先謂崇等曰自蒙諸君共立恭弟盆子為帝德誠深厚奈且未週一戴混亂日甚想不足成大事恐命死於他人之手反無所益也願退為庶人無窮感戴崇等聽言頓首啟曰此皆臣等罪也願勿疑慮恭復堅請崇曰衆立天子為民生之主撫育四方今式候固為請拒寧欲事乎恭大慚而退盆子乃下龍床解璽叩頭告曰今諸郡縣官遣吏貢獻糧物而盜賊依舊輒見劫奪流聞四方莫不怨恨不復信也向且所立皆非其人不由所願今竄乞骸骨歸鄉以避殺害之難乞諸君哀憐耳言訖淚下而哭崇等諸將莫不哀憐乃皆頓首告曰臣等無負陛下何苦憂思請自今以後不敢復肆縱欲因共抱持盆子扶上寶位帶掌璽盆子號呼不得已而受之既罷各出盆子閉宮自守從此日起三輔諸將翕然無競皆稱天子聰明智度百姓人等爭遠長安市里纒滿二十餘日赤眉貪嗜財物復肆前兇混相劫奪城中糧盡放火焚燒宮室遂載寶物引兵西過祠南郊車甲兵馬最為猛盛衆號百萬盆子乘王車駕三馬從者數百騎望南山進發行至郿城更始大將軍嚴春知引兵三萬出城對陣盆子曰何人出拿此賊樊崇高聲應曰小臣願往言罷飛馬而出兩軍擺列陣勢金鼓齊鳴二將交馬約戰十合嚴春敗走樊崇躍馬趕上大唱一聲連人帶馬斬為兩段殺散衆軍遂入安定北地至陽城逢大雪坑

谷皆滿士卒凍死者數百多人勒兵復還毀掘坟墓劫取重寶汚辱呂后之屍侵掠生民貪無厭足鄧禹知其自亂急引兵進擊南至長安駐軍昆明池大饗士卒一日陞帳召諸將謂曰吾欲選日親詣高帝之廟以祀十一帝王之柩汝等眾人各要齋戒共入共祭眾將俱諾遵命而退次日鄧禹沐浴潔整朝服往謁神位諸將各各淨身跟護入廟祀畢禹令使者收起十一帝柩送詣洛陽使者遵命即日起奉去訖禹遂引兵進擊延岑至藍田兩相撞遇延岑出馬頭頂金鳳盔雉毛纓身披絳紅袍白銀甲手提方天戟坐下赤色馬立於陣前大叫劉軍搦戰鄧禹出馬謂曰汝知漢司徒鄧將軍否岑曰小雞豚書何足為羨鄧禹大怒急率諸將進擊各排陣勢擗鼓搖旗兵戈戟接人馬相衝延岑大喊一聲攪軍混亂鄧禹見勢將敗急收軍走延岑亦不追趕鄧禹奔至雲陽忽小軍報曰前有两員大將一人紅袍白甲雉尾銀盔手執丈八長槍坐下紅鬃鐵馬一人白袍金甲雉翅鎗盔手執降魔鐵杵坐下燕色馬驍勇軍數萬截住去路如之奈何鄧禹聞言大驚親自勒騎向前望見紅袍鐵馬者乃漢中王劉嘉也禹遂高聲叫曰來日莫非漢中王劉將軍乎劉嘉聽說慌忙下馬施禮謂曰將軍為何至此鄧禹遂將長安赤眉及諸處所敗之事逐一訴知劉嘉大驚復問鄧禹曰主公事勢若何禹曰自赤眉起入長安遣吾關西守禦後再未同一會今帝位於高而遷都於洛陽矣劉嘉大喜各叙間別之情劉嘉遂引李寶相見禹問嘉曰此將軍何人也嘉曰丞相李寶是也二人遂施禮畢劉嘉令合兵邀入城衙安歇住經數日李寶常恃相位之高凡見禹等諸將倨慢無禮一日鄧禹會集諸將於廳衙議事寶亦自尊禹曰同僚相遇何得是倨寶曰吾居相位除使君王之外誰敢與並職乎禹曰吾受公侯之位兼領大司徒之職尚未敢倨自尊汝乃自僭其位未沾上命所賜安敢與吾並立而玩法哉言訖唱令左右擒下斬首劉嘉力勸不從推出轅門斬訖寶弟李珍知禹戮殺其兄即點兄部諸將交攻擊禹殺其將軍狀訴禹思兵寡不與拒敵乃拔軍走入高陵而去

禹自馮愔反後威名漸損又乏糧食軍士飢餓難忍者皆殮粟米聚與賊兵交戰不利歸附者日益離散禹甚憂切慚愧思無計奈遂令使者報聞朝廷取兵助擊使者領命上馬而去卻說帝姊湖陽公主新居孀寡一日帝於後殿請出問曰吾欲選擇賢臣匹配尊姊庶免久居隻鳳獨宿孤鸞姊意何如答曰恐無賢德莫若自守帝曰朝臣英佐隨意所觀主曰惟大臣宋公威容德器羣臣莫及帝遂設朝令主坐於御屏風後召宋弘至殿謂曰諺云貴易交富易妻人情乎弘曰臣聞貧賤之交不可忘糟糠之妻不下堂臣家有前妻不敢再娶帝聞弘奏嘆曰真義士也遂不復強乃顧謂王曰事不諧矣

總評 盆子一劇大是可觀恨今日登場者不能演出此景

第八十五回 未破赤眉重拜將

帝見宋弘謹執綱義即加陞為大司空弘叩首謝恩而起忽一人趨殿奏曰鄧司徒遣使來至久待午門之外未敢擅入乞吾王傳旨帝令宣入至殿問曰來使何為答曰鄧司徒自馮愔反後與赤眉等戰敗走入高陵又無糧食士馬飢亡歸附者日益離散特遣小使報知天下乞早發兵相助乘赤眉之亂而進擊破之莫待復聚難與相持乞陛下聖鑒帝聞奏令使先回報說隨後發兵來助使者慌忙叩首謝恩而出帝召偏將軍馮異至殿謂曰今赤眉侵入長安勢大難敵故鄧司徒累被所敗不能一勝朕託將軍勒兵相助願為竭心攻擊若破除賊後沒世不忘異曰臣蒙陛下厚恩無能可報今既所託雖死亦可也美敢望速而憚勞哉言罷遂出點兵十萬俱披重甲堅盔長槍硬弩砲響一聲出城上馬旌旗蔽野殺氣騰空步卒馬兵千里不絕帝親乘車駕送至河南乃敕之曰三輔遭王莽更始之亂重受赤眉延岑之害萬民塗炭百姓禍殃激勸他方無所依訴今將軍奉辭討諸陰謀反掠不道如小賊聚寨降者令其首帥先至京師見朕散其小民各就農業壞其宮壁無使復聚征伐擾亂鄉方且今託將軍所事非必略地屠城要在

平除賊盜安撫民庶朕昔部下諸將非不能健鬥取勝然好勇敵不在安集將軍素有濟世養民之才故
託所往莫為勞苦所厭而空負朕願馮異頓首受命拜別引兵西行所過州縣羣賊皆稱將軍望風偃伏
降者數千人卻說鄧禹敗至高陵日夜憂切一日獨於廳上悶坐忽人報曰使者回來未敢擅入乞將軍
傳令禹聞報急令喚至問曰見帝若何使者答曰帝令小人先回隨後發兵來助鄧禹大喜令使退忽人
報聖旨到鄧禹即排香案跪伏聽宣詔曰 人情得足若於放縱快須臾之愆忘慎罰之義惟將軍業遠
功大德著名垂誠欲傳於無窮也今日累戰賊兵身經萬苦日披堅甲夜枕寒戈朕甚愍切故茲特詔遠
安慎毋與寇爭攘亦眉無毅自當來服朕以飽待飢以逸待勞折箠之非諸將憂也無得復妄進兵將
軍可急還朝同評國政則朕無憂於萬一也臨楮拳拳無復再示 鄧禹聽宣拜畢甚慚受任而功勞不
遂再點飢卒復至長安與賊累戰不利乃還軍悶坐卻說馮異軍至華陰與赤眉約期會戰異召軍中壯
士數百人謂曰汝等變更衣服與赤眉一樣妝束埋伏道旁待兵交戰齊出接應使赤眉混亂不知方可
破矣壯士遵命去訖忽人報曰赤眉萬人圍擊前部將軍急發兵助異曰無妨遂少合數百人馬出救賊
見異兵寡弱盡起同攻異見赤眉俱出親領大軍撞入其陣與樊崇交馬二人共戰十合崇敗回走馮異
趕上攬陣混殺戰至日中賊氣衰倦馮異舉旗一展道旁伏兵齊起衝陣混攬衣服相亂赤眉不識別將
只道已兵放心前戰來者盡遭所殺眾遂驚潰各相逃去馮異追擊趕至灑底大殺一陣斬首數千級降
其男女八萬餘人樊崇等餘將東走宜陽而去馮異收軍遂入長安城內安撫百姓令使齋表至洛陽奏
聞聖上卻說漢帝一日設朝會眾文武講議國政之事正論間忽一臣趨殿奏曰關西偏將軍馮異今使
進表乞陛下傳旨帝令宣至殿下使者呈上表曰 五百年必有王者興仰聖人之在御大一統而天下
治際景命之維新盡驅寇賊之烟塵誕布幅員之聲教乾坤清肅日月光明欽維皇帝陛下天賦聖神德

八以

全勇智握赤符而啟運仗黃鉞以興師進攻武關黎庶有來蘇之望開基建業英雄識真主之歸顧豺虎
之噬人正龍蛇之起陸爰飭徒旅肅將天威長安薄伐莽賊碎首於漸臺館陶略征銅馬面降於塞野遁
逃驅而河北安諸偽平而荆越定立綱陳紀治具畢張發政施仁民心大悅東南已樂於生途西北尚困
於寇攘推其所由厥有端緒惟彼赤眉眾賊始自窮荒乘更始之釁終突奸羣而崛起以劉盆而干天紀
以犬羊而亂華風崇編髮而章甫是遺秦族姓而曩倫是戮逮於既嗣尤為不君羣賊欺其昏弱亂政擅
權百姓累遭深害劫奪財物朝廷之政不綱英雄之志斯奮兵連寰宇禍結中原是用弔伐以拯顛危延
舉安攘而靖亂略事非獲已謀乃僉同顧惟一莽之匪才忝受總戎之重任臨軒授鉞俾救民於水火之
中分閭握機幸折衝於樽俎之外旌旗靡而關西下金鼓震而淮陰平龜池盡曳其兵高陵竟崩厥角風
驅雷轟電掣星馳鎮戍潰而土崩禁衛嚴而瓦解亦眉各竄於窮邊君臣相謀於遁逃朝集內殿之妃嬪
夜走北門之車馬臣等勒兵已入其都城奉宣德威以安黔黎盡收圖籍而封府庫列郡之謳歌四集百
年之汙染一新驅馳雖効於微勞方略實遵乎成算所以聿彰鴻烈者定武功東滄海而西崑崙南雕題
而北窮髮無有遠近莫不尊親王帛會軍書同興太平之禮樂人紀修風俗變正萬世之綱常臣馮異頓
首百拜謹奉表上聞 帝覽表讀罷大喜嘆曰此子誠有濟世安民之才輕兵一舉即蕩微塵遂遣使齋
璽書拜異為征西大將軍及樊豐具名使者即上馬行至長安東門停下令人入報馮異正於堂上玩讀
兵書忽小軍報曰聖上有旨馮異令軍即排香案上馬出迎接入衙內俯聽宣讀詔曰 始雖垂翅回谿
終能奮翼澠池可謂失之東隅收之桑榆朕初託鄧將軍討賊累與交鋒未克取勝今將軍一舉即破天
荒豈不猶鳥之垂翅而終解奮飛人之未遂而晚當成也朕蒙表達喜躍不勝惟念將軍平除寇攘士卒
苦勞故遣使齋封璽綬拜為征西將軍之職及勞撫諸軍寇害既平宜急返故茲昭示想悉宣知 馮異

聽宣拜畢令使回朝眾將齊相慶賀大排筵席宴勞諸軍卻說漢帝聞知赤眉餘眾走入宜陽會集文武共議御駕親征以姚期為先鋒鄧錡為副將王霸堅譚為左右護駕大將軍點起雄兵六萬戰將百員帝傳旨軍中前途不許騷擾民土擄掠財物如違者即斬眾軍卒各遵聽諾是日上馬出城帝乘龍鳳車駕大馬四圍珠簾遮護上以阜益青羅手執玉圭足穿珠履前呼後擁左御右扶凡所經過州縣士民官吏遠遠歡迎旄倪觀者伏滿兩傍無不感悅行經數日至近宜陽令人報知赤眉樊崇等聞言惶惶震怒不知所謂急相議曰劉秀兵強將勇吾等弱寡衰微若再與拒決難取勝莫若拜降歸順以免士卒之勞眾聞崇言答曰將軍言者是也乃遣劉恭先出乞降恭即出拜至駕前跪伏告曰盆子將百萬之眾自縛降順陛下何以待之帝曰既能早省待之以不死耳恭遂叩頭回報言帝寬洪之事眾皆大喜崇等遂與盆子及丞相徐宣以下三十餘人肉袒拜降所得傳國璽綬及更始七尺寶劍玉璽等物悉將獻上帝大喜令諸將護駕入城安撫百姓賞勞眾軍帝見宜陽西城積聚兵甲與罷耳山相齊遂令本縣尉子給食與十餘萬人皆得飽飯明日將兵器大陳操演至次日帝駕車親引諸將臨洛水操練令盆子君臣列於兩旁觀看帝謂盆子曰自知當死否盆子叩首進曰臣罪應死猶幸陛下相憐姑赦之耳帝笑曰朕與汝同宗室豈無釋之者乎又謂崇宣諸將曰汝等莫悔降乎朕今遣汝歸當勒兵鳴鼓與朕相攻決其勝負不欲強相服也徐宣等叩頭告曰臣等出長安東都門君臣計議歸命聖德則百姓樂安萬民喜仰今日得降聖主猶去虎口歸慈母誠懼誠喜無所恨也乞陛下仁恩寬宥帝曰卿所謂鐵中錚錚庸中佼佼者也又曰諸卿大為無道所過皆夷滅老弱溺社稷汙井竈然猶有三善攻破城邑周徧天下本故妻婦無所改易是一善也立君能用宗室是二善也餘賊立君迫急皆爭先降自以為攻諸卿悉能完全以付於朕是三善也言訖遂封盆子為趙王令崇等諸將各與妻子居住洛陽每一人賜宅一區共曰二項眾將叩

首各謝恩去帝亦還朝於此尤見光武大度既降服赤眉先折以威後揚其善所以十餘萬人皆誠服而無後患也有詩為証 御駕親征出且陽赤賊聞風伏地降更賜良田歸宅院仁君自是智汪洋

總評 高祖入關中秋毫無犯光武征赤眉戒士卒無爭擄掠亭長開基白衣創業俱從下手處得要者也

第八十六回 復攻反賊得興師

卻說劉永更始時立為梁王更始敗後據國起兵以董憲張步為大將軍專據東方自稱帝於睢陽復立憲齊海西王步為齊王故南事梁楚而步得專集齊地據郡一十二焉帝聞急召虎賁大將軍蓋延至殿謂曰睢陽劉永反稱為帝東據一十二郡朕欲託將軍往伐救拔萬民將軍若何延聽言欣然答曰臣即願往帝遂與兵十萬親送出城囑之曰將軍此行則東方之土悉付卿身賴為竭力匡護延曰此乃臣之當分不勞聖慮遂拜別上馬前望睢陽進發行將至近到一平坦大坡令軍札下營寨來日對陣卻說劉永一日會集諸將於廳議事忽人報曰洛陽漢帝差遣大將蓋延領軍十萬來取洛陽已在十里山坡下寨請大王將何如治劉永聞言大驚慌手無措小軍又報漢兵臨城請大王急發兵拒永遂披掛同大將蘇茂領軍五萬出城迎敵兩軍相對蓋延出馬劉永曰汝據北方西郡吾守東方向得率兵犯境而討死乎蓋延大怒罵曰背主逆賊更始以汝為王心猶未足今又反漢自稱為帝竊掠州郡不思賤賊微身豈能當受天子之分三合斬汝以絕劉氏之患言罷挺戈奮馬直取劉永二人交鋒約戰五合劉永敗走蓋延趕上蘇茂挺鎗截住兩軍混戰金鼓齊鳴二將亦交數合蘇茂抵敵不住回馬急走蓋延率兵趕擊追至城下水遂收軍走入城內堅閉不出蓋延分兵圍之守經百日延兵盡收糧谷城中乏食永茂夜開西門出走蓋延趕上截住劉永勒馬復戰未及三四合被蓋延奮砍一刀連人帶馬削為兩段蘇茂見勢不

利保護永子劉紆奔東而去蓋延收軍復至城下永弟劉防舉郭獻降接入漢兵扶蓋延於街端坐防伏於前頓首請罪延遂殺之卻說蘇茂保護劉紆行至新縣與周建等共立紆為梁王四年春月蓋延引兵復擊茂聞即奔海西王董憲處去卻說平敵將軍龐萌為人謙卑遜順帝甚信愛之嘗稱曰可以託六尺之孤寄百里之命者龐萌是也因使與蓋延共擊董憲時有詔書下延而不及萌萌以為延有譖己之心使不詔救自疑遂反襲破延軍與董憲連和自號東平王帝聞之大怒乃自將討萌即遣使與諸州將士書曰吾嘗以萌為社稷之臣將軍得無笑其言乎老賊宜速誅之諸將接書各厲兵馬會於睢陽待帝臨擊是日漢帝令前將軍王梁勒兵十萬御駕親征砲響一聲齊奔上馬擁護御駕出行赤幟霞天金戈耀日既至先入桃城安歇卻說董憲聞帝自討龐萌乃與劉紆引兵去下邳還蘭陵助萌共擊漢帝合兵三萬急進攻城帝知留下龍車輜重自引輕騎三千步卒數萬夜赴任城而去其地相隔桃城六十餘里次日諸將奏曰賊兵所來者氣勢弱寡陛下可宜速攻莫待延聚眾益難與爭持令若一下則破於反掌矣何慎之哉帝曰賊兵精壯不可輕敵且休士養銳以挫其鋒待眾方集則可動兵城中百姓人等見漢帝駕至眾心懼悅益固堅守時大司馬吳漢捕虜將軍馬武漢中將軍王常討虜將軍王霸等俱在東郡帝遣使召之使者領旨飛奔上馬而去卻說龐萌知帝夜走任城悉起大兵進擊至城下分兵圍住連攻二十餘日不能得下眾將軍士悉皆疲困是日吳漢等兵至且入桃城安下次日進軍分作兩路並入帝聞縱兵而出前後合擊萌軍大亂馬武撞入陣中正合龐萌二人交馬鬥無三合龐萌敗走眾軍一齊混戰喊殺連天董憲蘇茂等急走胸山縣去丟下劉紆一人不知所歸被軍士高扈斬首來降吳漢等率兵再趕追至胸山城下分兵圍擊萌等堅閉不出困經半月之餘城中糧盡無計可奈董憲曰食盡不可虛守兼且漢兵驍勇難與對敵莫若夜開西門走奔東海再作區處眾將皆諾至夜二更憲令軍士飽食上馬

潛步開門出未將半有人報知吳漢漢急分兵截擊龐萌正望山坡前走忽聽砲響一聲馬武王霸領軍當頭截住萌回後走吳漢王常等趕至前坡後擊左突右衝龐萌拚命殺出被馬武攔住約戰兩合馬武提起青銅刀望龐萌腦後一砍削為兩段董憲乘勢衝出吳漢趕上大喝一聲殺於馬下蘇茂高叫將軍休戰小將願隨鞭撻吳漢遂令龐陣蘇茂跳下跪伏馬前告曰小將罪該萬死望將軍姑恕吳漢大喜遂令合兵一處於是吳漢平定江淮山東等處聲震東都是日班師擁駕回京而去

第八十七回 勒馬討兇安社稷

卻說馮異自入關中赤眉平定而眾寇猶盛時涿郡太守張豐反與彭龐等連兵擊異且戰且行屯兵上林苑中延岑自稱武安王欲據關中引張卬任良等大軍五萬趕至上林攻異兩軍對陣延岑出馬馮異罵曰狼野小毒敢望大食不思赤眉勢若利鋒尚自面縛拜降汝乃山雞野雉敢與靈鳳爭巢早伏受降免擒碎首延岑大怒提刀直取二人交馬共戰十合延岑敗走馮異趕殺張卬挺矛截住戰不三合忙走不禁任良出馬亦不三合敗陣飛走馮異率兵趕上大殺一陣斬首千人延岑張卬任良等將俱各逃走諸營保守突護延岑者皆伏馬前高叫將軍小卒願降馮異大喜遂收兵安寨卻說延岑等走至長岡聚會殘兵尚得二萬餘即行攻析異知急遣復漢將軍鄧曄輔漢將軍于匡分軍五萬往擊二將領命各披甲上馬前行鄧曄青袍鎖甲白馬紅纓頭頂白銀盔手提方天戟于匡紅袍白甲赤馬青纓頭戴金練盔手執昆吾劍騎兵步卒各執輕戈行至析縣兩軍相遇延岑出馬大叫小將對陣鄧曄于匡二人分兵並出不與打話令卒擂鼓兩脇夾攻左衝右突攪軍混戰鄧曄殺至陣中撞遇任良戰不兩合被曄一刀砍於馬下延岑見勢不利勒兵奔走曄于二人趕上大殺一陣斬首千級逼其大將蘇臣等八千餘人忙下拜降鄧曄大喜遂合兵入縣暫歇卻說延岑自武關走入南陽時百姓飢餓死者不可勝數生者則割

死者之肉充飢人相食人黃金一斤止換豆粟一斗道路斷絕糧稅不輸軍士悉以菓物而食帝聞遣使持節至南陽拜趙匡為扶風侯令其安撫百姓及整潔軍糧趙匡承賜即將大兵五萬及軍馬糧草往助馮異異知急出迎接遽入帳下施禮謂曰吾兵正在渴中蒙君助濟暗室生輝匡曰將軍威揚四海德澤萬方掃羣賊若蕩微塵清中原猶同拾芥愚下識短才疎無能智決故不愧兼葭倚玉而投事將軍倘沐優容則執鞭亦無恨矣異曰將軍故反言乎二人大笑遂令設宴相待馮異兵食漸盛有豪傑不從令者往攻擊之降附有功勞者褒賜之遣其新順諸將赴京城見帝散其小民各歸農業由是威著關中有詩為証 有志少年場輕移寇虜亡關中雷電震凜凜翰遺香

第八十八回 請兵伐暴極時危

卻說耿弇憂切四方擾亂競稱王軍卒苦勞人民怨望一日趨殿從容奏於帝曰關中赤眉雖定四方僭竊猶多彭龍竊據漁陽張豐反於涿郡富平獲索擾害齊地張步稱王故此掠縣攻城傷民斂卒臣請北收上谷平服諸方民無怨望之心王樂太平之世願陛下聖鑒帝聞奏慨然許之壯其威勢乃曰將軍誠有佐國之心安民之志即令勒兵五萬親送出朝耿弇拜別上馬前行至漁陽離城五里下寨彭龍知急披掛上馬引兵三萬出城迎敵兩軍相對耿弇出馬龍曰無名小寇故來犯界以討死乎耿弇大怒罵曰豚犬豎子不識英雄之名敢竊疆土兩合陣上碎首微塵彭龍大怒挺槍直取弇令擂鼓催軍進擊兩馬相交約持三合彭龍敗走耿弇趕上混殺一陣斬首數千餘級伏屍遍野血漲平坡彭龍大敗走奔軍都而去卻說征虜將軍祭遵屯於良鄉驍騎將軍劉嘉屯陽鄉會起軍協同攻龍共兵二十萬餘騎龍自引大軍五萬分為兩路來擊遵等兩軍相對祭遵出馬謂龍曰豈不聞順天者存逆天者亡夫既賦以如是之人汝豈能與並哉今能早思回首下馬歸服免致軍卒勞苦黎民斂怨一旦不失功名之望而又

顯於祖宗之光莫待火急眉尖噬臍無及龍曰彼丈夫也我丈夫也吾何畏彼哉言罷兩邊擺開陣勢金鼓齊鳴二人交馬約戰十合彭龍敗走祭遵趕上彭龍舉旗一招純引匈奴突出耿弇劉嘉見其兵助亦往衝陣攪軍混戰喊殺驚天匈奴首將突遇祭遵交無兩合撥馬回走劉嘉截住共戰三合復回東走耿弇兜弓望龍腦後一箭射落馬下劉嘉急近斬首彭純亦撞出走耿弇截住戰不兩合活捉彭純餘卒皆伏降順有詩為証 日夜干戈擾塞邊彭即空執銳披堅乾坤有意歸明主何事輕身喪九泉 耿弇等收軍入城至衙坐定眾縛押純推跪階前弇令斬首安撫百姓大設宴會賞勞諸軍弇於席上言曰吾領勅命進攻諸處反寇漁陽龍賊捍投於此感賴二將軍協助破之奈涿郡張豐未下富平獲索未取及齊地張步等處如之奈何遵曰可先下張豐後收東郡宴罷勒兵還攻涿郡張豐聞知勒兵親出對陣頭項金鳳盔身穿烈火袍紅纓白甲玉帶烏韉手執偃月刀坐下追風馬立於陣前大叫小軍搦戰祭遵出馬謂豐曰昔高祖創業當項氏拔山之勇屢戰關闕卒天下猶歸於漢而項氏逼刎烏江竟莫能與相競今汝乃一傭夫耳安望大食正所謂蛟龍未起蝦蟇混時豐曰彼一時也此一時也豈不聞五百年必有王者興其間必有名世者汝雖扶立妖人與吾並驅中土未知鹿死誰手汝乃一村傭小寇豈能料識成敗二合斬汝顯我英雄祭遵大怒提刀直出兩邊擂鼓二馬交鋒共戰十合不分勝敗再令擂鼓又戰十合耿弇劉嘉一齊出馬兩邊夾攻張豐抵敵不住撥馬回走祭遵等催軍趕上四圍掩殺攪軍大混張豐欲衝北出被祭遵活捉餘兵皆降耿弇收軍一齊擁入城去初豐好信妖術有一道士言豐當為天子將五綵錦囊內藏白石繫於張豐手臂謂曰此石中有玉璽豐信任之遂反自稱為王今日之敗則為妖証所惑遵等至衙坐定眾將縛縛張豐推跪階前遵曰不省良言果遭吾手言罷喝令斬首豐曰且休下手錦囊石中還有玉璽遵聽其言以刀破之仍一白石豐乃知術之詐被感陷身仰天嘆曰當死無恨遵曰順

漢若何豐曰將軍若肯姑容願為帳前小卒遵大喜親下解縛張豐頓首拜謝眾將一齊賀功禮畢各歸部帳而去

第八十九回 馬援說奸專智主

卻說公孫述自更始敗後據蜀成都自稱帝位隗囂據隴右馬援聞器好用賢士即往從之其敬重每與馬援定決籌策一日使援往成都觀述之意可共連否援素與述同鄉共里交結甚厚即上馬行既至令人報知述令各入至殿親下階接挽手並行交拜禮畢退於後殿坐叙述曰燈花輝焰果報佳音君不憚千里之勞而輕身下顧頓使蓬華生輝援曰自關中別後曠久音疎未能朝夕親問望希勿咎言罷使援就外館居宿令官侍宴更為援置制朝服冠衣會百官於宗廟中立舊交之位述乘鸞車旌旄擁護速趨而入餐祀禮畢謂眾官曰馬援不棄舊交千里顧盼朕欲封授侯位大將軍之職留其決策以代朕勞眾皆樂然願留援知曉喻眾曰天下紛紛雌雄未定公孫述不能吐哺走迎國士與圖成敗反欲修整邊幅界限如木偶人形豈能久留天下之賢士乎遂辭謝而歸行至隴右入見隗囂各相禮畢問曰將軍見述若何援曰子陽乃井底蛙耳而妄自尊大吾等不如專意東方可圖長計豈遂使援奉書洛陽援即拜別上馬前行既至入朝帝在宣德殿南廡下見援至但以巾幘坐迎笑謂援曰卿遠遊二帝間今見卿使人大慚援頓首辭謝曰當今之世非但君擇臣臣亦擇君耳臣與公孫述同縣鄉里自少相善臣前至蜀觀探述陳戰於階下而後迎臣臣今遠來詢問非刺客奸人陛下何簡易若是帝復笑曰卿非刺客願說客耳援曰天下反覆潛竊名字者不可勝數今見陛下恢廓大度同符高祖乃知帝王自有真也帝聞其喜留宿殿外己丑五年帝遣大中大夫來歙持節送援西歸隴右帝親送出朝馬援頓首拜辭二人淚下分別帝還朝殿卻說馬援回至隴右天色已晚欲待明早入見囂知急出迎接夜與並卧起而問曰東方

傳言京師若何援曰前到朝廷帝引見數十每接私居燕語自夕至旦才名略勇非人敵也且開心見誠無所隱伏詔遣大度從諫如流可與高帝同經學博賢政事之辨萬世無比囂曰卿謂何事可如高帝援曰不如也高帝無可無不可今上好吏事動如節度又不喜飲酒豈但高祖而已賢意不悅謂曰如卿言反復勝耶然信援所言遂遣子隗恂入侍光武援因其往悉將家屬隨恂同歸洛陽既至援引隗恂入朝見帝帝大喜令宿外館援恂解出至館住居數月而無職任援以所居之處地曠土沃賓客往來之多猥良陋窄不足觀瞻乃上書求屯田上林苑中帝許之援即徙遷而去

第九十回 劉君遣將伐驍雄

卻說耿弇祭遵劉嘉等攻破涿郡帝遣大司馬吳漢及建義大將軍朱祐領軍五萬會耿弇等同攻索獲二人領命即往至涿郡與弇等相見合兵三十餘萬各披盔甲上馬前行旌旗雲擁照耀山河行至冀平下寨獲索知急引大兵十萬出城迎敵吳漢分兵五隊列定陣勢獲索首將出馬謂漢曰吾與汝主各據一方並未干犯何得故來侵界以欺人乎漢曰聖主出興萬邪皆滅豈容賊子混世而擾害民哉獲索大怒輪刀直取吳漢令卒撞鼓展動旌旗五路大兵齊出四下掩殺獲索大敗撥回馬走吳漢率軍趕襲追至平原四面圍住獲索困於垓心左衝右突不能得出耿弇張弓撞入陣內望獲索首將力射一箭穿過咽喉落馬而死眾將一齊混戰塵土遮天斬軍殺將屍伏如山餘卒忙跪馬前叫降尚有四萬之數漢遂收軍入城安歇忽人報曰聖旨到耿弇等即急排香案俯聽宣讀詔曰朕聞卿等推堅撫順之方運籌決勝之略北收上谷而平定漁陽取服張豐而滅除彭寵董憲於後僮斬獲索於原郡正所謂舜有臣五人而天下治今諸州已定惟張步竊據齊地未服忿恨尚生當即進討且此賊頑性詭詐多端阻山扼險是真長計攻戰之策諸將軍必籌之熟矣若再頓師宿旅非我之利要在出奇制勝乘機進取一舉而定

再不勞兵可也故茲特諭宜速從命 奔等接詔拜畢謂眾將曰聖旨促兵不可久停遂收降集將吏及郡尉劉歆與太山陳俊共引大軍二十餘萬從東過朝陽橋渡濟河進張步聞奔兵至急召諸將商議今大將軍費邑領軍五萬屯於懸下又令費敢引兵五萬屯伏祝阿自領大軍十萬戰將數員於太山鍾城列營數十餘所以待奔戰勝負如何

第九十一回 大將平齊賓仰伏

卻說耿弇兵渡遇河先攻祝阿費敢披掛上馬分兵列陣叫漢兵搦戰陳俊出馬敢曰無名小將敢來對陣星忙快退叫耿弇答話陳俊大怒罵曰村杲匹夫不識陳將軍之名故來投死言罷激若雷霆挺鎗飛出二人相交約戰十合費敢敗走陳俊趕上混殺一陣費敢大敗引數百殘兵走奔懸下而去耿弇收軍進攻巨里卻說費敢走至懸下入見兄色謂曰頗奈漢軍部內一將自言姓陳甚是驍勇弟與約戰十合槍如飛雨殺我將卒占我城池弟故敗陣走回吾兄將何治之邑聞大驚急將五萬大軍遣敢把守巨里敢別上馬引兵而去耿弇行將至近使卒多伐樹木揚言塞填坑塹以險其軍數日有降者進謂曰邑聞將軍攻此必來救援將軍可謹備之弇曰然也遂嚴令軍中急修攻具曉諭諸部言後三日當盡力進攻巨里人報知邑邑至日果自引精兵三萬來救弇喜謂諸將曰吾所以修攻具者欲誘之耳今果來也即分三千人守巨里耿弇自引精兵於山岡坂上排陣搦戰兩軍相遇費邑出馬高叫漢將不怕死者對陣耿弇出馬謂曰山溪水漲洶湧浮波及至大海則無覓處汝乃一村傭俗子豈能扶冠而成大事費邑大怒挺戈直取二人交馬未及三合費邑敗走弇催軍趕陳俊等一齊掩殺邑軍自混走者各相踐足死者臺墜山溝邑望北衝走被耿弇截住大喝一聲斬於馬下餘卒悉皆逃散弇遂收軍將令費邑首級曉示巨里城中城中軍見各驚惶費敢登城謂弇曰吾願拜降將軍肯休兵否弇曰汝若肯順保為重

用敢曰欲開城獻恐將懷恨而見斬首弇曰大人說話豈有戲耶敢遂開門出接跪伏馬前告曰小將罪該萬死望將軍憐宥耿弇大喜下馬攜起同入城中安撫百姓頓息軍兵有詩為証 駿馬星馳踐北沙劍揮光影掣金蛇奸窮望絕無烽火化作祥烟繞帝家 時張步建都於劇令弟張藍分兵二萬據守西安令都郡太守合萬餘人共守臨淄相去四十里地卻說耿弇令費敢守巨里自引眾將進兵書中居二城之間弇視西安城小而堅且藍兵又精臨淄名雖大而實易攻乃傳令諸將曰汝等竭心相護後五日且攻西安成功之後各有褒賞眾將俱諾願死相助遵令各歸帳部有人報知張藍藍大驚即會諸將謂曰耿弇欲攻吾城汝等須謹防禦眾將聽令日夜禁守至期夜半弇令軍卒飽食上馬而行次日天曉至臨淄城近護軍梁首等進謂弇曰將軍宜速攻西安莫使彼思謀就難復破之弇曰不然西安間吾欲攻之日夜防備今臨淄不覺可先攻此陡見吾等兵至必自驚亂半日可破矣若攻破臨淄西安孤弱又且張藍與步隔絕不能連救若知必然亡走歸劇豈不擊一而得二也若先攻西安其城堅固一時難克累與加兵死傷必多縱然拔之藍引軍奔還臨淄合兵共勢吾等反被其挫觀人虛實而下則可取勝眾將聞言乃曰將軍真神算也弇遂令陳俊引兵五萬埋伏城西山下彼敗必從西望東奔走再令首領領軍二萬於西山高阜處探望若其將至舉旗為號陳俊伏兵齊起截住去路吾等後襲可擒此賊眾將各遵去詎是日耿弇親發大軍二十餘萬分作五隊而進至城下排列陣勢叫小寇搦戰步弟張壽見漢兵圍擊慌忙無措急引精兵十萬披掛上馬出城迎敵兩軍相對耿弇出馬謂壽曰小將能知死乎張壽罵曰匹夫小寇有何高見敢言大話兩合陣前碎屍萬段耿弇大怒提刀直取二人交馬約戰數合張壽敗走耿弇率軍追趕壽見勢迫棄城從西而走首領見其將近忙將旗幡一展陳俊伏兵齊出大喝一聲當頭截住張壽欲回後走耿弇趕上前後相攻衝陣大殺壽欲拚死撞出陳俊躍馬趕近望張壽腦下一槍刺

於馬下殺死眾軍不可勝數餘卒皆降奔遂鳴金收軍入城安歇張藍聞知大懼遂引眾將合城奔劇而去人報知耿弇大喜曰果遂吾意即傳令軍中不可妄攻劇下若張步至則取城以激之卻說張藍走奔至劇入見兄步哭訴前情張步大驚嘆曰吾自起兵據東一十二郡未嘗傷失今逢此賊殺我手足占我縣池不由人不惱言未訖有人報曰耿弇據城又欲與大王爭鋒兵馬都已整備王何拒之步聞大笑曰以尤來大彤十餘萬眾吾皆即其營而破之耿弇兵少於彼又皆疲勞困倦何足懼之言罷與弟張藍張弘及大彤首將董翼等兵共二十萬眾即起攻奔行至臨淄大城東分兵布陣弇知先引眾將出淄水上突遇董翼欲戰乃思挫其銳則步不敢進故示弱以長其氣遂還軍歸小城陳兵於內引其入戰張步見弇退兵乃曰小將豈敢當大見吾一至忙退還歸遂乘勢連兵而進兩軍相遇劉歆出馬謂步曰村賊尚不知死還敢率兵對陣今若拿住斬首革屍步曰蛟龍淺水遭蝦笑汝乃一無名小寇不禁三合之敵自誇口急退叫耿弇對陣劉歆大怒挺槍直取二人交馬共戰十合不分勝負耿弇正於齊王宮中環臺之上觀望見歆步交鋒急下引兵助殺與陳俊等引兵兩路而進衝入陣中攬殺步軍大敗各相混殺張藍望東突走陳俊擋住戰不兩合被俊一槍刺於馬下張弘望見躍馬來救陳俊奮身轉馬望弘腦後一槍被其躲過復馬再戰三合弘敵不住撥回奔走劉歆攀弓赶上望弘奮射一箭穿入口中墜馬而死眾軍大敗張步引兵退走耿弇等一齊追殺趕至東城下張步見追漸近急扯弓撥馬望耿弇一箭奔以刀急挺開躍馬赶上二人又戰十合陳俊劉歆兩下夾攻步衝出走陳俊欲趕弇曰不可今日兵馬勞倦明日再戰遂令鳴金收軍安歇是日漢帝在魯聞弇為步所攻親引大軍來救未至陳俊謂弇曰劇虜雖敗一陣兵馬猶盛吾等且閉營休士以須上來步曰乘輿且到臣子當擊牛釀酒以待百官反欲以賊虜遺君父耶乃出兵大戰後謂步曰匹夫早下馬降保為重用莫待擒掌斬首悔無及矣步罵曰小人苟得

一勝則自矜誇今日再決方顯輸贏言罷二人交馬共持十合不分勝負耿弇出馬一齊掩殺征雲蔽日塵土遮天自早交兵至晚未罷殺傷無數城下溝壑伏屍填滿弇知張步困乏乃退兵伏於兩旁以待其出夾攻剿殺步見弇退軍靜果引殘兵出走耿弇將旗一舉伏兵齊起挾殺步軍丟旗棄鼓各逃奔散弇等諸將追至鉅昧上八十九里僵屍相屬收得輜重二千餘兩步還劇都而去弇亦收軍頓息有詩為証
連日干戈擾塞疆可憐士卒喪丘荒無端百舌枝頭鳥故向春風鬧夕陽
卻說漢帝駕至臨淄弇等皆出迎接入城坐定弇等諸將一齊參見禮畢帝謂弇曰聞卿與賊交兵未能取勝朕親來相助以代卿勞弇曰臣領陛下勅旨討賊寇惕於心但不能智理天下致主優游今託陛下洪福賊盜俱平惟張步敗逃劇去容臣再討帝聞大喜謂曰昔韓信破歷下以開基今將軍攻祝阿以發迹此皆齊之西界功足相仿而韓信襲擊已降將軍獨拔勅敵其功猶勝於信也又田橫烹鄒生及田橫降高帝詔衛尉不聽為仇張步前亦殺伏隆若步來歸命吾當詔大司徒以釋其怨又事尤相類也將軍前在南陽建此大策常以為落落難合有志者事竟成也言訖遂令設宴大會羣臣賞勞諸軍至次日耿弇復進兵攻劇張步知急披掛上馬引兵出城迎敵兩軍相對耿弇出馬不與打話令卒擂鼓二將交鋒約戰十合張步敗回本陣欲進入城陳俊截住又交十合耿弇衝陣混殺張步大敗急引殘兵拚死殺出奔投平壽蘇茂聞知即將萬餘人馬來救帝遣告閻步茂若能相斬來投降者封為列侯千金賞賜步聞暗思漢兵勢大吾身孤力寡豈能與敵莫若拜降免勞軍卒遂夜入帳斬茂首級至弇軍門肉袒負斧請降弇大喜遂令前行入據其城樹起東一十二郡旗鼓令步兵各立各郡旗下眾尚十餘萬人輜重七十餘兩遂奏帝封步為安丘侯其餘皆罷遣歸弇復引兵進攻咸陽其五校餘賊聞弇兵至望風降伏於是齊地悉平振旅還京

總評 按朕奔為將凡所平郡四十六屠城三百未嘗少挫其銳真古名將也今日東隅不靖安

得才智如將軍者為國家吐氣哉丘壘中人日引領望之

第九十二回 元臣述疏論興亡

卻說隗囂一日問於班彪曰往昔周亡戰國並爭數世然後方定實乃蘇秦張儀縱橫之迷而致王興吾今欲效以行之可乎彪曰周之廢興與漢殊異周爵五等則諸侯從政而本根既微枝葉強大故其末流有縱橫之事勢數然也漢承秦制改立郡縣主有專已之威臣無百年之柄至於成帝假借外家哀平短祚國嗣三絕故王氏擅朝能竊號位危自上起則傷及下是以即真之後天下引領而嘆十餘年間中外騷擾遠近懼發假號雲合咸稱劉氏不謀同辭方今雄傑帶州域者皆無六國世業之資百姓謳除思仰漢必復興已可知矣囂曰汝言周漢之勢可也至是但見愚人紛紛並與劉氏驅立若此之故而謂漢復興疏矣昔秦失其鹿劉季逐而掎之時民復知漢可興乎彪見其強辯不聽乃作王命論以諷之 論曰 昔堯之禪舜曰天之歷數在爾躬舜亦以命禹洎與稷契咸佐唐虞至湯武而有天下劉氏承堯之祚堯據火德而漢紹之有赤帝之符俗見高祖興於布衣不達其故至比天下於逐鹿幸捷而得之不知神器有命不可以智力求之悲夫此世所以多亂臣賊子也夫飢饉流隸飢寒道路所願不過一金然終轉死溝壑何則窮貧亦有命也况乎天子之貴四海之富神明之祚可得而妄處哉故雖遭離阨曾竊其權柄勇如信布強如梁籍成如王莽然卒潤鑊伏質烹醢分裂又况么麼不及數子而欲闡好天位者乎昔陳嬰之母以嬰家世貧賤卒富貴不祥止嬰勿王王陵之母知漢必得天下遂伏劍而死以固勉陵夫以匹婦之明猶能推事理之致探禍福之機而全宗祀於無窮垂策書於春秋而况大丈夫之事乎是故窮達有命吉凶由人嬰母知廢陵母知興審此二者帝王之事決矣加之高祖寬明而仁慈知人善任使當

食吐哺納子房之策拔提揮洗揖酈生之說舉韓信於行陣收陳平於亡命英雄陳力羣策畢舉此高帝之大略所以成帝業也若乃靈瑞符應其事甚眾故淮陰留侯謂之天授非人力也英雄誠知覺悟超然遠覽淵默深識收陵嬰之明分絕信布之覬覦則福祚留於子孫天祿其永終矣臣班彪頓首百拜謹奉論上 隗囂接論讀罷謂曰若卿之論則古之帝王皆有預卜而後興乎遂不聽所言退殿而去彪見屢諫不從私避出城奔往河西令人報知竇融融遂出接邊入衙廳施禮二人坐叙融曰遠勞賢士下顧必有事否彪曰為屢諫囂賊不從故私離郭竟來佐輔賢宰望納為用竇融大喜謂曰吾心久欲東向奈以河西遠隔如之奈何彪曰大丈夫當磊磊落落決意而往不可疑貳以墮其志今漢帝威儀德著仁智待人誠所謂有德之君也賢宰深明才略博覽古今決禍亂察廢興運猶反掌豈可久淹自溺而不見用於世昔惠王幣聘孟子千里而來况此東郡界乎竇融聽罷大喜因留宿帳中共畫策其愛敬之卻說隗囂為人奸佞詭詐百端外順人望內懷異心一日與辯士張玄議曰吾欲效儀秦之術無是人欲託賢士往河西說連竇融合兵其勢公意若何玄曰臣但無儀秦之辨合縱之謀君既有命豈敢畏憚而違哉遂拜別上馬隗囂送出郭外分首張玄行至河西令人帖報竇融迎入施禮退堂坐叙問曰賢士來者何意玄曰此來非別特為賢宰興業融曰吾乃一庸才耳豈當是任縱能興舉則勢力不及張玄曰賢宰不可疑貳更始事業已成尋復亡滅此一姓不再興之效今即有所主使相係屬一旦拘制自令失柄後有危殆雖悔無及且今豪傑競逐雌雄未決當各據土宇與隴蜀合從高可為六國下不失尉佗竇融聞言沈吟未決乃曰待吾思之張玄遂別而退融乃召眾豪傑及諸郡太守計議其事內有識者皆曰漢承堯運歷數延長今皇帝姓號見於圖書自前世博物道術之士谷子雲夏賀良等建明漢有再受命之符言之久矣故劉子駿改易名字冀應其占及莽末道士西門君惠言劉秀當為天子眾遂謀立子駿事覺被殺

出謂百姓觀者曰劉秀真汝主也此皆近暴者智者所共見也除言天命且以人事論之今稱帝者數人而洛陽土地最廣兵甲最強號令最明觀符命而察人事他姓則未能當也竇融聞言甚喜遂與諸郡太守小心精強從容決策東向五年夏月遣長史劉鈞奉書詣赴洛陽卻說漢帝聞西河之地民居稠密財富盈盈又且接連隴蜀常欲招之以逼竇述一日遣使齎書遺融途遇劉鈞即與俱還見帝具說其事帝聞大喜禮饗鈞畢乃遣劉鈞齎持璽書回賜竇融鈞辭帝出朝上馬回至河西入見竇融將璽書呈上竇融接視書曰制詔行河西五郡大將軍事屬國都尉勞鎮守邊五郡兵馬精強倉庫有蓄民庶富殷外則控銳羌胡內則百姓蒙福威德流聞虛心相望奈道路隔塞悒悒何已蒙遺長史奉書所至深知厚意今益州有公孫子陽天冰有魄將軍方蜀漢相攻權在將軍舉足左右便有輕重以此言之欲相厚豈有量哉諸事俱長史所見將軍所知王者所興千載一會欲遂立桓文輔微國當勉卒以功業欲三分鼎足連衡合從亦宜以時定天下未併晉與爾絕域非相吞之國今之議者必有任囂教尉悅制七郡之討王者有分土無分民自適己事而已今以黃金二百斤賜將軍授為涼州牧便宜輒言竇融讀罷大喜自璽書一至河西咸驚以為天子明見萬里之外融即遣劉鈞齎書詣京見帝書曰臣融竊伏自惟幸得託先后末屬蒙恩為外戚累世二千石至臣之身復備列位假歷將軍守持一隅以妾質則易為辭以納忠則易為力書不足以深達至誠故遣劉鈞口陳肝胆自以底裏上露長無纖介而璽書感稱蜀漢二主三分鼎足之權任囂尉悅之謀竊自傷痛臣融雖無識猶知利害之際順逆之分豈可背真舊之主事奸偽之人廢忠貞之節為傾覆之事棄已成之基求無益之利此三者雖間狂夫猶知就而臣獨何以用心謹遣同產弟友詣闕口陳伏冀親慈俯垂昭鑒帝覽書大喜嘆曰竇將軍誠有忠心於國也即令鈞使回報合會進兵鈞遂拜別上馬而回行至河西入見竇融具說前事融深知帝意乃遣使齎書至隴

五十四

右責罵書曰伏惟將軍國富政修士兵懷附親遇啟會之際國家不利之時守節不回承事本朝後

遺伯春委身於國無疑之誠於斯有效融等所以欣服高義願從役於將軍者良為此也而忿憤之間改節易圖君臣分爭上下接上委成功名難就去從義為橫謀百年累之一朝毀之豈不惜乎始執事者會功建謀以至於此融竊痛之當今西州地勢局迫人離兵散易以輔人難以自建計若失路不返聞道猶述不南合子陽則北入文伯耳夫負虛交而易強禦恃遠救而輕近敵未有見其利也融聞智者不危眾以舉事仁者不違義以要功今以小敵大於眾何如棄子微功於義何如且初事本朝稽首北面忠臣節也及遣伯春垂自起兵以來轉相攻擊城郭皆為丘墟生人轉於溝壑今其存者非鋒刃之餘則流亡之孤迄今傷疾之軀未愈哭泣之聲尚聞幸賴天運少還而大將軍復重於難是使積疴不得遂瘳幼孤將復流離其為悲痛尤足愍傷言之可為酸鼻聞之頓惕寒心庸人且猶不忍況仁者乎融聞為忠甚易得宜實難憂人太過以德取怨知且以言獲咎也區區所獻惟將軍省焉隗囂覽書讀罷沈吟半晌竟不從常自矜已飾智每比西伯之熊其將王元常以為天下成敗未可知不願專心內事遂進訊囂曰昔更始西都四方響應天下喁喁謂之太平一旦敗壞大王况無所厝今南有子陽北有文伯而欲牽儒生之說棄千乘之基羈旅危國以求萬全此循覆車之軌計之不可者也今天水完富士馬精強北收西河上郡東收三輔之地秦秦舊迹表裏山河元請以一丸泥為大王東封函谷關此萬世一時也若計不及此且蓄養士卒據隘自守曠日持久以待四方之變圖王不成其弊猶足以羈要之魚不脫於淵神龍失勢與蚯蚓同囂聞言甚喜即依元計而行遂遣人入恃然負其險阨欲車制方面於是游士長者稍稍去之

總評

識時勢者呼為豪傑若隗囂者可謂明於料已而暗於料人者矣師心自用豪傑解體即有山河之險何足恃哉

中國書店标价籤

編	号	本数	定价
		6	150